

SÙ-TÔ· HĒNG-TOĀN (44)

¹Thê-o-hui-lô ah, goá í-keng chiong Iâ-so· tùi khí-thâu só· kiáⁿ só· kà-sī ê, ²tít-kàu I thok-tiōng Sèng Sîn bēng-lēng só· keng ê sù-tô· liáu-āu siū chih-chiap chiūⁿ thiⁿ ê jít, ták hāng kì-chài tī cheng ê chheh. ³I siū hāi liáu-āu, bat ēng choē-choē pîn-kù, tī sì-cháp jít ê tiong-kan, chhut-hiān hō· sù-tô· khoàⁿ-kìⁿ, lâi hián-bēng I ka-kī sī oáh, soà káng-lūn Siōng-tè kok ê sū. ⁴I kap in chū-chíp ê sí, bēng-lēng in, kóng, M̄ thang lī-khui Iâ-lō·sat-léng, tiōh theng-hāu Pē só· èng-ún ê, chiū-sī lín bat tùi goá thiaⁿ-kìⁿ ê; ⁵in-ūi Iok-hān ēng chúi kiāⁿ soé-lé; tók-tók lín, koh bô kúi jít, beh tī Sèng Sîn siū soé.

⁶Án-ni in chū-chíp ê sí, m̄ng I, kóng, Chú ah, lí tī chit sí beh chiong kok hók-tò hō· Í-sek-liát mah? ⁷I chiū ká in kóng, Pē só· hē tī I ka-kī koân-lāi ê sí kap kī m̄ sī lín só· thang chai. ⁸Tók-tók Sèng Sîn līm-kàu lín ê sí, lín beh tit-tiōh chài-lēng; koh tī Iâ-lō·sat-léng, piàn Iú-thài, kap Sat-má-lī-a, tít-kàu toē kék, beh choè goá ê kan-cheng. ⁹Chiah ê oē kóng liáu, in teh khoàⁿ ê sí, Iâ-so· siū kú-khí chiūⁿ thiⁿ; ū hūn chih-chiap I, in chiū khoàⁿ boē kìⁿ. ¹⁰I khi ê sí, in òng thiⁿ chù-bák khoàⁿ, hut-jiān ū n̄ng lāng chhēng pēh saⁿ, khiā tī sin-piⁿ; ¹¹kóng, Ka-lī-lī lāng ah, siáⁿ-sū khiā-teh khoàⁿ thiⁿ? Chit ê Iâ-so· lī-piát lín siū chih-chiap chiūⁿ thiⁿ, lín khoàⁿ I án-ni chiūⁿ thiⁿ, I iáh beh chiàu án-ni lâi.

¹²Hit sí in tùi hit ê miâ kiò Kaⁿ-ná ê soaⁿ tò-khi Iâ-lō·sat-léng, chit ê soaⁿ kún Iâ-lō·sat-léng, saⁿ lī-khui ū an-hioh-jít ê lō·chām. ¹³Í-keng jlp, chiū chiūⁿ in só· toà ê lâu-téng; ū Pí-tek, Iok-hān, Ngá-kok, An-tek-liát, Hui-lèk kap To-má, Pa-to-lô-mái kap Má-thài, A-lèk-hui ê kiáⁿ Ngá-kok kap Se-lô-tí ê Se-būn, kap Ngá-kok ê kiáⁿ Iú-tāi. ¹⁴Chiah ê lāng, kap kúi-nā ê hū-jîn-lāng, í-kip Iâ-so· ê lâu-bú Má-lī-a, chham I ê hiaⁿ-tī, lóng tâng-sim choan-bū kí-tó.

¹⁵Tong sí tâng chū-chíp ê cheng lāng iok-liók chit-pah jī-cháp miâ, Pí-tek tī hiaⁿ-tī tiong khiā-khí lâi kóng, ¹⁶Hiaⁿ-tī ah, Sèng Sîn chioh Tāi-pit ê chhui só· chhām-gú chhoā lāng liáh Iâ-so· ê Iú-tāi ê, chit ê sèng-keng èng-giām sī eng-kai. ¹⁷In-ūi i bat kap goán tâng liát, koh tī chit ê kang iáh ū hūn. ¹⁸Taⁿ chit lāng ēng i kiáⁿ put-gī só· tit-tiōh ê kang-chiⁿ lâi boé hng; seng-khu phak-lòh-lâi, paktó· piak-līh, tng-á lóng lâu-chhut. ¹⁹Tiām-tī Iâ-lō·sat-léng ê lāng lóng chai; só·í chiàu in ê khiuⁿ-kháu kiò hit khu hng choè A-kek-tāi-má, chiū-sī Huìh-hng). ²⁰In-ūi Si-phian kì-chài, kóng, “Hō· i ê chhù pha-hng, Bô lāng tī hia khiā: koh kóng, I kam-tok ê chit hō· pát lāng tam-tng.” ²¹Só·í Chú Iâ-so· tī lán tiong-kan chhut-jlp ê sí, tùi Iok-hān kiāⁿ soé-lé khí, kàu Iâ-so· lī-piát lán siū chih-chiap ê jít, só· ū siōng-siōng kap goán choè phoāⁿ ê lāng, tī in

tiong-kan tiòh ũ chít-ê kap goán saⁿ-kap choè I koh-oáh ê kan-chèng.

²³Tùi án-ni kú nng lāng, chiū-sī Iok-sek, kiò choè Pa-sat-pa, iáh miâ Iû-sū-to·, koh chít-ê sī Má-thê-a. ²⁴Chiū kī-tó, kóng, Chú ah, lí sī bat cheng lāng ê sim ê, tī chí nng lāng tiong chí-bêng tá-lòh chít lāng sī lí só· keng ê, ²⁵lâi ũ hūn tī chít ê kang, kap sù-tô· ê chít, chiū-sī Iû-tāi só· lī-khui beh khi i ka-kī ê só·-chāi ê. ²⁶Tùi án-ni ká in liam-khau; liam-tiòh Má-thê-a; i chiū kap chấp-it ê sù-tô· tâng liát.

2 Gō·sūn-choeh ê kī í-keng kàu, in lóng chū-chíp tī chít só·-chāi. ²Hut-jiân tui thiⁿ ũ siaⁿ, chhin-chhiūⁿ toā hong teh chhe, chhiong-moá in só· chē kui-keng ê chhù. ³Chiū ũ teh hun-khui ê chíh, chhut-hiān hō· in khoàⁿ-kìⁿ, chhin-chhiūⁿ hé ê chíh, hioh tī ták lāng ê téng-bīn. ⁴In lóng siū Sèng Sîn chhiong-moá chiah khui chhùi kóng pát iūⁿ ê khiuⁿ-kháu, sī chiàu Sèng Sîn só· siūⁿ-sù in kóng ê.

⁵Hit sī ũ khiān-sêng ê Iû-thài lāng, tui thiⁿ-ē ták kok lâi ê, toà tī Iâ-lō·-sat-léng. ⁶Chít ê siaⁿ chít ē khí, cheng lāng chū-chíp hun-hun loān-loān, in-ūi ták lāng thiaⁿ-kìⁿ in chiàu i ka-kī ê thó·-khiuⁿ lâi kóng. ⁷Chiū lóng gông-ngiáh kī-koài, kóng, Lí khoàⁿ, chiah ê teh kóng ê kiám bô it-khai sī Ka-lī-lī lāng mah? ⁸Cháiⁿ-iūⁿ lán thiaⁿ in kóng chiàu lán ták lāng só· chhut-sì ê thó·-khiuⁿ ah? ⁹Lán chiah ê Phàⁿ-thê-a lāng, Bí-thài lāng, Í-lân lāng, kap tiām-tī Bí-só·-pho-tāi-bí, Iû-thài kap Ka-phàⁿ-to-ka, Pún-to· kap A-se-a, Hut-lū-ka kap Pông-hui-lī-a, Ai-kíp kún-oá Kó·-lī-nāi ê Lū-pí-a, chiah ê toē-hng ê lāng, í-kíp tui Lô-má lâi ê chhut-goā lāng, ũ-ê sī Iû-thài lāng, ũ-ê sī jíp Iû-thài kàu ê lāng, ¹¹Kek-lí-tí lāng, A-lat-pek lāng, lóng thiaⁿ in ēng

lán ê khiuⁿ-kháu lâi kóng Siōng-tè ê toā sū.

¹²Chiū lóng gông-ngiáh tiū-tū, saⁿ-kap kóng, Che sím-mih ì-sù? ¹³Iáh ũ pát lāng thí-chhiò in kóng, In sī lim sin chiú teh chui.

¹⁴Chóng-sī Pí-tek kap chấp-it ê sù-tô· khiā-teh, toā siaⁿ ká in kóng, Iû-thài lāng, kap lóng-chóng khiā-khí tī Iâ-lō·-sat-léng ê peh-sìⁿ ah, lín tiòh chai chít-ê, iáh tiòh tì-ì thiaⁿ goá ê oē. ¹⁵Chiah ê lāng m̄ sī chiú-chui, chhin-chhiūⁿ lín só· phah-sng; in-ūi chít tiáp tú chiah téng-po· káu tiám cheng: ¹⁶che chiū-sī thok sian-ti Iok-jíⁿ só· kóng ê, kóng, ¹⁷Siōng-tè kóng, Tī lō·-bé ê sī-jit, Goá beh ēng goá ê Sîn kàng-lòh tī hoān ũ jiòk-thé ê; Lín ê hāu-siⁿ lín ê cha-bó·-kiáⁿ beh choè sian-ti kóng oē, Lín ê siàu-liân lāng beh khoàⁿ-kìⁿ īⁿ-siōng, Lín ê lāu-lāng beh tit-tiòh bīn-bāng: ¹⁸Tī hiah ê jit goá iā beh ēng goá ê Sîn Kàng-lòh tī goá ê lô·-pòk lú-pī; in iáh beh choè sian-ti lâi kóng. ¹⁹Téng-bīn tī thiⁿ-nīh goá beh hián-chhut kī-sū, Ê-bīn tī toē-nīh goá beh hián-chhut sîn-jiah, Chiū-sī huìh, kap hé, kap ian-bū: ²⁰Jit beh pìⁿ choè àm, Gêh beh pìⁿ choè huìh, Tī Chú toā koh ēng-hián ê jit, Bē kàu ê tãi-seng: ²¹Koh hoān-nā kiū-kiò Chú ê miâ ê oē tit-tiòh kiū. “ ²²Í-sek-liát lāng ah, tiòh thiaⁿ goá ê oē: Ná-sak-lék lāng Iâ-so·. Siōng-tè bat ēng I tī lín tiong-kan kiāⁿ koh-iūⁿ ê koān-léng, kī-sū, kap sîn-jiah, lâi tui lín cheng-bêng I, che chiū-sī lín só· chai ê; ²³I chiàu Siōng-tè tiāⁿ-tiòh ê chí-ì kap tãi-seng chai ê, í-keng siū kè-sàng lín chiah-ê chioh put-hoat ê lāng ê chhiú tềng síp-jī-kè hāi-sí I; ²⁴chóng-sī Siōng-tè tháu-pàng hiah ê sí ê khó·-thàng, hō· I koh-oáh; sī I boē-oē hō· sí só· pé-pák. ²⁵In-ūi Tāi-plt ũ chí I kóng,” Goá khoàⁿ Chú siōng-siōng tī goá ê bīn-cheng; I tiām tī goá ê chiàⁿ pêng, hō· goá bián iô-

tāng: ²⁶Só·-í goá ê sim hoaⁿ-hí, goá ê chíh khoài-lók; Koh goá ê jiók-thé iā beh tiām tī òng-bāng tiong: ²⁷In-ūi lí bô beh chiong goá ê lêng-hùn pàng-hē tī im-kan, Iā bô beh hō· lí ê Sèng-ê tú-tiòh hiú-noā. ²⁸Lí bat ēng oah-miā ê lō· chí-sī goá; Beh hō· goá tī lí ê bīn-chēng moá sim khoài-lók. “ ²⁹Hiaⁿ-tī ah, sian-chó· Tāi-pit ê sū goá thang hó-táⁿ tui lín kóng, i í-keng sí koh bāi-chòng, i ê bōng kàu kin-á-jit iáu tī lán tiong-kan. ³⁰I kì-jian sī sian-ti, koh chai Siōng-tè bat kap i chiū-choā, beh tī i hō·-ê tiong siat-lip chit lāng chē i ê chō-ūi. ³¹I tāi-seng khoàⁿ-chhut án-ni, chiū lūn Ki-tok ê koh-oah kóng, I bô pàng-hē tī im-kan, iah I ê jiók-thé bô tú-tiòh hiú-noā. ³²Chit ê Iā-so·, Siōng-tè í-keng hō· I koh-oah, goán chiah-ê lóng choē I ê kan-chēng. ³³I kì-jian hō· Siōng-tè ê chiāⁿ chhiú kú I koāiⁿ-koāiⁿ, koh tui Pē siū só· èng-ún ê Sèng Sīn, chiū chiong chit ê kàng-lòh, chiū-sī lín só· khoàⁿ-kìⁿ, só· thiaⁿ-kìⁿ ê. ³⁴In-ūi Tāi-pit bē bat chiūⁿ thiⁿ; tòk-tòk ka-kī kóng,” Chú kā goá ê Chú kóng, Lí chē goá ê toā pēng, ³⁵Thèng-hāu goá hō· lí ê tui-tèk choē lí ê kha-táh-í. “ ³⁶Án-ni Í-sek-liát choān-ke tiòh khak-sit chai, chit ê Iā-so·, Siōng-tè í-keng siat-lip I choē Chú, choē Ki-tok, chiū-sī lín só· tēng tī sīp-jī-kè ê.

³⁷Chèng lāng thiaⁿ-liáu, sim-lāi chhi-chhāk, tui Pí-tek kap kī-ū ê sù-tô· kóng, Hiaⁿ-tī ah, goán tiòh cháiⁿ-iūⁿ choē? ³⁸Pí-tek kā in kóng, Lín tiòh hoán-hoé, tāk lāng tī Iā-so· Ki-tok ê miā siū soé-lé, kàu hō· lín ê choē sià-bián; koh beh siū Sèng Sīn ê siūⁿ-sù. ³⁹In-ūi só· èng-ún ê kui tī lín, kap lín ê kiáⁿ-sun, í-kip lóng-chóng hñg-hñg ê lāng, chiū-sī kìⁿ-nā Chú, lán ê Siōng-tè, só· beh tiàu ê. ⁴⁰Koh lēng-goā ēng choē-choē oē kan-chēng, lāi khó·-khò in, kóng, Lín tiòh kiù ka-kī thoat-lī chit

ê siā ê sè-tāi. ⁴¹Tui án-ni chiap-lap in ê oē ê lāng lóng siū soé-lé; hit jit iok-liók ke-thiⁿ saⁿ chheng lāng. ⁴²Siōng-siōng choan-bū sù-tô· ê kà-sī, saⁿ-kap kau-poē, peh-piáⁿ, kī-tó.

⁴³Chèng lāng lóng kiaⁿ-hiāⁿ; sù-tô· koh kiāⁿ choē-choē kī-sū sīn-jiah. ⁴⁴Sin ê lāng lóng chū-chip tī chit só·-chāi, só· ū ê mih kong-ke ēng; ⁴⁵koh boē bít-sán ke-giap, chiàu tāk lāng só· khiām-ēng pun hō· in. ⁴⁶Jit-jit tâng-sim choan-bū tī tiān-lāi, iā tī jīn-ke peh piáⁿ, ēng hoaⁿ-hí sēng-sit ê sim lāi chiah, o-ló Siōng-tè, ⁴⁷iah tit-tiòh chēng peh-siⁿ hoaⁿ-hí in. Chú chiong tit kiù ê lāng jit-jit ke-thiⁿ hō· in.

3 Saⁿ tiám cheng kī-tó ê sī, Pí-tek kap Iok-hān chiūⁿ tiān. ²Ū chit lāng, tui chhut-si chiū nng-kha, tāk jit hō· lāng kng lāi hē tī tiān mng, chiū-sī hit ê kiò choē Súi ê mng, beh kiū jip tiān ê lāng siá-si; ³khoàⁿ-kìⁿ Pí-tek Iok-hān teh-beh jip tiān, chiū kiū siá-si. ⁴Pí-tek kap Iok-hān chū-bák khoàⁿ i, kóng, Khoàⁿ goán. ⁵I chiū chū-sin khoàⁿ in, òng-bāng tui in ū só· tit-tiòh, ⁶Nā-sī Pí-tek kóng, Kim gūn goá lóng bô; tòk-tòk goá só· ū ê hō· lí. Tī Ná-sat-lèk Iā-so· Ki-tok ê miā, lí khí-lāi kiāⁿ. ⁷Chiū khan i ê chiāⁿ chhiú, hō· i khí-lāi; i ê kha kap kha-bák liām-piⁿ íong-kiāⁿ. ⁸Chiū thiàu-khí-lāi khiā-teh, koh kiāⁿ, kap in jip tiān; iah kiāⁿ, iah thiàu, iah o-ló Siōng-tè. ⁹Chèng peh-siⁿ khoàⁿ-kìⁿ i teh kiāⁿ teh o-ló Siōng-tè; ¹⁰koh jīm-tit i sī pēng-sò· chē tī tiān ê Súi-mng kiū siá-si ê; chiū in-ūi i só· tú-tiòh ê sū, moá sim kī-koài gōng-ngiáh.

¹¹Hit lāng khan Pí-tek Iok-hān ê sī, chēng peh-siⁿ toā kī-koài, chit choē chāu lāi chiū-kūn in, tī hit-ê miā kiò Só·-lô-būn ê lēng-lōng. ¹²Pí-tek khoàⁿ-kìⁿ, chiū tui peh-siⁿ kóng, Í-sek-liát lāng ah, siáⁿ-sū liáh chit-ê choē kī-koài? siáⁿ-sū chū-bák khoàⁿ goán, ná

chhin-chhiūⁿ goán ēng ka-kī ē chài-lêng, á-sī kèng-khiân, hō· i kiāⁿ? ¹³A-pek-lâh-hán, Í-sat, Ngá-kok ē Siōng-tè, chiū-sī lán liát-chó· ē Siōng-tè, í-keng ēng-kng I ē Lô·-pók Iâ-so·; chiū-sī lín chia-hê só· sàng-kau ê, koh tī Pí-liáp-to ē bīn-chêng, tng i gí beh pàng I ē sī, lín koh m̄ jīm I. ¹⁴Án-ni lín m̄ jīm hit ê Sèng koh Gī ê, hoán-túg kiū i ēng chit ê hong-hoan hō· lín; ¹⁵lín hāi-sí oah-miā ē Jīm-kun, chiū-sī Siōng-tè tui sí-lâng tiong hō· I koh-oah ê; goán chia-hê choē I ē kan-chêng. ¹⁶In-ūi sìn I ē miā, chiū I ē miā hō· chit-ê lín só· khoàⁿ só· bat ê lêng íong-kiāⁿ; sī hit-ê tui I lâi ē sìn hō· i chiâu-chng hó tī lín chêng lêng ē bīn-chêng. ¹⁷Hiaⁿ-tī ah, taⁿ goá chai lín án-ni kiāⁿ sī tui m̄ chai-iaⁿ, lín ē koaⁿ-hú iā sī án-ni. ¹⁸Tók-tók Siōng-tè ēng chêng sian-ti ē chhui chhàm-gú I ē Ki-tok só· beh siū ē hāi, I ū án-ni èng-giām i. ¹⁹Só·-í lín tióh hoán-hoé, lâi oát-túg-thâu, hō· lín ē choē oē tit chhat-siau, hō· an-lók ē jít-kī oē tui Chú ē bīn-chêng lâi; ²⁰koh Chú beh chhe ūi-tióh lín tãi-seng tiāⁿ-tióh ē Ki-tok, chiū-sī Iâ-so·. ²¹Thiⁿ tek-khak tióh chiap-láp I, kàu bān mih hók-tò ē sī, chiū-sī Siōng-tè tui chhòng-sè í-lâi ēng I sèng sian-ti ē chhui só· kóng ê. ²²Mô·se bat kóng, Chú Siōng-tè beh tī lín hiaⁿ-tī ē tiong-kan ká lín thêng-khí chit ê sian-ti, chhin-chhiūⁿ goá; hoan-nā I só· ká lín kóng lín tióh thiaⁿ I. ²³Hoan-nā m̄ thiaⁿ chit ê sian-ti ê, beh tui peh-siⁿ ē tiong-kan it-chīm biát i. ²⁴Koh chia-hê sian-ti, tui Sat-bó·-jīⁿ í-lâi, kīⁿ ū kóng ê, lóng sī thoân-pò chia-hê jít. ²⁵Lín sī sian-ti ē kiáⁿ-sun, sêng-chiap Siōng-tè kap lín liát-chó· só· lip ê iok, chiū-sī ká A-pek-lâh-hán kóng, Thiⁿ-ē bān chók beh tī lí ē hō·-è tit-tióh hok-khi. ²⁶Siōng-tè í-keng thêng-khí I ē Lô·-pók, chhe I lâi tãi-seng sù hok hō· lín, chiū-sī hō· lín ták lêng oát-túg

lī-khui lín ē pháiⁿ.

4 In tui peh-siⁿ kóng oē ē sī, chia-hê chē-si, kap tiān-si, í-kip Sat-thó·-kai lêng hut-jiân kàu; ²in-ūi in kà-sī peh-siⁿ, koh ín-khí Iâ-so· lâi thoân tui sí-lâng tiong koh-oah ē tō-lí, chiū toā m̄ hoaⁿ-hí. ³Tui án-ni hē chhiú liáh in; in-ūi jít ám, koaiⁿ in tī kaⁿ-nih, lâi thêng-hâu keh jít. ⁴Nā-sī thiaⁿ tō-lí ē lêng choē-choē sìn; lêng-giáh iok-liók kàu gō· chheng.

⁵Keh jít, in ē koaⁿ-hú, tiúⁿ-ló, keng-hák-sū chū-chip tī Iâ-lō·-sat-lêng; ⁶chē-si-thâu A-ná tī-teh, koh ū Kai-a-hoat, Iok-hān, A-lék-san-tāi, í-kip hoan-nā siók chē-si-thâu ē chong-chók iáh tī-teh. ⁷Hō· in khiā tī tiong-ng, mng kóng, Lín ēng sīm-mih koân-lêng, ēng sīm-mih miā, kiāⁿ chit ê tãi-chi ah? ⁸Pí-tek hit sī hō· Sèng Sīn chhiong-moá, tui in kóng, ⁹Peh-siⁿ ē koaⁿ-hú, kap tiúⁿ-ló ah, goán chia-hê kin-á-jít nā ūi-tióh kiāⁿ tī loán-jiók ē lêng ē hó sū lâi siū sīm-mng, khoàⁿ i àn-cháiⁿ-iūⁿ tit kiū; ¹⁰chiū lín chêng lêng, kap thong Í-sek-liát peh-siⁿ tióh chai, sī tī Ná-sat-lék lêng Iâ-so· Ki-tok ē miā, lín só· têng tī sip-jī-kè, Siōng-tè hō· I tui sí-lâng tiong koh-oah ê, chiū-sī tī I ē miā, chit lêng hó-hó khiā tī lín ē bīn-chêng. ¹¹I chiū-sī lín sai-hū só· m̄ tih ē chióh, í-keng chiāⁿ-choē chhui-kak ē thâu. ¹²Koh tī pát-ê pêng bô chín-kiū; in-ūi tī thiⁿ-ē, bô siúⁿ-sù pát ê miā tī lêng ē tiong-kan, hō· lán tiām-tī i lâi tit kiū.

¹³Chêng lêng khoàⁿ-kīⁿ Pí-tek Iok-hān ē hó-táⁿ, koh chai in sī bô hák-būn ē pêng-siōng lêng, chiū kī-koài; koh jīm-tit in bat tē Iâ-so·. ¹⁴Iáh khoàⁿ-kīⁿ tit-tióh hó ē lêng kap in saⁿ-kap khiā-teh, chiū bô oē thang piān-pok. ¹⁵Chia-hê kah in chhut hoē-só·, iā saⁿ-kap gī-lūn, kóng, ¹⁶Chia-hê lêng beh cháiⁿ-iūⁿ pān in? in hián-jiân kiāⁿ sīn-jiah, tiām-tī Iâ-

lō·sat-léng ê lāng lóng chai; lán chiah-ê boē kóng bô--tít. ¹⁷Chóng-sī bián-tit chit ê sū it-hoat pò-iông tī peh-siⁿ ê tiong-kan, lán tiòh háng in, toàn-toàn m̄ thang koh chiong chit ê miâ tùi lāng kóng. ¹⁸Chiū kiò in lâi, kìm-chí in, chhian-bān m̄ thang ēng Iā-so· ê miâ lâi kóng-khí, lâi kà-sī. ¹⁹Nā-sī Pí-tek Iok-hān ìn kóng, Thiaⁿ lín khah kè-thâu thiaⁿ Siōng-tè, tī Siōng-tè ê bīn-chèng háp-gī á bô, lín chiah gí-toàn: ²⁰in-ūi goán só· bat khoàⁿ bat thiaⁿ ê, boē tit thang bô kóng. ²¹Hiah ê lāng, in-ūi peh-siⁿ ê iān-kò·, siūⁿ bô pō· thang hēng-hoat in; chiū koh-chài háng-hoah, chiah pàng in; sī cheng lāng ūi-tiòh in só· kiāⁿ ê, lâi kui êng-kng Siōng-tè. ²²In-ūi tùi sīn-jiah tit-tiòh i-hó ê lāng í-keng sì-cháp goā hē.

²³In í-keng tit-tiòh tháu-pàng, chiū khi chhē in ê pēng-iú, chiong chiah ê chè-si-thâu kap tiúⁿ-ló só· kóng ê oē tùi in kóng. ²⁴In thiaⁿ-kìⁿ chiū tâng-sim chhut siaⁿ tùi Siōng-tè kóng, Chú-cháiⁿ ah, lí sī chhòng-chō thiⁿ, toē, hái, kap kī-tiong bān mih ê; ²⁵lí bat tùi Seng Sīn ēng lí ê lô·pók, goán ê chók, Tāi-pit ê chhui, lâi kóng, “Liát-pang siáⁿ-sū toā siū-khì, Chiaⁿ ê peh-siⁿ siáⁿ-sū kè-bô· khang-khang ê tãi? ²⁶Toē-chiūⁿ ê liát-ông chit choē khiā-teh, Chiaⁿ ê koaⁿ-oân iā saⁿ-kap chū-chíp, Lâi tùi-ték Chú, kap I ê Ki-tok;” ²⁷in-ūi Hi-lút, Pún-tiu Pí-liáp-to, kap goā-pang lāng, í-kip Í-sek-liát chiaⁿ ê peh-siⁿ, kó-jian chū-chíp tī chit ê siāⁿ, lâi kong-kek lí só· boah-iū seng ê Lô·pók Iā-so·, ²⁸lâi kiāⁿ lí ê chhiú, lí ê chí-ì só· tãi-seng tiāⁿ-tiòh it-chhè beh chiāⁿ ê sū. ²⁹Taⁿ Chú ah, tiòh kàm-chhat hiah ê lāng ê háng-hoah; hō· lí chiaⁿ ê lô·pók hó-táⁿ kóng lí ê tō-lí, ³⁰chiàu sī chhun lí ê chhiú lâi i pīⁿ; hō· sīn-jiah kī-sū tùi lí seng ê Lô·pók Iā-so· ê miâ lâi chiāⁿ. ³¹Kī-tó soah, chū-chíp

ê só·chāi toā tín-tāng; cheng lāng lóng siū Seng Sīn chhiong-moá, hó-táⁿ kóng Siōng-tè ê tō-lí.

³²Sin ê lāng lóng chit sim chit chì; bô lāng kóng i só· ū ê siók ka-kī; sī tak hāng mih choē kong ê. ³³Sū-tô· ēng toā koān-leng kan-cheng Chú Iā-so· ê koh-oáh; cheng lāng iā tit-tiòh toā un-tián. ³⁴Kī-tiong bô khiām-kheh ê lāng; in-ūi kìⁿ ū chhān-hng chhù-théh ê, lóng boē i, toā in só· boē ê gūn, hē tī sū-tô· ê kha-ē; ³⁵chiàu tak lāng só· khiām-ēng, pun hō· in.

³⁶Ū Lī-bī chók ê lāng, chhut-si tī Ku-pí-lō·, miâ Iok-sek, sū-tô· kiò i choē Pa-ná-pa, (hoan-ék chiū-sī gâu an-ùi ê lāng), ³⁷i ū hng chiū boē-khì, chiong só· boē ê gūn toā-lâi, hē tī sū-tô· ê kha-ē.

5 Nā-sī ū chit lāng miâ A-ná-ni-a, kap i ê bó· Sat-hui-lat, boē i ê sán-giáp, chiong só· boē ê gūn, àm-chīⁿ lâu kúi-nā hūn, i ê bó· iāh chai; ²kī-ū ê toā lâi hē tī sū-tô· ê kha-ē. ³Pí-tek kóng, A-ná-ni-a, siáⁿ-sū Sat-tàn chhiong-moá lí ê sim lâi phiàn Seng Sīn, chiong boē hng ê gūn àm-chīⁿ lâu kúi-nā hūn? ⁴Hng iáu-bē boē, kiám m̄ sī lí ê? boē liáu, hit ê gūn kiám m̄ sī lí chú-ì? Lí sim-lâi siáⁿ-sū siūⁿ-chhut chit ê tãi-chi ah? Lí m̄ sī phiàn lāng, chiū-sī phiàn Siōng-tè. ⁵A-ná-ni-a thiaⁿ-kìⁿ chiaⁿ ê oē, chiū lek-lóh-khì, tng khui; thiaⁿ-kìⁿ ê lāng lóng toā kiaⁿ. ⁶Chiaⁿ ê siàu-liân lāng khí-lâi, siu-síp i ê sin-si, kng chhut-khì bāi-chòng.

⁷Iok-liók kè saⁿ tiám cheng kú, i ê bó· iāh jíp-lâi, iáu-bē chai chit ê sū. ⁸Pí-tek ìn i kóng, Lí ká goá kóng, lín boē hng ê kè-chīⁿ sī chiaⁿ choē mah? Kóng, Tiòh, sī chiaⁿ choē. ⁹Nā-sī Pí-tek tùi i kóng, Lín siáⁿ-sū tâng-sim lâi chhi Chú ê Sīn ah? Lí khoàⁿ, bāi-chòng lí ê tiōng-hu ê, in ê kha í-keng kàu mng-kháu, iāh beh

kng lí chhut-khì. ¹⁰Hū-jîn-lâng chek-sî lek tī i ê kha-chêng, tng khui; hiah ê siâu-liân lâng jlp-lâi, khoàⁿ i í-keng sí, chiū kng i chhut-khì bài-chòng tī i tiōng-hu ê sin-piⁿ. ¹¹Choân kàu-hoē kap kīⁿ-nā thiaⁿ-kìⁿ chiaⁿ ê tãi-chì ê, lóng toā kiaⁿ.

¹²Tùi sù-tô· ê chhiú ū kiâⁿ choē-choē sîn-jiah kap kī-sū tī peh-siⁿ ê tiong-kan; chêng lâng lóng tâng-sim chū-chíp tī Sók-lô-bûn ê léng-lông. ¹³Ki-û ê lâng bô chit-ê káⁿ kûn-oá in; nā-sī peh-siⁿ chun-tiōng in; ¹⁴sîn lâi kui Chú ê lâng it-hoat ke-thiⁿ, lâm-lú lóng chin choē; ¹⁵sīm-chì ū kng pīⁿ-lâng kàu tī koe-lô·, hē tī phor-á, òg-bāng Pí-tek keng-kè ê sí, in ū-ê oē hō· i ê iáⁿ ìm-tiòh. ¹⁶Iáu ū choē-choē lâng tùi Iâ-lô·sat-léng sì-ûi ê siáⁿ lâi; chhoā pīⁿ-lâng kap hō· siá-sîn só· khó·-chhó· ê; in lóng tit-tiòh i-hó.

¹⁷Tók-tók chè-si-thâu, í-kip lóng-chóng tâng--i ê lâng, (chiū-sī Sat-thó·-kai tóng,) khiā-khí-lâi, moá sim oân-tò·, ¹⁸hē chhiú liáh sù-tô·, koaiⁿ in tī kong ê kaⁿ. ¹⁹Nā-sī Chú ê thiⁿ-sài mī-sī khui kaⁿ mng, chhoā in chhut, kóng, ²⁰Lín tiòh khi khiā tī tiān-nih, ēng chit ê Oáh-miā ê oē lóng tùi peh-siⁿ kóng. ²¹In thiaⁿ-kìⁿ chiaⁿ ê oē, thiⁿ phú-kng chiū jlp tiān lâi kà-sī. Chè-si-thâu kap tâng--i ê lâng kàu, chio-chíp kong-hoē, kap Í-sek-liát peh-siⁿ ê lāu-toā, chhe lâng khi kaⁿ-nih toā in lâi. ²²Gê-iáh kàu tè, chhē in bô tī kaⁿ-nih; chiū tò-lâi pò, kóng, ²³Goán khoàⁿ-kìⁿ kaⁿ koaiⁿ kàu chin kian-kò·, kò·-siú ê lâng khiā tī ták ê mng-kháu; kàu khui ê sí, chhē bô lâng tī lâi-bīn. ²⁴Tiān-si kap chiaⁿ ê chè-si-thâu thiaⁿ-kìⁿ chiaⁿ ê oē, chiū ūi-tiòh in toā tiu-tû, m̄ chai chit ê sū beh cháiⁿ-iūⁿ. ²⁵Ū chit lâng lâi pò in kóng, Lín só· koaiⁿ tī kaⁿ-nih ê lâng hiān-chāi khiā tī tiān-nih kà-sī peh-

sìⁿ. ²⁶Tiān-si kap gê-iáh chiū khi chhoā in lâi, m̄ káⁿ ēng kiōng; in-ūi kiaⁿ peh-siⁿ, kiaⁿ-liáu hō· in ēng chiòh-thâu tìm. ²⁷Chhoā lâi liáu, chiū hō· in khiā tī kong-hoē ê bīn-chêng. Chè-si-thâu mng in, kóng, ²⁸Goán bat giâm-giâm kìm lín bôh-tit ēng chit ê miā kà-sī lâng, lín chiū chiong lín ê kà-sī piàn thoân tī Iâ-lô·sat-léng, beh ēng chit lâng ê huì kui tī goán. ²⁹Pí-tek kap kī-û ê sù-tô· in, kóng, Sūn-thàn Siōng-tè khah kè-thâu tī sūn-thàn lâng, sī háp-gī. ³⁰Lín só· tiâu tī chhâ-nih, lâi hāi-sí ê Iâ-so·, lán liát-chó· ê Siōng-tè í-keng hō· I koh-oáh. ³¹Chit ê Iâ-so·, Siōng-tè ēng ka-kī ê chiāⁿ chhiú kú-khí I choē Jīm-kun, choē Kiù-chú, beh chiong hoán-hoé kap sià-choē siúⁿ-sù Í-sek-liát peh-siⁿ. ³²Koh goán ūi-tiòh chiaⁿ ê sū choē kan-chêng; Siōng-tè só· siúⁿ-sù hō· sūn-thàn I ê lâng ê Sèng Sîn iā choē kan-chêng.

³³In thiaⁿ-liáu, chīn-chāi siū-khì, ài hāi-sí in. ³⁴Tók-tók ū chit ê Hoat-lī-sài lâng, miā ka-má-liát, sī chêng peh-siⁿ só· keng-tiōng ê kàu-hoat-su, khí-lâi khiā tī kong-hoē tiong, hoan-hù hō· hiah ê lâng chiām-sí chhut-khì. ³⁵Chiū tùi tãi-ke kóng, Í-sek-liát lâng ah, lín tiòh ka-kī kín-sīn, beh cháiⁿ-iūⁿ pān chiaⁿ ê lâng. ³⁶In-ūi chêng ū Tiu-tāi chhut-thâu, ka-kī khoa-kháu choē toā; óá i ê lâng iok-liók sì pah; i siū thâi, tè i ê lâng sì-soàⁿ, bô-lô-khì. ³⁷Chit lâng í-āu chō ke-kah ê sí koh ū Ka-lī-lī ê Iū-tāi chhut-thâu ín-iú peh-siⁿ thàn i; i iā biát-bô, tè i ê lâng lóng sì-soàⁿ. ³⁸Taⁿ goá ká lín kóng, Bôh-tit chhap chiaⁿ ê lâng, pàng kù-chāi in; in-ūi chit ê kè-bô·, chit ê só· choē, nā chhut tī lâng, tek-khak beh pāi-hoāi; ³⁹nā chhut tī Siōng-tè, lín chiū boē pāi-hoāi in; koh kiaⁿ-liáu lín iā sī kap Siōng-tè kau-chiàn. ⁴⁰In chiū thàn i; tiâu sù-tô· lâi phah

in, bēng-lēng in bōh-tit ēng Iâ-so· ê miâ lâi kóng, chiū pàng in. ⁴¹Sù-tô· lī-khui kong-hoē chēng, lóng hoaⁿ-hí, sī in-ūi in tit-tiōh khoàⁿ-choē oē kham-tit ūi-tiōh chit ê Miâ siū lēng-jíok. ⁴²Chiū tī tiān-nih, tī jîn-ke, kà-sī lāng, thoân Iâ-so· choē Ki-tok, ták jít bô soah.

6 Tng hit sī, hák-seng ke-thiⁿ choē-choē, ū kóng Hi-lī-nī oē ê Iū-thài lāng, tui Hi-pek-lâi lāng chhut oàn-giân, in-ūi ták jít ê kiong-kip, bô kò-tiōh in ê koáⁿ-hū. ²Cháp-jī ê sù-tô· kiò chēng hák-seng lâi tui in kóng, Goán chiong Siōng-tè ê tō-lí pàng-hē teh, lâi pān-lí chiāh-sít, m̄ háp-gī. ³Só·-í hiaⁿ-tī ah, tiōh tui lín tiong-kan keng ū hó miâ-siaⁿ, siū Sîn kap tì-hūi chhiong-moá ê, chhit lāng, goán chiū siat-lip in koán-lí chit ê sū. ⁴Goán beh choan-bū kí-tó, thoân-tō. ⁵Chēng lāng hoaⁿ-hí chit ê oē; chiū keng Sū-thê-hoán, i sī ū sìn kap Seng Sîn moá-moá ê lāng, koh keng Hui-lék, Pek-lô-ko-lô, Nī-ka-ná, Thê-bún, Pabí-ná, kap bat jíp Iū-thài kàu ê An-thê-o lāng Nī-ko-lah; ⁶hō· in khiā tī sù-tô· ê bīn-chēng; chiū kí-tó, kà in hoāⁿ chhiú.

⁷Siōng-tè ê tō-lí ná heng-ōng; tī Iâ-lō· sat-léng hák-seng ê siāu-giáh ke-thiⁿ chin choē; chē-si sūn-hók tī hok-im iáh choē-choē.

⁸Sū-thê-hoán siū un-tián kap chài-lēng moá-moá, kiāⁿ toā ê kī-sū sîn-jiah tī peh-siⁿ ê tiong-kan. ⁹Hit sī ū hoē-tng kiò choē Lī-pek-tē-ná ê, kap Kó·lī-nāi ê, A-lék-san-thài ê, í-kíp tui Ki-lī-ka, A-se-a lâi ê, kúi-nā lāng khi-lâi kap Sū-thê-hoán piān-lūn, ¹⁰Sū-thê-hoán ēng tì-hūi ēng Sîn lâi kóng, in boē-oē tí-tng. ¹¹Chiū ēng lāng chhut-lâi, kóng, Goán bat thiaⁿ-kìⁿ i kóng pòng-tók Mô·se kap Siōng-tè ê oē. ¹²In koh kiau-so peh-siⁿ, kap tiúⁿ-ló, kap keng-hák-sū, hut-jian kàu, liáh i, toà kàu kong-hoē, kiò ké kan-chēng lâi, kóng, ¹³Chit

lāng kóng-oē kong-kek chit ê sēng ê só·-chāi kap lút-hoat bô soah; ¹⁴in-ūi goán bat thiaⁿ-kìⁿ i kóng, Chit ê Ná-sat-lék lāng Iâ-so· beh hui-hoai chit ê só·-chāi, iā beh koé-oāⁿ Mô·se só· thoân hō· lán ê kui-lē. ¹⁵Hit tiáp chē tī kong-hoē tiong ê lāng, lóng chù-bák khoàⁿ i, khoàⁿ i ê bīn chhin-chhiūⁿ thiⁿ-sài ê bīn.

7 Chē-si-thâu chiū kóng, Chiaⁿ ê sū sī án-ni mah? ²Sū-thê-hoán kóng, Liát-ūi hū-heng, chhiáⁿ thiaⁿ, Lán ê chó· A-pek-láh-hán, iáu tī Bí-só·-pho-tāi-bí, bē khiā-khí Hap-lân ê sī, ēng-kng ê Siōng-tè tui i hián-hiān, kà i kóng, ³Lī-khui lí ê toē-hng kap chong-chók, kàu goá só· beh chí-sī lí ê toē-hng. ⁴Hit sī i chiū chhut Ka-lék-tí lāng ê toē-hng, khiā-khí tī Hap-lân; i ê lāu-pē sí liáu-āu, Siōng-tè tui hia kà i soá kàu chit só·-chāi, chiū-sī lín taⁿ só· khiā-khí ê; ⁵tī chia pèng bô sán-giáp hō· i, lián khiā-kha ê só·-chāi iā bô; hit sī i iáu-bē ū kiáⁿ, nā-sī Siōng-tè èng-ún beh ēng chit só·-chāi hō· i choē giáp, soá kàu i ê hō·-è. ⁶Chóng-sī Siōng-tè ū án-ni kóng, i ê hō·-è teh-beh chhut-goā tī īⁿ-pang, lāng beh ēng in choē lô·-chāi, pháiⁿ khoán-thāi in, sì-pah nī kú. ⁷Siōng-tè koh kóng, In choē lô·-chāi só· hók-sāi ê kok, goá beh sím-phoàⁿ i; āu-lâi in beh chhut-lâi, hók-sāi goá tī chit ūi. ⁸Koh ēng kat-lé ê iok hō· i; tui án-ni i siⁿ Í-sat, tē poeh jít kà i kiāⁿ kat-lé; Í-sat siⁿ Ngá-kok, Ngá-kok siⁿ lán cháp-jī ê chó·. ⁹Liát-chó· oàn-tò· Iok-sek, boē i khi Ai-kíp; ¹⁰nā-sī Siōng-tè kap i tī-teh, kiù i thoat-lī lóng-chóng ê khó·-lān, hō· i tī Ai-kíp ông Hoat-ló ê bīn-chēng tit-tiōh un-tián kap tì-hūi; Hoat-ló chiū lip i chóng-lí Ai-kíp kok, kap i ê choân ke. ¹¹Tú-tiōh Ai-kíp, Ka-lâm, piàn toē ki-hng, toā kan-khó·; lán ê liát-chó· chhē bô bí-niū. ¹²Ngá-kok thiaⁿ-kìⁿ Ai-kíp ū gō·-kak, chiū thâu chit pái chhe lán ê liát-

chó· khi. ¹³Kàu tē jī pái Iok-sek hō· hiaⁿ-tī bat i; Iok-sek ê chók Hoat-ló soà tit-tiòh chai. ¹⁴Iok-sek chiū chhe lāng poaⁿ-chhiáⁿ lāu-pē Ngá-kok, kap choân chók, chhit-cháp-gō· lāng lāi. ¹⁵Ngá-kok chiū lóh-khì Ai-kíp; i kap lán ê liát-chó· sí tī hia; ¹⁶ūn koan kàu Sī-kiàm, bāi-chòng tī A-pek-láh-hán ēng gūn tui Hap-boat ê kiáⁿ-sun só· boé tī Sī-kiàm ê bōng-toē. ¹⁷Kàu Siōng-tè tui A-pek-láh-hán ēng chiū-choā só· èng-ún ê, hit ê kī í-keng kūn, peh-siⁿ chiū siⁿ-thoàⁿ heng-ōng tī Ai-kíp; ¹⁸kàu pát ê ông m̄ bat Iok-sek ê, khí-lāi koán-lí Ai-kíp. ¹⁹I bō·-hāi lán ê chók, pháiⁿ khoán-thāi lán ê chó·, bēng-lēng tiòh khi-sak in ê eⁿ-á, hō· in boē oáh. ²⁰Hit sī Mô·-se chhut-sì, hui-siōng ê chheng-siū; iúⁿ-chhi tī lāu-pē ê ke saⁿ gēh jít; ²¹siū khi-sak ê sī, Hoat-ló ê cha-bó·-kiáⁿ khioh-khì, iúⁿ-chhi choè ka-kī ê kiáⁿ. ²²Mô·-se hák-síp Ai-kíp lāng lóng-chóng ê hák-būn; kóng oē kiāⁿ tãi-chì lóng ū chāi-lēng. ²³Chiong-kūn sì-cháp hē, siūⁿ beh khi khoàⁿ i ê hiaⁿ-tī, Í-sek-liát ê kiáⁿ-sun. ²⁴Khoàⁿ-kìⁿ chhit lāng siū oan-óng, chiū pò·hō· i, thoè siū khut ê lāng sin-oan, phah Ai-kíp lāng; ²⁵phah-sng hiaⁿ-tī oē hiáu-ngō· Siōng-tè ēng i ê chhiú kiū in; nā-sī in boē hiáu-ngō·. ²⁶Keh jít tú-tng in teh saⁿ-phah, ài hō· in koh hô, chiū kóng, Lín sī hiaⁿ-tī, siáⁿ-sū saⁿ khi-hū? ²⁷Hit ê khi-hū chhù-piⁿ ê lāng kū-choát i, kóng, Chī-chui siat-líp lí choè koaⁿ-hú, choè sím-phoàⁿ si, lāi tī-lí goán ah? ²⁸Lí ài beh hāi-sí goá, chhin-chhiūⁿ chā-jít hāi-sí hit ê Ai-kíp lāng mah? ²⁹Mô·-se in-ūi chit kù oē chiū cháu, chhut-goā tī Bí-tiān ê toē-hng; tī hia siⁿ nng ê kiáⁿ. ³⁰Kè sì-cháp nī, tī Se-nái soaⁿ ê không-iá, chhi-phè hé-iām ê tiong-kan, ū thiⁿ-sài tui i hián-hiān. ³¹Mô·-se khoàⁿ-liáu, kī-koài só· khoàⁿ-kìⁿ ê; tú-á kūn-oá beh jīm-

chin khoàⁿ, chiū ū Chú ê siaⁿ, kóng, ³²Goá chiū-sī lí ê liát-chó· ê Siōng-tè, chiū-sī A-pek-láh-hán, Í-sat, Ngá-kok ê Siōng-tè. Mô·-se ngiāuh-ngiāuh-chhoah, m̄ káⁿ jīm-chin khoàⁿ. ³³Chú ká i kóng, Lí ê oē tiòh thng-khí-lāi; in-ūi lí só· khiā ê ūi sī sēng toē. ³⁴Goá ê peh-siⁿ tī Ai-kíp, goá sít-chāi khoàⁿ-kìⁿ in ê khùn-khó·, iáh thiaⁿ-kìⁿ in ê thó·-khui, chiū kàng-lim lāi kiū in; taⁿ lí lāi, goá beh chhe lí khi Ai-kíp. ³⁵Chit ê Mô·-se chiū-sī in só· kū-choát ê, kóng, Chī-chui siat-líp lí choè koaⁿ-hú, choè sím-phoàⁿ si ah? Chit ê lāng Siōng-tè thok chhi-phè lāi tui i só· hián-hiān ê thiⁿ-sài, chhe i choè koaⁿ-hú, choè kiū-siòk ê. ³⁶Chit ê lāng choā in chhut, kiāⁿ kī-sū sīn-jiah, tī Ai-kíp, Âng-hái, kap không-iá, sì-cháp nī kú. ³⁷Chit ê lāng chiū-sī hit ê ká Í-sek-liát kiáⁿ-sun kóng ê Mô·-se, kóng, Siōng-tè beh tui lín hiaⁿ-tī ê tiong-kan ūi-tiòh lín thng siⁿ chit ê sian-ti, chhin-chhiūⁿ goá. ³⁸Chit ê lāng chiū-sī hit ê tī không-iá-nih ê hoē-tiong, kap tī Se-nái soaⁿ tui i kóng oē ê thiⁿ-sài, í-kíp liát-chó·, saⁿ-kap tī-teh ê; i iáh tit-tiòh oáh ê chiàu-bēng thoan hō· lán; ³⁹lán ê liát-chó· m̄ ài sūn-thàn i, hoán-tng kū-choát i, sim tò-tng tī Ai-kíp, ká A-lun kóng, ⁴⁰Lí tiòh ká goán chō sīn-bēng choè thau choā goán; in-ūi chit ê chhoā goán chhut Ai-kíp ê Mô·-se, m̄ chai i cháiⁿ-iūⁿ. ⁴¹Hit sī in chiū chō gū-á, koh hián-chè tī hit ê siōng, hoaⁿ-hí in ka-kī ê chhiú só· choè ê. ⁴²Siōng-tè chiū oát-lin-tng, chhut-chāi in hók-sāi thian-siōng; chhin-chhiūⁿ sian-ti ê chheh só· kì-chài, kóng, “Í-sek-liáh ke ah, lín tī không-iá lèk-kè sì-cháp nī, Kiám bat ēng seng-lé chè-mih hián hō· goá mah? ⁴³Lín kng Mô·-se ê pò·-pīⁿ, Kap Lí-hoan sīn ê chhiⁿ, Chiū-sī lín só· chō lāi ê siōng; Goá beh chhian-soá lín tī Pa-pí-lun goā.” ⁴⁴Lán liát-

chó· tī không-ia̍ ũ cheng-kù ê hoē-bō·, chhin-chhiūⁿ tui Mô·-se kóng ê hoan-hù, Tiòh chiàu só· khoàⁿ-kìⁿ ê khoán-sit lâi chō i. ⁴⁵Ấu-lâi Siōng-tè koáⁿ-tiók goā-pang lāng tī lán ê chó· ê bīn-chêng, lán ê chó· kap Iok-su-a kì-jiân sêng-chiap chit ê hoē-bō·, chiū toā i jip khi tiàm-tī hit ê toē-hng, tit kàu Tāi-pit ê sī; ⁴⁶i tit-tiòh un-tián tī Siōng-tè ê bīn-chêng, ài beh kā Ngá-kok ê Siōng-tè chhē chit ê khiā-khi ê ũi. ⁴⁷Tók-tók Sók-lô-būn chia hā i khi chhū. ⁴⁸Chóng-sī Chì-koàiⁿ-ê bô tiàm tī lāng ê chhiú só· khi ê; chhin-chhiūⁿ sian-ti kóng, ⁴⁹Chú kóng, Thiⁿ sī goá ê chō-ūi, Toē sī goá ê kha-táh-í. Lín beh kā goá khi sím-mih hō ê chhū? Á-sī goá ah-hioh ê só·-chāi tī tá-lòh ah? ⁵⁰Chiah-ê it-chhè kiám m̄ sī goá ê chhiú só· chhòng-chō ê mah? “

⁵¹Lín ê âm-kún ngī, sim kap hī bē siū kat-lé ê lāng, siōng-siōng poē-gék Seng Sín; lín ê chó· án-ni, lín iā án-ni. ⁵²Sian-ti tiong tá-lòh chit-ê bô hō· lín ê chó· khún-tiók i ah? hiah ê chhàm-gú Gī-ê teh-beh kàu ê lāng, in iā hāi-sí in; taⁿ chit ê Gī-ê lín bat sàng-kau lâi hāi-sí I; ⁵³tui thiⁿ-sai lâi siat ê lùt-hoat, lín siū-tiòh iā bô siú i.

⁵⁴In thiaⁿ-kìⁿ chia hē oē, sim-lāi chīn-chāi siū-khi, òng i kā-gê chhiat-chhi. ⁵⁵Tók-tók Sū-thê-hoán hō· Seng Sín chhiong-moá, chū-bák khoàⁿ thiⁿ, khoàⁿ-kìⁿ Siōng-tè ê êng-kng, Iá-so· khiā tī Siōng-tè ê toā pêng, ⁵⁶chiū kóng, Khoàⁿ ah! goá khoàⁿ-kìⁿ thiⁿ khi, Jīn-chú khiā tī Siōng-tè ê toā pêng. ⁵⁷In toā siaⁿ âu-kiò, ng hī-khang, tâng sim oe-khoeh i; koáⁿ i chhut siāⁿ, êng chiòh-thâu tìm i; choē kan-cheng ê lāng chiong in ê saⁿ hē tī siàu-liân lāng, miā kiò Sò-lô, ê kha-cheng. ⁵⁹In êng chiòh-thâu tìm Sū-thê-hoán; Sū-thê-hoán kiū, kóng, Chú Iá-so· ah, chiap-láp goá ê sīn.

⁶⁰Koh kúi-lòh-khi, toā siaⁿ kiò, kóng, Chú ah, bôh-tit êng chit ê choē kui tī in. Kóng soah chiū khùn. Sò-lô iā hoaⁿ-hí i sí.

8 Hit jít tī Iá-lô·-sat-léng ê kàu-hoē tú-tiòh toā khún-tiók; sù-tô· í-goā, lóng sì-soàⁿ tī Iú-thài, Sat-má-lī-a chia hē toē-hng. ²Ū keng-khiān ê lāng bài-chòng Sū-thê-hoán, ũi-tiòh i tui heng toā thi-khau. ³Sò-lô toā hām-hāi kàu-hoē, jip ták lāng ê ke, thoa in ê lâm-lú, sàng-kau lòh kaⁿ.

⁴Tui án-ni hiah ê sì-soàⁿ ê lāng piàn kiāⁿ, thoan hok-im ê tō-lí. ⁵Hui-lék lòh-khi Sat-má-lī-a ê siāⁿ, êng Ki-tok thoan hō· in. ⁶Cheng lāng thiaⁿ-kìⁿ, koh khoàⁿ-kìⁿ só· kiāⁿ ê sīn-jiah, chiū tâng sim ì-hiòng Hui-lék ê oē. ⁷In-ūi choē-choē lāng ũ hoan-tiòh siā-sīn, hiah ê siā-sīn toā siaⁿ âu-kiò chhut-khi; piàn-sūi ê, pái-kha ê, iah choē-choē tit-tiòh ì-hó. ⁸Hit ê siāⁿ-lāi toā hoaⁿ-hí.

⁹Chóng-sī ũ chit lāng, miā kiò Se-būn, pêng-sò· tī siāⁿ-lāi kiāⁿ siā-sút, chū-khoa choē toā, hō· Sat-má-lī-a ê peh-siⁿ gong-ngiáh; ¹⁰tui soē kàu toā, bô m̄ ì-hiòng i, kóng, Chit lāng sī Siōng-tè ê koan-leng, chiū-sī hit ê chheng choē Toā ê. ¹¹In ì-hiòng i ê iân-kò, sī in-ūi i kú-kú êng siā-sút hō· in gong-ngiáh. ¹²Kàu in sīn Hui-lék só· thoan ê hok-im, lūn Siōng-tè ê kok kap Iá-so· Ki-tok ê miā, chiu ũ lâm-lú siū soé-lé. ¹³Se-būn ka-kī iā sīn; í-keng siū soé-lé, siōng-siōng kun-sūi Hui-lék; khoàⁿ i só· kiāⁿ chia hē sīn-jiah toā koan-leng, chiū gong-ngiáh.

¹⁴Tī Iá-lô·-sat-léng ê sù-tô· thiaⁿ-kìⁿ Sat-má-lī-a í-keng chiap-láp Siōng-tè ê tō-lí, chiū chhe Pí-tek Iok-hān khi in hia. ¹⁵In í-keng lòh-khi, chiū thoē in kí-tó, hō· in siū Seng Sín; ¹⁶in-ūi Seng Sín iáu-bē līm-kau in chit lāng; in chí-ū siū soé-lé, kui tī Chú Iá-so· ê miā

nā-tiāⁿ. ¹⁷Tùi án-ni kā in hoāⁿ chhiú, in chiū siū Sèng Sîn. ¹⁸Chóng-sī Se-bûn khoàⁿ-kìⁿ tùi sù-tô· ê hoāⁿ chhiú chiū ū Sèng Sîn hō· lāng, chiaⁿ chiong chíⁿ hiàn hō· in, ¹⁹kóng, Iáh chiong chit ê koān hō· goá, tì-kàu goá ê chhiú só· hoāⁿ ê lāng siū-tiòh Sèng Sîn. ²⁰Tók-tók Pí-tek tùi i kóng, Lí ê gûn kap lí saⁿ-kap biát-bô, in-ūi lí phah-sèng Siōng-tè ê siúⁿ-sù beh ēng chíⁿ lâi boé. ²¹Lí tī chit ê sū bô hūn, bô kan-siáp; in-ūi tī Siōng-tè ê bīn-chêng lí ê sim put-chèng. ²²Só·-í tiòh hoán-hoé lī-khui lí chit ê pháiⁿ, lâi kiū Chú, kiám-chhái lí sim-lâi ê liām-thâu oē tit sià-bián. ²³In-ūi goá khoàⁿ-kìⁿ lí jīp tī khó·-táⁿ ê tiong-kan, hō· put-gī khún-pák. ²⁴Se-bûn in kóng, Lín thoè goá kiū Chú, hō· lín só· kóng ê lóng bô kàu tī goá.

²⁵In í-keng choè kan-chèng lâi thoân Chú ê tō-lí, chiū tò-khì Iā-lō·-sat-léng; tī Sat-má-lī-a lāng choē-choē ê hiūⁿ-siā thoân hok-im.

²⁶Chú ê thiⁿ-sài tùi Hui-lék kóng, Khí-lâi, tùi lâm-sì khì, kàu tùi Iā-lō·-sat-léng lóh-khì Ka-sat ê lō·; hia chiū-sī khòng-iá. ²⁷Chiū khí-lâi khì; tú-tng ū chit ê Ai-thê-o-pek lāng, chiū-sī Ai-thê-o-pek lú-ông, Kan-tāi-ki, ū koān ê thài-kàm, chóng-koán i ê gûn-khò·; i í-keng kàu Iā-lō·-sat-léng kèng-pài; ²⁸tò-tng-lâi, chē tī chhia-nh, teh thak sian-ti Í-sài-a ê chheh. ²⁹Sèng Sîn kā Hui-lék kóng, Chhin-chêng khì kûn-oá hit tiuⁿ chhia. ³⁰Hui-lék cháu-khì chiū-kûn i, thiaⁿ-kìⁿ i teh thak sian-ti Í-sài-a ê chheh, chiū kóng, Lí só· thak ê, lí oē bēng-pék mah? ³¹I kóng, Bô lāng chí-sī goá, thái-thó oē? Chiū chhiáⁿ Hui-lék chiūⁿ chhia saⁿ-kap chē. ³²Só· thak ê sèng-keng chiū-sī chit toāⁿ, “I hō· lāng khan, chhin-chhiūⁿ iūⁿ kàu siū thài ê só·-chāi, I bô khui chhui, Chhin-chhiūⁿ iūⁿ-á tùi chián-mûg

ê bô chhut siaⁿ; ³³I pi-bi ê sí, siū bô kong-gī ê sím-phoàⁿ. I ê sè-tāi chī-chui beh thoân-sút? In-ūi I ê oáh-miā tùi toē-chiūⁿ siū toát-khì.” ³⁴Thài-kàm in Hui-lék kóng, Chhiáⁿ mng, sian-ti kóng chit ê oē sī chí sím-mih lāng? sī chí pún-sin, á-sī pát lāng ah? ³⁵Hui-lék chiū khui chhui, tùi chit ê sèng-keng khí, ēng Iā-so· thoân hō· i. ³⁶Kiāⁿ lō· ê sí, kàu ū chúⁱ ê ūi; thài-kàm kóng, Lí khoàⁿ, chia ū chúⁱ; goá siū soé-lé ū sím-mih chó·-gāi? ³⁸Chiū hoan-hù thēng chhia; Hui-lék kap thài-kàm nng lāng lóh chúⁱ; Hui-lék chiū kā i kiāⁿ soé-lé. ³⁹Tùi chúⁱ-nh chiūⁿ-lâi ê sí, Chú ê Sîn toà Hui-lék khì; thài-kàm bô koh khoàⁿ-kìⁿ i, in-ūi choè i chiūⁿ lō·, iā chin hoaⁿ-hí. ⁴⁰Āu-lâi Hui-lék tī A-só-to· hō· lāng tú-tiòh; chiū piàn kiāⁿ chiaⁿ ê siāⁿ thoân hok-im, tit kàu Kai-sat-lī-a.

9 Sò-lô iáu-kú it-bī háng-hoah ài thài Chú ê hák-seng, khì kìⁿ chè-si-thâu, ²tùi i kiū phoe hō· Tāi-má-sek chiaⁿ ê hoē-tng, nā tú-tiòh thàn chit ê Lō· ê lāng, bô lūn lâm-lú, i chiū thang pák in, toà kàu Iā-lō·-sat-léng. ³Kiāⁿ kûn Tāi-má-sek ê sí, hut-jiân tùi thiⁿ ū kng ūi-lúⁱ chiò i; ⁴i chiū poáh-tó tī toē-nh, thiaⁿ-kìⁿ siaⁿ kā i kóng, Sò-lô, Sò-lô, siáⁿ-sū khún-tiòk goá? ⁵I kóng, Chú ah, lí sī chī-chui? Kóng, Goá chiū-sī lí só· khún-tiòk ê Iā-so·. ⁶Chóng-sī lí tiòh khí-lâi jīp siāⁿ, lí só· eng-kai choè ê beh kā lí kóng. ⁷Tāng kiāⁿ ê lāng chēng-chēng khiā-teh, thiaⁿ-kìⁿ siaⁿ, iā bô khoàⁿ-kìⁿ lāng. ⁸Sò-lô tùi toē-nh khí-lâi; bák-chiu thí-khui, boē khoàⁿ-kìⁿ sím-mih; lāng khan i ê chhiú, chhoā i jīp Tāi-má-sek. ⁹Lék-kè saⁿ jīt boē khoàⁿ-kìⁿ, bô chiaⁿ iā bô lim.

¹⁰Tī Tāi-má-sek ū chit ê hák-seng miā A-ná-ni-a; Chú tī ĩⁿ-siōng tiong kā i kóng, A-ná-ni-a ah. I kóng, Chú ah, goá tī chia. ¹¹Chú

tùi i kóng, Khí-lâi, khi hit tiâu koe-lō· kiò choè Tít ê, tī Iû-tāi ê ke chhē Tāi-sò· lāng, miâ Sò-lô: in-ūi i tú-tú teh kî-tó; ¹²koh ū khoàⁿ-kìⁿ chit lāng, miâ A-ná-nî-a, jip-lâi, kâ i hoaⁿ chhiú, hō· i oē khoàⁿ-kìⁿ. ¹³Nā-sī A-ná-nî-a òn kóng, Chú ah, goá thiaⁿ-kìⁿ choē-choē lāng kóng, chit lāng tī Iâ-lō·sat-léng bat cháiⁿ-iūⁿ toā pháiⁿ khoán-thāi lí chiah ê sèng-tô·; ¹⁴koh i tī chia ū chiah ê chè-si-thâu ê koân, thang lâi pák kîⁿ-nā kiú-kiò lí ê miâ ê lāng. ¹⁵Tók-tók Chú kâ i kóng, Choè lí khi; i sī goá keng-soán ê khi-kū, beh pò-iông goá ê miâ tī goā-pang, kap kok-ông, í-kip Í-sek-liát kiáⁿ-sun ê bīn-chêng; ¹⁶goá iā beh hō· i chai, i tiòh in-ūi goá ê miâ siū joā choē ê kan-khó·. ¹⁷A-ná-nî-a chiū khi, jip i ê chhù; chhiú hoāⁿ i, kóng, Hiaⁿ-tī Sò-lô, Chú, chiū-sī lí lâi ê sī lō·-tiông chhut-hiān hō· lí khoàⁿ ê Iâ-so·, chhe goá lâi, hō· lí oē khoàⁿ-kìⁿ, koh tit-tiòh Sèng Sîn chhiong-moá. ¹⁸Liām-piⁿ tùi i ê bák-chiu ū mih ka-lauh, chhin-chhiūⁿ hî-lân, i chiū khoàⁿ-kìⁿ; khí-lâi siū soé-lé; ¹⁹Í-keng chiah chiū íong-kiāⁿ.

Sò-lô kap Tāi-má-sek ê hák-seng saⁿ-kap toà kúi-nā jít. ²⁰Liām-piⁿ tī chiah ê hoē-tng soan-thoân Iâ-so·, kóng I sī Siōng-tè ê Kiáⁿ. ²¹Thiaⁿ-kìⁿ ê lāng lóng gông-ngiáh, kóng, Chit lāng kiám m̄ sī hit ê tī Iâ-lō·sat-léng chân-hāi hoān-nā kiú-kiò chit ê miâ ê mah? koh lâi chia tiâu-tī beh pák lâi thoa in kau hō· chiah ê chè-si-thâu. ²²Tók-tók Sò-lô ít-hoat ū lêng-lék, pok-tó toà tī Tāi-má-sek ê Iû-thài lāng, piān-bêng chit-ê sī Ki-tok.

²³Kè choē-choē jít, Iû-thài lāng saⁿ-kap kè-bô· beh thâi i; chóng-sī in ê kè-bô· Sò-lô chai. ²⁴In iáh jít m̄ tī siāⁿ-m̄ng-nih tng-tán beh thâi i; ²⁵nā-sī i ê hák-seng thau-mi chiong Sò-lô ēng nâ tùi siāⁿ-chhiūⁿ kâ i lūi-lôh-khi.

²⁶Í-keng kau Iâ-lō·sat-léng, beh kap hák-seng kau-poê; in lóng kiaⁿ i, m̄ sìn i sī hák-seng. ²⁷Tók-tók Pa-ná-pa choā i chiū-kūn sù-tô·, chiong i tī lō·-tiông cháiⁿ-iūⁿ khoàⁿ-kìⁿ Chú, Chú kap i kóng oē, í-kip i toà Tāi-má-sek cháiⁿ-iūⁿ hó-táⁿ tī Iâ-so· ê miâ lâi thoân, lóng-chóng kóng-khi. ²⁸Chiū tī Iâ-lō·sat-léng kap in chhut jip, hó-táⁿ tī Chú ê miâ lâi thoân; ²⁹iáh kap kóng Hi-lī-nī oē ê Iû-thài lāng kóng oē piān-lūn; tók-tók hiah ê lāng tô·-bô· beh thâi i. ³⁰Hiaⁿ-tī chai, chiū sàng i lōh Kai-sat-lī-a, hō· i tò-khi Tāi-sò·.

³¹Tùi án-ni piàn Iû-thài, Ka-lī-lī, Sat-má-lī-a ê kau-hoē ū pêng-an, tit-tiòh kiàn-lip, kiāⁿ tãi-chì keng-ùi Chú, iā siū Sèng Sîn ê an-ùi, lāng-giáh ná ke-thiⁿ.

³²Pí-tek piàn kiāⁿ sì-hng ê sī, iā lōh-khi chiū-kūn tiàm-tī Lū-tāi ê sèng-tô·. ³³Tī hia tú-tiòh chit lāng, miâ Í-nî-ngá, in-ūi hoān-tiòh piàn-sūi, tó chhng poeh nî. ³⁴Pí-tek kâ i kóng, Í-nî-ngá, Iâ-so· Ki-tok i-hó lí lah; khí-lâi, lí ê pho·-á ka-kī chéng-tùn. I liām-piⁿ khí-lâi. ³⁵Kîⁿ-nā toà tī Lū-tāi kap Sat-lūn ê lāng khoàⁿ-kìⁿ i, chiū kui-hók Chú.

³⁶Tī Iok-phàⁿ ū chit ê lú-tô·, miâ Tāi-pí-tāi, hoan-ék chiū-sī To-ka: kiāⁿ hó sū kap chín-chè moá-moá. ³⁷Tong sī phoà-piⁿ sí; lāng soé i ê sin-si, hē tī lâu-téng. ³⁸Lū-tāi kūn Iok-phàⁿ, hák-seng thiaⁿ-kìⁿ Pí-tek tī hia, chiū chhe nng lāng khi chhē i, kiú kóng, Chhiáⁿ lâi goán chia, m̄ thang iân-chhiān. ³⁹Pí-tek chiū khí-sin kap in khi. Í-keng kau, choā i chiūⁿ lâu; cheng chiú-koáⁿ lāng khiā tī Pí-tek ê sin-piⁿ, teh háu, chiong To-ka kap in tī-teh ê sī só· choē ê i-hók hō· i khoàⁿ. ⁴⁰Pí-tek chiū kah cheng lāng chhut-khi, kúi-lôh-khi, kî-tó; oát-tng-sin òng sin-si, kóng Tāi-pí-tāi, khí-lâi. I ê bák-chiu thí-khui; khoàⁿ-kìⁿ Pí-tek, chiū

khí-lâi chē. ⁴¹Pí-tek chhun chhiú hū i khí-lâi, kiò chia h ê sêng-tô· kap chiú-koáⁿ lāng jlp-lâi, chiong koh-oáh ê To-ka kau hō· in. ⁴²Thong Iok-phàⁿ lóng chai; chiū ū choē-choē lāng sìn Chú. ⁴³Pí-tek tī Iok-phàⁿ kú-kú kap chit ê hoân-phê sai-hū Se-būn saⁿ-kap toà.

10 Tī Kai-sat-lī-a ū chit lāng, miâ Ko-nī-liū, choē Í-tāi-lī iāⁿ ê pé-chóng, ²i sī kèng-khiân ê lāng, kap choân ke kèng-ùi Siōng-tè, choē-choē chín-chè peh-siⁿ, siōng-siōng kī-tó Siōng-tè. ³Jit-sī iok-liók saⁿ tiám cheng, tī ĩⁿ-siōng tiong bēng-bēng khoàⁿ-kìⁿ Siōng-tè ê thiⁿ-sài jlp-lâi chiū-kūn i, tui i kóng, Ko-nī-liū. ⁴I chū-bák khoàⁿ, chin kiaⁿ, kóng, Chú ah, ū siáⁿ-sū? Chiū kā i kóng, Lí ê kī-tó, lí ê chín-chè í-keng chiūⁿ kàu Siōng-tè ê bīn-chēng choē kī-liām. ⁵Taⁿ lí tiók chhe lāng khi Iok-phàⁿ, chhiáⁿ hit ê Se-būn, chheng choē Pí-tek ê, lâi; ⁶i hioh tī hoân-phê sai-hū Se-būn tau, i ê chhū tī hái-piⁿ. ⁷Kap i kóng oē ê thiⁿ-sài í-keng thè-khi, Ko-nī-liū chiū kiò nng ê lô-pók, kap chit ê kèng-khiân ê peng sī-siōng kun-sūi i ê; ⁸chiong chia h ê tãi-chì lóng kā in kóng, chiū chhe in khi Iok-phàⁿ.

⁹Keh jlt, in kiāⁿ lō· í-keng kūn siāⁿ, iok-liók jlt tiong-kàu, Pí-tek chiūⁿ chhū-téng kī-tó; ¹⁰chin iau, ài chiáh; lāng tú-tú teh pī-pān tng; Pí-tek ê sīn-hūn iū tī siōng goā; ¹¹chiū khoàⁿ-kìⁿ thiⁿ khi, ū khi-kū kàng-lòh, chhin-chhiūⁿ toā pak pò·, pák sī ê kak-thâu, tui tī toē-nih: ¹²lāi-bīn ū toē-chiūⁿ ták lūi sī-kha ê siū, thāng-thoā, kap thiⁿ tiong ê pe-chiáu. ¹³Koh ū siaⁿ tui i kóng, Pí-tek, khí-lâi; thāi lâi chiáh. ¹⁴Nā-sī Pí-tek kóng, Chú ah, toān-toān m̄ thang, in-ūi hoân-nā chho·-siók ê m̄h kap bô chheng-khi ê, goá bē bat chiáh. ¹⁵Tē jī pái ū siaⁿ koh tui i kóng, Siōng-tè só· hō· i chheng-khi ê, lí bôh-tit liáh choē chho·-siók.

¹⁶Án-ni saⁿ pái; hit ê khi-kū liām-piⁿ siu chiūⁿ thiⁿ.

¹⁷Pí-tek sim-lāi teh tiū-tū só· khoàⁿ-kìⁿ ê ĩⁿ-siōng sīm-m̄h ì-sù, tú-tú hit tiáp Ko-nī-lín só· chhe lâi ê lāng, ū m̄ng kàu Se-būn ê chhū, khiā tī m̄ng-goā, ¹⁸Chhut siaⁿ teh m̄ng khoàⁿ ū Se-būn, chheng choē Pí-tek ê, hioh tī chia á bô. ¹⁹Pí-tek iáu teh siūⁿ ĩⁿ-siōng ê sī, Sêng Sín kā i kóng, Ū saⁿ lāng teh chhē lí. ²⁰Taⁿ tiók khí-lâi, lòh-khi, kap in khi, m̄ bián giâu-gī; in-ūi sī goá chhe in. ²¹Pí-tek lòh-khi, kīⁿ hiah ê lāng, kóng, Goá chiū-sī lín só· chhē ê lāng; lín lâi sī ūi-tiók siáⁿ-sū? ²²In chiū kóng, Pé-chóng Ko-nī-liū sī gī lāng, koh kèng-ùi Siōng-tè, hō· Iū-thài choân kok só· o-ló, hōng sêng ê thiⁿ-sài chí-sī i, tiók chhiáⁿ lí kàu i ê chhū, soà thiaⁿ lí ê oē. ²³Pí-tek chiū chhiáⁿ in jlp-lâi, lâu in hioh-teh.

Keh jit khí-sin kap in khi, koh ū Iok-phàⁿ ê hiaⁿ-tī kúi-nā lāng kap i tâng kiāⁿ. ²⁴Koh keh jlt, jlp Kai-sat-lī-a. Ko-nī-liū í-keng chū-chíp i ê chhin-lāng kap hó pēng-iú, teh theng-hāu in. ²⁵Pí-tek tú-á jlp-khi ê sī, Ko-nī-liū ngiā-chih i, phak tī i ê kha-chēng, lâi pài i. ²⁶Chóng-sī Pí-tek khan i khí-lâi, kóng, Khí-lâi; goá ka-kī iā sī lāng. ²⁷Kap i kóng oē chiū jlp-khi khoàⁿ-kìⁿ choē-choē lāng chū-chíp; ²⁸chiū tui in kóng, lín chai Iū-thài lāng kap pát chók ê lāng chhin-kūn, á-sī lâi-óng, pún sī bô háp lē; nā-sī Siōng-tè í-keng chí-sī goá, bô lūn sīm-m̄h lāng m̄ thang kóng i choē chho·-siók bô chheng-khi; ²⁹só·-í goá siū chhiáⁿ, bô the-sī, chiū lâi. Taⁿ m̄ng, lín chhiáⁿ goá sīm-m̄h ì-sù. ³⁰Ko-nī-liū kóng, Sī jit chēng chit ê sī, goá tī chhū-lāi, ē-po· saⁿ tiám cheng, teh kī-tó; chiū hut-jian ū chit lāng, i-chiūⁿ kng-iāⁿ-iāⁿ, khiā tī goá ê bīn-chēng, ³¹kóng, Ko-nī-liū, tī Siōng-tè ê bīn-

chêng lí ê kî-tó í-keng thiaⁿ-kìⁿ, lí ê chín-chè í-keng tit-tiòh kì-liām. ³²Taⁿ tiòh chhe lāng kàu Iok-phàⁿ, chhiáⁿ Se-bûn, chheng choè Pí-tek ê, lâi; i tiām tī hái-piⁿ, hoàn-phê sai-hū Se-bûn ê chhù. ³³Só·í goá liām-piⁿ chhe lāng kàu lí hia; lí lâi chin hó. Taⁿ goán lóng tī Siōng-tè ê bīn-chêng, ài beh thiaⁿ Chú só· bēng-lēng lí lóng-chóng ê oē.

³⁴Pí-tek khui chhùi, kóng, Taⁿ goá chin-chhiáⁿ chai Siōng-tè bô ēng goā-māu chhú lāng; ³⁵tók-tók tī ták pang-kok kìⁿ ū kèng-ù i lâi kiáⁿ gī ê lāng, hō· I hoaⁿ-hí chiap-láp. ³⁶Siōng-tè só· kiá hō· Í-sek-liát kiáⁿ-sun ê oē, tùi Iâ-so· Ki-tok lâi thoân hô-pēng ê hok-im, (I sī bān ū ê Chú), ³⁷chit ê siau-sit lín chai sī tī Iok-hān só· thoân ê soé-lé í-āu, tùi Ka-lī-lī khí kàu piàn Iû-thài; ³⁸chiū-sī Ná-sat-lék lāng Iâ-so·, Siōng-tè ū cháiⁿ-iūⁿ ēng Sèng Sîn kap chài-lēng boah I; I chiū sî-koè kiáⁿ choè hó sū, i-hó kìⁿ-nā Mô·-kúi só· ap-chè ê; in-ūi Siōng-tè kap I tī-teh. ³⁹Kìⁿ-nā I tī Iû-thài lāng ê toē-hng kap Iâ-lō·sat-léng só· kiáⁿ ê, goán choè kan-chèng; lāng chiū tiâu I tī chhâ-nih lâi hāi-sí I. ⁴⁰Kàu tē saⁿ jlt, Siōng-tè hō· I koh-oáh, soà chhut-hiān, ⁴¹m̄ sī hō· cheng peh-siⁿ khoàⁿ, sī hō· Siōng-tè tãi-seng só· keng-soán ūi-tiòh I choè kan-chèng ê lāng khoàⁿ, chiū-sī goán chiaⁿ-ê, tī I tùi sí-lāng tiong koh-oáh ê liáu-āu kap I saⁿ-kap lim-chiáⁿ ê lāng. ⁴²I koh bēng-lēng goán thoân hō· peh-siⁿ, kan-chèng chit-ê sī Siōng-tè só· lîp-tiāⁿ choè oáh-lāng sí-lāng ê sím-phoàⁿ si. ⁴³Chèng sian-ti iáh ūi-tiòh I choè kan-chèng, chiū-sī hoān-nā sìn I ê lāng, tùi I ê miâ tit-tiòh choē sià.

⁴⁴Pí-tek iáu-kú teh kóng chiaⁿ ê oē ê sī, Sèng Sîn kàng-lim tī kìⁿ-nā thiaⁿ tō-lí ê lāng.

⁴⁵Hōng kat-lé ê sìn-tô·, kap Pí-tek saⁿ-kap lâi ê, in-ūi Sèng Sîn ê siúⁿ-sù iáh kàng-lòh tī goā-

pang lāng, chiū lóng kî-koài. ⁴⁶In-ūi thiaⁿ-kìⁿ in ēng chiaⁿ ê khiuⁿ-kháu teh kóng, koh o-ló Siōng-tè choè toā. ⁴⁷Pí-tek chiū in kóng, chiaⁿ ê lāng í-keng siū-tiòh Sèng Sîn, chhin-chhiūⁿ lán chit iūⁿ, chī-chūi oē kìm-tit ēng chúi kâ in kiáⁿ soé-lé ah? ⁴⁸Chiū bēng-lēng in tī Iâ-so· Ki-tok ê miâ siū soé-lé. Tùi án-ni chhiáⁿ i toà kúi-nā jlt.

11 Sù-tô· kap tiām-tī Iû-thài ê hiaⁿ-tī thiaⁿ goā-pang lāng iáh siū Siōng-tè ê tō-lí. ²Kàu Pí-tek chiūⁿ Iâ-lō·sat-léng ê sī, hiah ê hōng kat-lé ê lāng kap i cheng-piān, kóng, ³Lí bat jlp-khì chiū-kūn bô siū kat-lé ê lāng, kap in saⁿ-kap chiaⁿ. ⁴Nā-sī Pí-tek chiàu chhù-sū tùi in pài-liát kóng, Goá tī Iok-phàⁿ siáⁿ kî-tó; ⁵sîn-hûn iū tī siōng goā ê sī, khoàⁿ-kìⁿ ìⁿ-siōng, ū chit ê khi-kū chhin-chhiūⁿ toā pak pò·, pák sî ê kak-thâu, tùi thiⁿ tui-lòh kàu goá ê bīn-chêng; ⁶goá chù-bák khoàⁿ, siōng-sè siūⁿ i, khoàⁿ-kìⁿ ū toē-chiūⁿ sî-kha ê cheng-siⁿ, iá-siū, thāng-thoā, kap thiⁿ-tiong ê pe-chiáu. ⁷Koh thiaⁿ-kìⁿ ū siaⁿ kâ goá kóng, Pí-tek, khí-lâi; thâi lâi chiaⁿ. ⁸Goá kóng, Chú ah, toàn-toàn m̄ thang; in-ūi hoān-nā chho·-siók ê mih, á-sī bô chheng-khì ê, lóng bē bat jlp goá ê chhùi. ⁹Nā-sī siaⁿ tē jī pài tùi thiⁿ in kóng, Siōng-tè só· hō· i chheng-khì ê, lí bôh-tit liáh choè chho·-siók. ¹⁰Chhin-chhiūⁿ án-ni saⁿ pái; ták hāng mih chiū koh siu chiūⁿ thiⁿ. ¹¹Hut-jiān ū saⁿ lāng tùi Kai-sat-lī-a chhe lâi chiū-kūn goá ê, tú-tú khiā tī goán só· tiām ê chhù goā. ¹²Sèng Sîn kâ goá kóng tiòh kap in khì, bôh-tit hun-piat. Koh ū chí lāk ê hiaⁿ-tī kap goá khì; goán lóng jlp hit lāng ê chhù; ¹³i chiū kâ goán kóng, àn-cháiⁿ-iūⁿ bat khoàⁿ-kìⁿ chit ê thiⁿ-sài khiā tī i ê chhù, tùi i kóng, Tiòh chhe lāng kàu Iok-phàⁿ, chhiáⁿ Se-bûn, chheng choè Pí-tek ê lâi; ¹⁴i beh ēng oē kâ lí

kóng, lí kap lí choân ke tùi chia^h ê oē beh tit-tiòh kiù. ¹⁵Goá tú-tú teh kóng ê sī, Sèng Sîn kàng-lím tī in, chhin-chhiūⁿ khí-thâu tī lán chit iūⁿ. ¹⁶Goá chiū kì-tit Chú ê oē, kóng, Iok-hān sī ēng chúⁱ kiāⁿ soé-lé; tók-tók lín beh tī Sèng Sîn siū soé. ¹⁷Taⁿ Siōng-tè kì-jîan ēng chit ê un-sù hō[·] in, chhin-chhiūⁿ tī lán sìn Chú Iâ-so[·] Ki-tok ê sī só[·] hō[·] lán ê chit iūⁿ, goá sī chī-chuiⁱ, oē chó[·]-tòng Siōng-tè ah? ¹⁸Hiah ê lāng thiaⁿ che oē, chiū chēng-chēng, iah kui ēng-kng Siōng-tè, kóng, Án-ni-siⁿ, sī Siōng-tè iah hō[·] goā-pang lāng hoán-hoé lâi tit-tiòh oah-miā.

¹⁹Ūi-tiòh Sū-thê-hoán ê sū só[·] siⁿ-khí ê khó[·]-lān lâi sì-soáⁿ ê lāng, piàn kiāⁿ kàu Hui-nî-ki, Ku-pí-lō[·], An-thê-o; bô tùi pát lāng kóng tō-lí, chí ũ tùi Iû-thài lāng kóng nā-tiāⁿ. ²¹Nā-sī kî-tiong ũ Ku-pí-lō[·], Kó[·]-lī-nāi, kúi-nā lāng kàu An-thê-o, iah tùi Hi-lī-nî lāng thoân Chú Iâ-so[·] ê hok-im. ²¹Chú ê chhiú kap in tī-teh; sìn lâi kui tī Chú ê, in ê siāu-giáh put-chí choē. ²²Lūn-kàu chia^h ê lāng ũ siāu-sit thoân kàu Iâ-lō[·]-sat-léng, hō[·] kàu-hoē thiaⁿ-kìⁿ; in chiū chhe Pa-ná-pa khi An-thê-o; ²³í-keng kàu, khoàⁿ-kìⁿ Siōng-tè ê un, chiū hoaⁿ-hí; khó[·]-khng chēng lāng ēng sim-chiⁱ kiát-liân tī Chú; ²⁴in-ūi i sī hó lāng, ũ Sèng Sîn kap sìn moá-moá; tùi án-ni ke-thiⁿ choē-choē lāng kui tī Chú. ²⁵I khi Tāi-sò[·] chhē Sò-lô; í-keng tú-tiòh, chiū chhoā i kàu An-thê-o. In tī kàu-hoē tiong chū-chíp chit nî kú, kà-sī choē-choē lāng; koh hák-seng chheng choē Ki-tok-tô[·] sī tùi An-thê-o khí.

²⁷Tng hit sī ũ kúi-nā ê sian-ti tùi Iâ-lō[·]-sat-léng lóh-khi kàu An-thê-o. ²⁸Kî-tiong chit lāng, miā A-ka-pò[·], khí-lâi khiā, khò Sèng Sîn lâi chí-bēng phó[·] thiⁿ-ē beh toā ki-hng; tng Kek-ló-tiu ê nî-kan kó-jîan ũ chit ê sū. ²⁹Tùi

án-ni hák-seng tiāⁿ-tiòh ì-sù, ták lāng chia^h i ê lèk-liōng, kià khi kiong-kip tiām Iû-thài ê hiaⁿ-tī; ³in chiū chia^h án-ni kiāⁿ tùi Pa-ná-pa kap Sò-lô keng-chhiú, kià kau hiah ê tiúⁿ-ló.

12 Chiong-kūn hit sī Hi-lút ông hē chhiú hām-hāi kàu-hoē tiong kúi-nā lāng. ²Ēng to thài Iok-hān ê hiaⁿ-tī Ngá-kok. ³Khoàⁿ-kìⁿ Iû-thài lāng hoaⁿ-hí, chiū koh liáh Pí-tek. Hit sī chiū-sī tū-kàⁿ ê jít. ⁴Í-keng liáh chiū koaiⁿ i tī kaⁿ-nh, kau hō[·] sì pan ê peng kò[·]-siú, múi pan sì lāng; ì-sù beh tī poāⁿ-kè-choeh āu toà i chhut, pān i hō[·] peh-siⁿ khoàⁿ. ⁵Tùi án-ni Pí-tek lâu tī kaⁿ-nh; tók-tók kàu-hoē thoē i chhiat-chhiat kiū Siōng-tè. ⁶Hi-lút teh-beh thē i chhut, hit mī Pí-tek pák tī nng tiām thih-liān, khùn tī nng ê peng ê tiong-kan; koh kò[·]-siú ê lāng tī mng-goā teh kò[·]-siú. ⁷Hut-jîan ũ Chú ê thiⁿ-sài khiā tī piⁿ-thâu, pāng-lāi ũ kng teh chiò; tah Pí-tek ê hiáp-ē, kiò i chhiⁿ, kóng, Kín-kín khí-lâi. Thih-liān chiū tùi i ê chhiú lak-khi. ⁸Thiⁿ-sài ká i kóng, Tiòh hā toà, chheng oē. I chia^h án-ni kiāⁿ. Koh ká i kóng, Moa lí ê saⁿ, tē goá. ⁹Chiū chhut-lâi tē i; m̄ chai thiⁿ-sài só[·] choē sī chin, liáh-choē sī khoàⁿ-kìⁿ ĩⁿ-siōng. ¹⁰Í-keng keng-kè tē it kap tē jī kò[·]-siú ê só[·]-chāi, kàu thau siāⁿ ê thih mng; hit ê mng ũi-tiòh in ka-kī khui; chiū chhut-khi, kiāⁿ kè chit tiām koe; thiⁿ-sài liām-piⁿ lī-khui i. ¹¹Pí-tek chhiⁿ-gō[·], kóng, Taⁿ goá chin-chiāⁿ chai Chú chhe I ê thiⁿ-sài kiū goá thoat-lī Hi-lút ê chhiú, kap Iû-thài ê peh-siⁿ it-chīn só[·] òng-bāng ê. ¹²Í-keng siūⁿ bēng chit ê sū, chiū kàu Iok-hān chheng choē Má-khó ê lâu-bú Má-lī-a ê chhiú; tī hia ũ choē-choē lāng chū-chíp teh kī-tó. ¹³I phah goā-mng ê sī, ũ cha-bó[·] gín-ná miā Lô-tāi, chhut-lâi thiaⁿ. ¹⁴Jīm-tit Pí-tek ê siaⁿ, in-ūi hoaⁿ-hí ê iān-kò[·] bô khui mng, cháu jlp-khi

kā lāng kóng, Pí-tek khiā tī m̄ng-goā. ¹⁵Nā-sī in tui i kóng, Lí teh kóng lah. Cha-bó· gín-ná chhut-lát kóng chin-chiàⁿ sī. In chiū kóng, Sī i ê thiⁿ-sài. ¹⁶Pí-tek koh phah m̄ng bô soah; in khui m̄ng khoàⁿ-kìⁿ i, chin gông-ngiáh. ¹⁷I iô chhiú kah in bôh choè siaⁿ, chiū tui in kóng-khi Chù cháiⁿ-iūⁿ chhoā i chhut kaⁿ. Koh kóng, Tiòh chiong chiaⁿ ê sū kā Ngá-kok kap hiaⁿ-tī kóng. Chiū chhut-khi, khi pát só·-chāi. ¹⁸Kàu thiⁿ kng, peng-teng m̄ chai Pí-tek tá-lòh khi, chiū toā jiáu-tōng. ¹⁹Hi-lút chhē i boē tiòh, chiū sím-m̄ng kò·-siú ê peng, bēng-lēng thoa in khi thāi. Chiū lī-khui Iū-thài, lòh-khi Kai-sat-lī-a khiā-khi.

²⁰Hi-lút put-chí siū-khi Chhui-lô Se-tùn ê lāng; chóng-sī hiah ê lāng tâng-sim chiū-kūn i, pài-thok kun-sui ông ê jīn-sín Pek-lah-sū-to· kiū hô; in-ūi in ê toē-hng tui ông ê toē-hng tit-tiòh bí-niū. ²¹Hi-lút tī só· tiāⁿ-tiòh ê jlt-kí chhēng ông-hók, chē tī chō-ūi, tng bīn tui in kóng. ²²Peh-siⁿ kiò, kóng, Che sī siōng-tè ê siaⁿ, m̄ sī lāng ê siaⁿ. ²³Hi-lút bô kui êng-kng Siōng-tè, Chú ê thiⁿ-sài sūi-sī phah i; chiū hō· thāng kā, khui tng.

²⁴Nā-sī Siōng-tè ê tō-lí ná khui-khoah heng-ōng.

²⁵Pa-ná-pa Sò-lô, chín-chè lāng ê sū pān bēng-pék, chiū tui Iā-lō·sat-léng tò-tng, chhoā Iok-hān, chheng choè Má-khó ê, saⁿ-kap khi.

13 Tī An-thê-o, tī kàu-hoē tiong ū sian-ti kap kàu-su kù-nā lāng, chiū-sī Pa-ná-pa, kap chheng choè Nī-kiat ê Se-biān, Kó·lī-nāi lāng Lō·kiū, kap hun-hong ê jīn-kun Hi-lút tâng poē-iūⁿ ê Má-liām, í-kip Sò-lô. ²In hók-sāi Chú kìm-chiāⁿ ê sī, Sèng Sīn kóng, Tiòh kā goá hun-phài Pa-ná-pa Sò-lô, lái chiāⁿ goá tiâu in khi tam-tng ê kang. ³Tui án-ni kìm-

chiaⁿ kī-tó, ēng chhiú hoāⁿ in, chiū chhe in khi.

⁴In í-keng hōng Sèng Sīn só· chhe, lòh-khi Se-liū-ki; tui hia tah chūn khi Ku-pí-lō.

⁵Tī Sat-liáp-bí thoān Siōng-tè ê tō-lí tī Iū-thài lāng chiaⁿ ê hoē-tng; iáh ū Iok-hān choè in ê pang-chhiú. ⁶Kiāⁿ kè thong hái-sū kàu Phāⁿ-hut, tú-tiòh chit ê kiāⁿ siā-sút, choè ké sian-ti ê Iū-thài lāng, miā Pa-Iā-só; ⁷hit lāng siōng-siōng kap chóng-tok Sū-kiū Pó-lô saⁿ-kap tiām; chóng-tok sī chhang-miā ê lāng. I tiâu Pa-ná-pa Sò-lô lái, ài thiaⁿ Siōng-tè ê tō-lí. ⁸Tók-tók hit ê kiāⁿ siā-sút ê Í-lū-má, (i ê miā hoan-ék chiū-sī kiāⁿ siā-sút ê), tí-ték in n̄ng lāng, ài ín-iú chóng-tok, hō· i bô sīn. ⁹Nā-sī Sò-lô, iáh miā Pó-lô, hō· Sèng Sīn chhiong-moá, chù-bák khoàⁿ i, kóng, ¹⁰Hàiⁿ ah! lí chhiong-moá chēng hāng khui-khiat kap kan-ok ê, Mô·kúi ê kiāⁿ, chēng hāng gī ê tui-ték, lí hūn-loān Chú chiaⁿ ê chiāⁿ-lō, iáu m̄ soah mah? ¹¹Taⁿ lí khoàⁿ, Chú ê chhiú tī lí ê sin-chiūⁿ, lí beh chhiⁿ-mī, chiām-sī boē khoàⁿ-kìⁿ jlt. I ê bák-chiu liām-piⁿ ian-ñg o·-àm; sì-koè kiū lāng khan i. ¹²Chóng-tok khoàⁿ-kìⁿ só· choè ê sū, chiū sīn, toā kī-koài Chú ê kà-sī.

¹³Pó-lô kap tâng-phoāⁿ tui Phāⁿ-hut khui chūn, kàu Pōng-hui-lī-a ê Piát-ka; Iok-hān lī-khui in, tò-khi Iā-lō·sat-léng. ¹⁴In chiū tui Piát-ka kiāⁿ, kè-khi kàu Pí-se-tí ê An-thê-o; tng an-hioh-jlt jlp hoē-tng, chē-teh. ¹⁵Lút-hoat kap sian-ti ê chheh thák bēng-pék, hiah ê koán hoē-tng ê chhe lāng chiū-kūn in kóng, Hiaⁿ-tī ah, lín nā ū khó·-khng peh-siⁿ ê oē, chhiāⁿ kóng. ¹⁶Pó-lô kī-lái khiā, iô-chhiú, kóng,

Liát-ūi Í-sek-liát lāng, kap keng-ūi Siōng-tè ê, chhiāⁿ thiaⁿ. ¹⁷Chit ê Í-sek-liát peh-siⁿ ê Siōng-tè keng lán ê liát-chó·, tng peh-siⁿ

chhut-goā tī Ai-kíp toē ê sī, kā in seng koāiⁿ,
 kiáh-khí chhiú chhoā in chhut hia. ¹⁸Koh tī
 không-iá thun-lún khoan-iông in, iok-liók sì-
 chấp nī kú. ¹⁹Í-keng biát Ka-lâm toē chhit
 chók ê lāng, chiū chiong hit ê thó·toē pun
 hō· in choē giáp, iok-liók ū sì-pah gō·cháp
 nī; ²⁰chiah ê tãi-chì liáu-āu, ēng sū-su hō· in,
 kàu tī sain-ti Sat-bó·jīⁿ. ²¹Í-āu peh-sīⁿ kiū
 chit ê ông; Siōng-tè chiū chiong Piān-ngá-bín
 chi-phài ê lāng, Ki-sū ê kiáⁿ, Sò-lô, hō· in,
 lèk-kè sì-cháp nī kú. ²²Í-keng hoè i, chiū kú
 Tāi-pit choē in ê ông; kan-chèng i, kóng,
 Goá tit-tiòh Iâ-se ê kiáⁿ Tāi-pit, i sī hah goá ê sim,
 hoān sū beh chun-thàn goá ê chí-ì. ²³Tùi chit
 lāng ê hō·-è, Siōng-tè chiàu só· èng-ún ê, kā Í-
 sek-liát lāng lip chit ê Kiù-chú, chiū-sī Iâ-so·.
²⁴Tng I bē chhut-thâu ê sī, Iok-hān tãi-seng
 ēng hoán-hoé ê soé-lé soan-thoan tī Í-
 sek-liát ê cheng peh-sīⁿ. ²⁵Iok-hān teh-beh
 chīn i ê lō·-chām ê sī, kóng, Lín phah-sùg
 goá sī chī-chui? goá m̄ sī Ki-tok. Ū lō·-bé
 goá lâi ê, goá tháu I ê oē-toà iáh boē
 kham-tit. ²⁶Hiaⁿ-tī ah, A-pek-láh-hán
 ê hō·-è, kap lín tiong-kan keng-ùi
 Siōng-tè ê lāng, chit ê chín-kiù ê tō
 í-keng thoan kàu tī lán lah. ²⁷In-ūi
 khiā-khí tī Iâ-lō·-sat-léng ê lāng, kap in
 ê koaⁿ-hú, m̄ bat I, iáh m̄ bat ták
 ê an-hioh-jit só· thak sian-ti ê oē,
 chiah gí-tiāⁿ I, tú-tú sī èng-giām
 chiah ê oē. ²⁸Sui-jiân chhâ I bô sí
 choē, iáu-kú kiū Pí-liáp-to thài I.
²⁹Hoān-nā só· kì-chài chí I ê oē í-
 keng èng-giām, chiū tùi chhâ-nih siu
 I lóh-lâi, hē tī bōng-lâi. ³⁰Tók-tók
 Siōng-tè tùi sí-lāng tiong hō· I koh-oáh.
³¹I choē-choē jit hō· hiah ê tùi
 Ka-lī-lī kap I chiūⁿ Iâ-lō·-sat-léng
 ê lāng khoàⁿ-kìⁿ; taⁿ in ū tùi peh-sīⁿ
 choē I ê kan-chèng. ³²Koh goán pò
 lín hó siau-sit, chiū-sī chá só· èng-ún
 liát-chó· ê, ³³taⁿ Siōng-tè ū kā lán
 ê kiáⁿ-sun èng-giām i, in-ūi I ū hō·

Iâ-so· koh-oáh; iáh chhin-chhiūⁿ si-phian
 tē jī phiⁿ kí-chài, kóng, Lí chiū-sī goá ê
 Kiáⁿ, goá kin-á-jit siⁿ lí. ³⁴Lūn-kàu I hō· I
 tùi sí-lāng tiong koh-oáh bô koh kui tī
 hiú-noā, ū án-ni kóng, Goá beh ēng
 Tāi-pit sèng koh sít-chāi ê un-hūi hō·
 lí. ³⁵Koh pát phiⁿ iáh ū kóng, Lí bô
 beh hō· lí ê Sèng-ê tú-tiòh hiú-noā.
³⁶In-ūi Tāi-pit tī i ê sè-tāi chun-thàn
 Siōng-tè ê chí-ì, chiū khi khùn, kap i
 ê liát-chó· saⁿ-kap hē-teh, lâi tú-tiòh
 hiú-noā; ³⁷tók-tók Siōng-tè só· hō· I
 koh-oáh ê bô tú-tiòh hiú-noā. ³⁸Hiaⁿ-
 tī ah, án-ni lín tiòh chai, tùi chit lāng
 chiah ū sià-choē ê tō-lí thoan hō· lín;
³⁹lín khò Mô·-se ê lút-hoat, só· boē
 tit-tiòh chheng-choē-gī ê sū, kìⁿ-nā
 khò chit lāng, chiū it-chhè tit-tiòh
 chheng-choē-gī. ⁴⁰Só·-í tiòh kín-sin,
 kiaⁿ-liáu sian-ti ê oē kàu tī lín: ⁴²i ê oē
 kóng, “Biáu-sī ê lāng ah, lín tiòh
 khoàⁿ, lâi gông-ngiáh, lâi biát-bô;
 In-ūi tng lín ê sí-jit goá kiāⁿ chit
 hāng sū, Chiū-sī sui-jiân ū lāng kā lín
 kóng, lín iā m̄ sin ê.”

⁴²In chhut-khi ê sī, ū lāng kiū in tī
 āu ê an-hioh-jit ēng chiah ê oē koh kā
 in kóng. ⁴³Hoē-chiòng í-keng sì-soaⁿ,
 Iû-thài lāng, kap jip in ê kàu keng-
 khiân ê lāng, choē-choē tē Pó-lô Pa-
 ná-pa; in kap in kóng oē, khng in tng
 tiam tī Siōng-tè ê un. ⁴⁴Āu an-
 hioh-jit, thong siāⁿ ê lāng chha-put-
 to lóng chū-chip, lâi thiaⁿ Siōng-tè
 ê tō-lí. ⁴⁵Nā-sī Iû-thài lāng khoàⁿ-
 kìⁿ lāng hiah choē, chiū moá-sim oàn-
 tò·, piān-pok Pó-lô só· kóng ê, soà
 pòng-tók in. ⁴⁶Pó-lô Pa-ná-pa hó-
 táⁿ kóng, Siōng-tè ê tō-lí tãi-seng
 tùi lín kóng, sī eng-kai. Nā-sī lín í-
 keng khi-sak i, gí-toàn ka-kī boē
 kham-tit siū-tiòh éng-oáh, taⁿ goán
 chiah-ê beh choán ng goā-pang lāng
 lah. ⁴⁷In-ūi Chú bat án-ni bēng-
 lēng goán, kóng, “Goá í-keng siat-
 lip lí choē goā-pang ê kng, Hō· lí
 choē chín-kiù-ê

kàu tī toē-kék.”

⁴⁸Goā-pang lāng thiaⁿ-liáu, chiū hoaⁿ-hí, o-ló Siōng-tè ê tō-lí; hoān-nā siū tiāⁿ-tiōh beh tit-tiōh éng-oáh ê lāng lóng sìn. ⁴⁹Tùi án-ni Chú ê tō-lí piàn-thoân tī hit ê toē-hng. ⁵⁰Tók-tók Iū-thài lāng chhui-pek keng-khiân chun-kùi ê hū-jîn-lāng, kap siāⁿ-lāi ê thau-lāng, siⁿ sū khún-pek Pó-lô Pa-ná-pa, chiong in koáⁿ chhut keng-goā. ⁵¹Nā-sī in tùi cheng lāng poāⁿ-khì kha ê thô-hún, chiū khì Í-ko-liām. ⁵²Hák-seng moá-sim hoaⁿ-hí, koh hō Sèng Sîn chhiong-moá.

14 In tī Í-ko-liām saⁿ-kap jlp Iū-thài lāng ê hoē-tng, lâi káng-lūn; tì-kàu Iū-thài lāng kap Hi-lī-nī lāng choē-choē lâi sìn. ²Nā-sī hiah ê m̄ sūn-thàn ê Iū-thài lāng iō-tāng goā-pang lāng ê sim, hō in oàn-hūn chiaⁿ ê hiaⁿ-tī. ³In chiū tiām hia choē-choē jít, oá-khò Chú hó-táⁿ lâi kóng; Chú siúⁿ-sù sîn-jiah kī-sū, tùi in ê chhiú lâi chiāⁿ, kan-cheng I un-tián ê tō-lí.

⁴Siāⁿ-lāi ê cheng lāng chiū hun-peng, ū-ê tē Iū-thài lāng, ū-ê tē sù-tô. ⁵Hit sī goā-pang lāng, Iū-thài lāng, kap in ê sī-tāo ài oe-khoeh lêng-jíok, eng chiōh-thau tìm in. ⁶In chai, chiū tô-cháu khì Lū-ko-nī ê Lō-sū-tek Ték-pì chiaⁿ ê siāⁿ, kap chiu-ūi ê toē-hng; ⁷tī hia thoân hok-im.

⁸Tī Lō-sū-tek ū chít lāng chē-teh, siangkha bô lát, sī tùi chhut-sì chiū nún-kha, lóng bē bat kiāⁿ. ⁹I thiaⁿ Pó-lô kóng tō-lí; Pó-lô chù-bák khoàⁿ i, khoàⁿ-kìⁿ i ū sìn thang tit-tiōh hó, ¹⁰chiū toā siaⁿ kóng, Khí-lâi, siangkha khiā chiaⁿ, theng sìn. Hit lāng chiū thiàu-khí-lâi kiāⁿ. ¹¹Cheng lāng khoàⁿ-kìⁿ Pó-lô só choē, chiū eng Lū-ko-nī ê khiuⁿ-kháu toā siaⁿ kóng, Chiaⁿ ê sîn-bêng chioh lāng ê heng, līm-kàu lán lah. ¹²Chiū chheng Pa-ná-pa choē Tiu-sū; in-ūi Pó-lô chhut-thau kóng

oē, chheng i choē Hi-ní-bí. ¹³Siāⁿ-goā Tiu-sū ê chē-si khan gū-á, thēh hoe-khoân, kàu m̄ng cheng, beh kap cheng lāng hiân-chē. ¹⁴Nā-sī sù-tô Pa-ná-pa Pó-lô thiaⁿ-kìⁿ, chiū thiah-lh saⁿ, thiàu-chhut-lâi cheng lāng ê tiong-kan, kiò kóng, ¹⁵Lín tãi-ke siāⁿ-sū kiāⁿ án-ni? Goán chiaⁿ-ê iah sī lāng kap lín tâng cheng, thoân hok-im, hō lín lī-khui chiaⁿ ê bô iáⁿ-chiaⁿ ê, lâi kui tī chin-oáh ê Siōng-tè, chiū-sī chhòng-chō thiⁿ, toē, hái, kap kī-tiong bân mih ê. ¹⁶I tī tãi-seng ê sè-tãi, iōng-ún bân pang kiāⁿ in ê lō. ¹⁷Nā-sī I bē bat bô ūi-tiōh pún-sin hiân-chhut cheng-kù, chiū-sī kiāⁿ hó sū, ká lín tùi thiⁿ lōh hō, chiàu sī chhut ké-chí, eng jít-sít kap hoaⁿ-hí chhiong-moá lín ê sim. ¹⁸In kóng án-ni, lím-lím-á kìm-chí cheng lāng bô chē-hiân in.

¹⁹Chóng-sī ū Iū-thài lāng tùi An-thê-o Í-ko-liām lâi; kiau-so cheng lāng, chiū eng chiōh-thau tìm Pó-lô; phah-sng i í-keng sí, chiū thoa i chhut siāⁿ-goā. ²⁰Nā-sī hák-seng ūi i, i chiū khí-lâi jlp siāⁿ; keh jít kap Pa-ná-pa lī-khui hia, khì Ték-pì. ²¹Í-keng thoân hok-im tī hit ê siāⁿ, hō choē-choē lāng lâi choē hák-seng, chiū tò-túg khì Lō-sū-tek, Í-ko-liām, An-thê-o, ²²kian-kò hák-seng ê sim, khng in tng-tng tiām tī sìn; koh kóng, Lán tiōh tùi choē-choē kan-khó²³ lâi jlp Siōng-tè ê kok. ²³In tī ták ê kàu-hoē ká in siat-líp só keng ê tiúⁿ-ló, kìm-chiāⁿ kī-tó, chiū chiong in kau-thok tī in só sìn ê Chú. ²⁴Chiū keng-kè Pí-se-tí, kàu Pong-hui-lī-a. ²⁵Í-keng kóng tō-lí tī Piát-ka, chiū lōh-khì A-tāi-lī; ²⁶tùi hia tah chun kàu An-thê-o, chiū-sī in bat tī hia siū kau-thok tī Siōng-tè ê un-tián, lâi kiāⁿ in só oân-moá ê kang. ²⁷Í-keng kàu, chū-chlp kàu-hoē, kóng khí Siōng-tè só kap in kiāⁿ it-chhē ê sū, iah kóng Siōng-tè án-cháⁿ-iūⁿ ká goā-pang lāng

khui sìn ê mng. ²⁸Chiū kap hák-seng saⁿ-kap toà chám-jian kú.

15 Ū kúi-nā lāng tui Iū-thai lóh-lai, kà-sī hiaⁿ-tī, kóng, Nā bô chun-thàn Mô-se ê lút-lē siū kat-lé, chiū lín boē tit-tiòh kiū. ²Pó-lô Pa-ná-pa í-keng kap in toā saⁿ-chiⁿ piān-lūn, hiaⁿ-tī chiū phài Pó-lô Pa-ná-pa kap in tiong-kan lēng-goā kúi-nā lāng, chiong só piān-lūn ê sū chiūⁿ Iā-lō-sat-léng, kìⁿ sù-tô kap tiúⁿ-lô. ³Tui án-ni kàu-hoē sàng in khí-sin; in chiū keng-kè Hui-ni-ki Sat-má-lī-a, kóng-khí goā-pang lāng ê kui-chèng, hō cheng hiaⁿ-tī toā hoaⁿ-hí. ⁴Kàu Iā-lō-sat-léng, hō kàu-hoē kap sù-tô tiúⁿ-lô chiap-láp; in chiū kóng-khí Siōng-tè só kap in kiāⁿ it-chhè ê sū. ⁵Nā-sī ū kúi-nā ê sìn-tô siók Hoat-lī-sài tóng ê khí-lai kóng, Tek-khak tiòh ká in kiāⁿ kat-lé, bēng-lēng in siú Mô-se ê lút-hoat.

⁶Sù-tô tiúⁿ-lô chū-chíp chham-siōng chit chat sū. ⁷Í-keng piān-lūn kú-kú, Pí-tek chiū khí-lai tui in kóng, Liát-ūi hiaⁿ-tī ah, lín lóng chai, chá Siōng-tè tī lín tiong-kan keng goá, hō goā-pang lāng tui goá ê chhui thiaⁿ-kìⁿ hok-im ê tō-lí lai sìn. ⁸Koh, bat lāng ê sim ê Siōng-tè ká in choē kan-cheng, ⁹ēng Seng Sín siúⁿ-sù in, chhin-chhiūⁿ siúⁿ-sù lán chit iūⁿ; bô hun-piat in kap lán, sī ēng sìn chheng-khì in ê sim. ¹⁰Taⁿ siáⁿ-sū chhi Siōng-tè, ēng lán ê chó kap lán só boē pē ê taⁿ, hē tī hák-seng ê am-kún ah? ¹¹Lán sī tui Chú Iā-so ê un tit kiū, chhin-chhiūⁿ in chit iūⁿ, che sī lán só sìn.

¹²Cheng lāng lóng chēng-chēng; thiaⁿ Pa-ná-pa Pó-lô kóng-khí Siōng-tè ēng in tī goā-pang lāng ê tiong-kan só kiāⁿ chiaⁿ ê sìn-jiah kī-sū.

¹³Kóng soah, Ngá-kok chiū in kóng, Liát-ūi hiaⁿ-tī ah, chhiáⁿ thiaⁿ goá kóng: ¹⁴Se-

biān í-keng kóng-khí Siōng-tè khí-thau cháiⁿ-iūⁿ koan-kò goā-pang lāng, tui in tiong-kan chhiú peh-siⁿ lai kui tī I ê miā. ¹⁵Chiah ê sian-ti ê oē, iā kap chit ê sū saⁿ-háp; chhin-chhiūⁿ só kì-chài, kóng, “Chiah ê tai-chi liáu-āu, goá beh tò-túg-lai, Koh khí Tai-pit tó-lóh-khì ê pò-pīⁿ; Beh koh khí hiah ê phoà-hoai ê, Lai kien-lip i; ¹⁷Hō kī-ū ê peh-siⁿ, Kap kìⁿ-nā hōng goá ê miā ê goā-pang lāng, lóng chhē Chú; ¹⁸Chiah ê oē sī tui sè-kan ê khí-thau hian-bēng chiaⁿ ê tai-chi ê Chú só kóng ê.” ¹⁹Só-í goá phah-seng goā-pang lāng kui Chú ê, m̄ thang kiáu-jiáu i; ²⁰tók-tók siá phoe hoan-hù in kìm-kài ngó-siōng ê ù-oē, kap im-loan, kap chiaⁿ nih-sí ê mih, kap huìh. ²¹In-ūi tui chá í-lai tī ták ê siáⁿ ū thoan Mô-se ê chhēh, chiū-sī ták ê an-hioh-jit tī hoē-tng só thak ê.

²²Hit sī sù-tô tiúⁿ-lô kap thong kàu-hoē, koat-ì tui in tiong-kan keng lāng, chiū-sī chheng choē Pa-sat-pa ê Iū-tai kap Se-lah, chit nng lāng chiū-sī hiaⁿ-tī tiong chhut-tioh ê, ²³chhe in kap Pó-lô Pa-ná-pa tâng khi An-thē-o; ēng phoe kau-tai in ê chhiú, kóng, Sù-tô kap chiaⁿ ê lâu hiaⁿ-tī, chheng-an tiām tī An-thē-o, Sū-lī-a, Kī-lī-ka goā-pang tiong chiaⁿ ê hiaⁿ-tī: ²⁴in-ūi thiaⁿ-kìⁿ kúi-nā lāng tui goán tiong-kan chhut-khì, ēng oē kiáu-jiáu lín, phah-loan lín ê sim; kī-sit m̄ sī goán só bēng-lēng ê; ²⁵goán chiaⁿ-ê í-keng tâng-sim koat-ì, keng lāng chhe i kap goán só thiaⁿ ê Pa-ná-pa Pó-lô chiū-kūn lín. ²⁶Chí nng lāng sī ūi-tiòh lán ê Chú Iā-so Kī-tok ê miā, bô sioh siⁿ-miā ê. ²⁷Só-í chhe Iū-tai kap Se-lah, in iā beh chhin-chhui kóng-khí chiaⁿ ê sū. ²⁸In-ūi Seng Sín kap goán koat-ì, tú chí kúi hāng iau-kín ê sū í-goā, bô ēng tâng tàⁿ hē tī lín ê sìn: ²⁹chiū-sī kìm-kài chē ngó-siōng ê mih, kap huìh, kap nih-sí ê mih, kap im-loan;

lín nā kìm-kài chiah-ê chiū oē heng-thong.
Goān lín pêng-an.

³⁰In hōng chhe, chiū lóh-khì An-thê-o; í-keng chū-chíp cheng lāng, chiū chiong phoe kau in. ³¹Cheng lāng thak-liáu hoaⁿ-hí hiah ê an-ùi ê oē. ³²Iū-tāi Se-lah pún-sin iā sī sian-ti, ēng choē-choē oē an-ùi hiaⁿ-tī, lâi kian-kò in. ³³Tiām hia ū hiah kú, hiaⁿ-tī chiū hō in pêng-an tò-khì, chiū-kūn chhe in ê. ³⁵Nā-sī Pó-lô Pa-ná-pa tiām tī An-thê-o kap choē-choē pát lāng saⁿ-kap kà-sī lāng, thoân Chú hok-im ê tō-lí.

³⁶Kè kúi-nā jít Pó-lô tùi Pa-ná-pa kóng, Lán tiōh koh khi cheng thoân Chú ê tō-lí ê ták ê siāⁿ, khoàⁿ hiaⁿ-tī cháiⁿ-iūⁿ. ³⁷Pa-ná-pa ài beh toà Iok-hān, miā Má-khó ê, saⁿ-kap khi. ³⁸Tók-tók Pó-lô phah-seng toà i khi sī bô háp, in-ùi i tī Pōng-hui-lī-a bat lī-khui in, bô kap in khi choē kang. ³⁹Chiū saⁿ-kek, tì-kau tãi-ke pun-khui; Pa-ná-pa toà Má-khó tah chún khi Ku-pí-lō; ⁴⁰Pó-lô keng Se-lah saⁿ-kap khi; hiaⁿ-tī chiong i kau-thok tī Chú ê un. ⁴¹I piàn kiāⁿ Sū-lī-a, Kì-lī-ka, kian-kò chiah ê kau-hoē.

16 Pó-lô kau Ték-pì, koh kau Lō-sū-tek: tú-tūng tī hia ū chit ê hāk-seng miā Thê-mô-thài, i ê lâu-bú sī Iū-thài sìn ê hū-jîn-lāng; i ê pāu-pē sī Hi-lī-ni lāng. ²I hō Lō-sū-tek Í-ko-liām chiah ê hiaⁿ-tī só o-ló. ³Pó-lô ài chit lāng kap i khi; ūi-tiōh hiah ê só-chāi ê Iū-thài lāng, chiū ká i kiāⁿ kat-lé; in-ùi in lóng chai i ê lâu-pē sī Hi-lī-ni lāng. ⁴In keng-kè chiah ê siāⁿ ê sī, chiong Iā-lō-sat-léng sù-tô tiúⁿ-ló só tiāⁿ-tiōh ê bēng-lēng thoân hō in siú. ⁵Tùi án-ni chiah ê kau-hoē sìn ná kian-kò, lāng-giáh jít-jít ke-thiⁿ.

⁶In keng-kè Hut-lū-ka Ka-liáp-thài ê toē-hng, in-ùi Seng Sìn bat kìm in thoân tō-lí

tī A-se-a, chiū kiāⁿ kau Múi-se-a ê pian-kài, siūⁿ beh khi Pì-chhui-ni; ⁸Iā-so ê Sìn m̄ chún; chiū tùi Múi-se-a keng-kè, lóh kau Ték-lô-a. ⁹Pó-lô mī-sī khoàⁿ-kìⁿ tīⁿ-siōng; ū chit ê Má-kì-tùn lāng khiā-teh kiū i kóng, Chhiáⁿ kè-lâi Má-kì-tùn pang-chān goán. ¹⁰Pó-lô í-keng khoàⁿ-kìⁿ tīⁿ-siōng, goán chiah-ê liām-piⁿ ì-ài beh khi Má-kì-tùn, liáh-choē sī Siōng-tè tiâu goán thoân hok-im hō in.

¹¹Só-í tùi Ték-lô-a tah chún tít-tít kau Sat-mô-ték-lat, keh jít kau Nī-a-pho-lī; ¹²tùi hia kau Hui-lip-pí, chiū-sī Má-kì-tùn hit tè thâu chit ê siāⁿ, iā sī lô-má lāng hun-siat ê siāⁿ: goán tī chit ê siāⁿ tiām kúi-nā jít. ¹³Tī an-hioh-jít chhut siāⁿ-m̄ng goā kau hô-piⁿ, phah-seng tī hia ū kī-tó ê só-chāi; chiū chē-teh, kap só chū-chíp ê hū-jîn-lāng tâm-lūn. ¹⁴Ū chit ê boē chí-sek pò ê hū-jîn-lāng, miā Lū-tí-a, lâi thiaⁿ, i sī Chhui-ngá-chhui-lat siāⁿ ê lāng, pēng-sò keng-pài Siōng-tè; Chú khui i ê sim, hō i choan ng Pó-lô só kóng ê oē. ¹⁵I kap i ê ke í-keng siū soé-lé, chiū kiū goán, kóng, Nā liáh goá choē chin-sit sìn Chú ê lāng, chhiáⁿ kau goá ê ke toà. Chiū kiōng-kiōng lâu goán.

¹⁶Āu-lâi goán khi kī-tó ê só-chāi, ū chit ê lú-pi tú-tiōh goán, i hō pok-koà ê sìn chiūⁿ sìn; pēng-sò ēng pok-koà hō hiah ê chú-lāng toā thàn chiⁿ. ¹⁷I tè Pó-lô kap goán, kiò kóng, Chiah ê lāng chiū-sī chì-koáiⁿ Siōng-tè ê lô-pók, ēng chín-kiū ê lô thoân hō lín. ¹⁸I choē-choē jít án-ni kiāⁿ. Pó-lô chin iām-hūn, oát-túg-sin ká hit ê sìn kóng, Goá thok Iā-so Kìtok ê miā bēng-lēng lí tùi i chhut-khì. Sìn chek-sī chhut-khì.

¹⁹I hiah ê chú-lāng khoàⁿ-kìⁿ thàn chiⁿ ê ng-bāng í-keng sit-lóh, chiū liáh Pó-lô Se-lah, thoa in jíp koe-chhi, khi kìⁿ iú-si-koaⁿ, koh kè-sàng kau chiūⁿ-si-koaⁿ kóng, ²⁰Chiah ê lāng sī

Iû-thài lāng, toā kiáu-jiáu lán ê siâⁿ, ²¹thoân lán Lô-má lāng só· m̄ eng-kai siú, m̄ eng-kai kiâⁿ ê kui-lē. ²²Chèng lāng kui-kûn khí-lâi kong-kek in; chiūⁿ-si-koāⁿ pak in ê saⁿ, bēng-lēng ēng kûn phah in. ²³Phah chin choē ē, chiū koaiⁿ in lóh kaⁿ, hoan-hù kò·kaⁿ ê giâm-kín kò·siú; ²⁴kò·kaⁿ ê siū chit hō bēng-lēng, chiū koaiⁿ in lóh lâi-tēng kaⁿ, kông in ê kha tī chhâ-kông nîh. ²⁵Nā-sī poàⁿ-mī Pó-lô Se-lah kī-tó gĩm sì, o-ló Siōng-tè; ²⁶koaiⁿ tī kaⁿ-nîh ê lāng iā chù-ì teh thiaⁿ; hut-jiân toē toā tâng, tì-kàu kaⁿ ê toē-ki lóng iō-tâng; chiaⁿ ê m̄ng iā liām-piⁿ lóng khui; chēng lāng ê hēng-kū it-chīm lak. ²⁷Kò·kaⁿ ê lāng chhīⁿ, khoàⁿ-kìⁿ kaⁿ-m̄ng khui, phah-sèng kaⁿ-siū lóng í-keng tô-cháu, chiū puih to, beh ka-kī thài. ²⁸Nā-sī Pó-lô toā siaⁿ kiò, kóng, Bóh-tit ka-kī siong-hāi; goán lóng tī chia. ²⁹Kò·kaⁿ ê lāng kiò lāng kiáh hé lâi, thiàu jip khi, ngiáuh-ngiáuh-chhoah phak tī Pó-lô Se-lah ê bīn-chēng, chhoā in chhut-lâi, kóng, ³⁰Sian-siⁿ ah, goá tiòh cháiⁿ-iūⁿ choē, chiaⁿ oē tit-tiòh kiù? ³¹Īn kóng, Tiòh sìn Chú Iâ-so·, lí chiū tit-tiòh kiù, í-kíp lí ê ke. ³²Chiū ēng Chú ê tō-lí kóng hō· i kap i ke-lâi lóng-chóng ê lāng thiaⁿ. ³³Tī hit mī hit sī, kò·kaⁿ ê lāng chhoā in khi soé in ê siong; i kap choân-ke ê lāng chek-sī lóng siū soé-lé. ³⁴Chhoā in chiūⁿ i ê chhù, pī-pān hō· in chiaⁿ; í-keng sìn Siōng-tè, chiū kap thong-ke toā hoaⁿ-hí.

³⁵Kàu thiⁿ kng, chiūⁿ-si-koāⁿ chhe gê-iáh lâi, kóng, Pàng hiah ê lāng. ³⁶Kò·kaⁿ ê chiong chiaⁿ ê oē ká Pó-lô kóng, Chiūⁿ-si-koāⁿ chhe lāng lâi beh pàng lín; taⁿ thang chhut-lâi, an-jiân khi. ³⁷Nā-sī Pó-lô ká hiah ê lāng kóng, Goán sī Lô-má lāng, bē sím-m̄ng, chiū kong-hēng phah goán, koh koaiⁿ goán lóh kaⁿ; taⁿ beh àm-chīⁿ koáⁿ goán chhut mah?

tek-khak boē choē tit, tiòh in chhin-sin lâi chhoā goán chhut. ³⁸Gê-iáh chiong chiaⁿ ê oē hē-hok chiūⁿ-si-koāⁿ; chiūⁿ-si-koāⁿ thiaⁿ-kìⁿ in sī Lô-má lāng, chiū kiaⁿ. ³⁹Chiah lâi khó·khng in; chhoā in chhut, chhiáⁿ in lī-khui hit ê siâⁿ. ⁴⁰In chhut kaⁿ, jip Lū-tí-a ê chhù; í-keng kìⁿ-tiòh chiaⁿ ê hiaⁿ-tī, chiū khó·khng in, chhiah lī-khui hia.

17 In keng-kè Àm-hui-pho-lí, A-pho-lô-ni-a, kàu Thiap-sat-lô-ni-ka, tī hia ũ Iû-thài lāng ê hoē-tng; ²Pó-lô chiàu pēng-siōng ê khoán jip-khi chiū-kūn in; tī saⁿ ê an-hioh-jit, ín-khi sēng-keng kap in piān-lūn, khui-thiah chí-bēng Kì-tok eng-kai siū hāi, tui sí-lāng tiong koh-oáh; koh kóng, Goá só· tui lín thoân ê Iâ-so· chiū-sī Kì-tok. ⁴In tiong-kan ũ-ê siū khó·khng, chiū kui-oá Pó-lô Se-lah; koh ũ kēng-khiân ê Hi-lī-ni lāng put-chí choē, chun-kui ê hū-jin-lāng iáh bô chió. ⁵Tòk-tòk Iû-thài lāng oàn-tò·, chio koe-chhī ê hui-lūi kúi-nā lāng, kiau-so peh-siⁿ kui kûn chū-chlp, jiáu-tōng thong siâⁿ, kong-jip Iâ-sun ê chhù, ài liáh in chhut-lâi kau hō· peh-siⁿ. ⁶Bô tú-tiòh, chiū thoa Iâ-sun kap kúi-nā ê hiaⁿ-tī, sàng hō· toē-hng koaⁿ; kiò kóng, Chiaⁿ ê phah-loān thiⁿ-ē ê lāng iáh kàu chia; ⁷Iâ-sun chiap-láp in; chiaⁿ ê lāng lóng ũi-kék Kai-sat ê bēng-lēng, kóng ũ pát ê ông, Iâ-so·. ⁸Chēng peh-siⁿ kap toē-hng koaⁿ thiaⁿ-kìⁿ che, chiū kiaⁿ-hiáⁿ. ⁹Í-keng siu Iâ-sun kap kī-ū ê lāng ê pó-chng, chiū pàng in.

¹⁰Tui án-ni hiaⁿ-tī sūi-sī chhe Pó-lô Se-lah thau-mī khi Pì-lí-a; nng lāng í-keng kàu tè, chiū jip Iû-thài lāng ê hoē-tng. ¹¹Hiah ê lāng pí Thiap-sat-lô-ni-ka lāng khah bûn-bēng, in-ūi in chù-ì siū tō-lí, tak jít chhâ-khó sēng-keng, khoàⁿ chiaⁿ ê sū kó-jiân ũ án-ni á bô. ¹²Só·-í kī-tiong ũ choē-choē lāng sìn; koh ũ Hi-

lī-nī chun-kùi ê hū-jîn-lâng, kap ta-po·lâng bô chió. ¹³Tók-tók Thiap-sat-lô-nī-ka ê Iû-thài lêng chai Pó-lô tī Pì-lí-a thoân Siōng-tè ê tō-lí, chiū kàu hia, iô-tāng kiáu-jiáu cheng lêng. ¹⁴Hiaⁿ-tī liām-piⁿ chhe Pó-lô khi kàu hái-piⁿ; tók-tók Se-lah Thê-mô-thài iû-goân toà hia. ¹⁵Sàng Pó-lô ê lêng chhoā i kàu Ngá-tián; siū bēng-lēng kiò Se-lah Thê-mô-thài kín-kín chiū-kūn i, chiū tò-khi.

¹⁶Pó-lô tī Ngá-tián theng-hāu in, khoàⁿ-kìⁿ moá siāⁿ lóng sī Ngó-siōng, chiū siong-sim tióh-kip. ¹⁷Só·í tī hoē-tng kap Iû-thài lêng í-kip keng-khiān ê lêng piān-lūn, ták jít tī koe-chhi-nh kap só· tú-tiòh ê iah sī án-ni. ¹⁸Ū Í-pí-kó-lô Sū-to-a, nng kàu-mng ê tiat-sū kap i piān-lūn. Ū-ê kóng, chit-ê khioh lêng ê oē-phoh ê beh kóng sím-mih? Ū-ê kóng, I sī chhin-chhiūⁿ thoân pát pang-kok ê kúi-sin ê; sī in-ūi i thoân Iā-so· kap koh-oáh ê tō-lí. ¹⁹In chiū chhoā i kàu A-liók soaⁿ, kóng, Lí só· kóng sin ê kàu thang tit-tiòh chai mah? ²⁰In-ūi lí ēng kí-koài ê sū thoân jíp goán ê hī-khang; só·í goán ài chai hiah-ê sī sím-mih ì-sù. ²¹Ngá-tián lêng kap tiām hia ê chhut-goā lêng boē kò·tit pát hāng sū, tók-tók sī chiong sin ê sū lāi kóng, lāi thiaⁿ nā-tiāⁿ). ²²Pó-lô khiā tī A-liók soaⁿ tiong, kóng,

Nág-tián lêng ah, goá khoàⁿ lín hoān sū keng-ùi sin-bēng, chám-jiān jiát-sim. ²³In-ūi goá teh kiāⁿ-iū ê sī khoàⁿ-kìⁿ lín só· keng-pài ê, tú-tiòh chit chō toāⁿ, téng-bīn siá, kóng, Bē bat ê Siōng-tè. Lín só· bē bat lāi keng-pài ê, goá ēng I lāi kā lín kóng. ²⁴Hit ê chhòng-chō sè-kan kap kī-tiong bān mih ê Siōng-tè, kì-jiān sī thiⁿ toē ê Chú, bô khiā-khi chíu chō ê tiān; ²⁵bô hō· lêng ê chíu hók-sāi, ná chhin-chhiūⁿ I ū só· khiām-kheh; sī ka-kī ēng oáh-miā, chhoán-khui, kap bān mih hō· cheng

lêng; ²⁶koh chhòng-chō bān pang ê lêng, tui chit ê pún-goân, khiā-khi tī choān toē-bīn, koh kā in hān tãi-seng tiāⁿ-tiòh ê sī-kī, kap só· khiā-khi ê toē-kài; ²⁷sī beh hō· in chhē Siōng-tè, kiám-chhái thang chhui-mô· lāi tit-tiòh, kī-sit I lī-khui lán ták lêng bô hng. ²⁸In-ūi lán tiām-tī I lāi oáh, lāi tín-tāng, lāi tī-teh; chhin-chhiūⁿ lín tiong-kan choē si ê lêng ū ê ū kóng, In-ūi lán chiah-ê iah sī I ê kiáⁿ-lūi. ²⁹Taⁿ kì-jiān sī Siōng-tè ê kiáⁿ-lūi, chiū m̄ eng-kai liāh choē Siōng-tè ê pún-chit chhin-chhiūⁿ kim, gūn, chíoh, lêng ê kang-hu lêng ê sim-sū só· tiau-tok ê. ³⁰Hiah ê m̄ chai-iaⁿ ê sī-tāi, Siōng-tè bô keng-khām; taⁿ chiū bēng-lēng ták só·-chāi ê lêng lóng-chóng tiòh hoán-hoē: ³¹in-ūi ū tiāⁿ-tiòh chit jít, beh ēng I só· siat-lip ê lêng, chiāu kong-gī sím-phoāⁿ thiⁿ-ē; sī tui sí-làng tiong hō· I koh-oáh, hō· cheng lêng ū pín-kù thang sìn.

³²In thiaⁿ-kìⁿ sí-làng koh-oáh ê oē, ū-ê chhiò i; ū-ê kóng, Goán beh koh thiaⁿ lí kóng che. ³³Tui án-ni Pó-lô tui in tiong-kan chhut-khi. ³⁴Nā-sī ū kúi-nā lêng oá i lāi sìn; tiong-kan ū A-liók soaⁿ ê hoē-oān Tiu-nī-siu, kap chit ê hū-jîn-lêng, miā kiò Tāi-má-lí, koh iā ū pát lêng.

18 Chit tiáp liáu-āu Pó-lô lī-khui Ngá-tián, kàu Ko-lim-to. ²Tú-tiòh chit ê Iû-thài lêng, miā A-ku-lah, chhut-si tī Pún-to·, kap i ê bó· Pek-ki-lah, tú-á tui Í-tāi-lī lāi, in-ūi Kek-ló-tiu bēng-lēng Iû-thài lêng lóng lī-khui Lô-má; Pó-lô chiū chiū-kūn in; ³in-ūi in tâng kang-gē, chiū kap in saⁿ-kap tiām, háp teh choē; in ê kang-gē chiū-sī choē pò·-pīⁿ. ⁴Ták ê an-hioh-jít Pó-lô tī hoē-tng piān-lūn, khó·-khng Iû-thài lêng kap Hi-lī-nī lêng.

⁵Se-lah Thê-mô-thài tui Má-kí-tùn lóh-lāi ê sī, Pó-lô chiū ūi-tiòh tō-lí put-chí pek-

chhiat, tùi Iû-thài lāng kan-chèng Iâ-so· sī Ki-tok. ⁶In tùi-ték i lâi pòng-tók ê sī, Pó-lô chiū poāⁿ saⁿ, tùi in kóng, Lín ê huìh kui tī lín, bô goá ê koan-hē; taⁿ liáu-āu goá beh chiū-kūn goā-pang lāng lah. ⁷Chiū lī-khui khì, jīp chít lāng ê chhù, hit lāng miâ Thê-to Iû-sū-to·, sī keng-pài Siōng-tè ê lāng, i ê chhù tī hoē-tng ê keh-piah. ⁸Koán hoē-tng ê lāng, miâ Kek-lí-sū-pò·, kap choân ke sìn Chú; Ko-lim-to lāng iah choē-choē thiaⁿ-kìⁿ, sìn lâi siū soé-lé. ⁹Mī-sī Chú tī tī-siōng tiong tùi Pó-lô kóng, Bôh-tit kiaⁿ, tiòh kóng, m̄ thang chēng-chēng; ¹⁰in-ūi goá kap lí tī-teh, bô lāng beh kong-kek lâi hāi lí; in-ūi goá ū choē-choē peh-siⁿ tī chit ê siāⁿ. ¹¹Pó-lô toà hia chit nī koh lāk gēh jīt; tī in tiong-kan chiong Siōng-tè ê tō-lí lâi kà-sī lāng.

¹²Ka-liū choē A-kai-a chóng-tok ê sī, Iû-thài lāng tâng-sim kong-kek Pó-lô, thoa i kàu kong-chō chēng, kóng, Chit ê lāng khng lāng pài Siōng-tè bô chiàu lūt-hoat. ¹⁴Pó-lô tú-tú beh khui chhùi, Ka-liū ká Iû-thài lāng kóng, Iû-thài lāng ah, siat-sú sī sīm-mih put-gī, kan-ok ê sū, chiàu lí goá tiòh iōng-ún lín; ¹⁵chóng-sī piān-lūn giân-gú, miâ-jī, kap lín ê lūt-hoat, lín khì ka-kī liāu-lí; goá m̄ ài sīm-phoàⁿ chiah-ê. ¹⁶Chiū koáⁿ in lī-khui kong-chō chēng. ¹⁷Chèng lāng liáh koán hoē-tng ê Só·-thê-nī, tī kong-chō chēng phah i. Chiah ê tãi-chì Ka-liū lóng bô liáh choē iàu-kín.

¹⁸Pó-lô iáu tiàm kúi-nā jīt, chiū lī-piát chiah ê hiaⁿ-tī, tah chún beh khì Sū-lī-a; Pek-ki-lah A-ku-lah saⁿ-kap khì; tī Kian-kek-lí chián thâu-m̄ng; ū hē-goān ê iân-kò. ¹⁹In kàu Í-hut-só·, Pó-lô chiū lâu in toà hia; ka-kī jīp hoē-tng, kap Iû-thài lāng piān-lūn. ²⁰In chhiáⁿ i ke toà kúi jīt; bô ún, chiū lī-piát in, kóng, Siōng-tè nā chún, goá beh tò-túg lâi

chiū-kūn lín. ²²Chiū khui chún lī-khui Í-hut-só·. Kàu Kai-sat-lī-a, chiū chiūⁿ-khì chhéng-an kàu-hoē, chiah lóh-khì An-thê-o. ²³Toà hia kúi jīt, koh khí-sin, chiàu chhù-sū keng-kè Ka-liáp-thài Hut-lū-ka ê toē-hng, kian-kò· chēng hák-seng.

²⁴Ū chit ê Iû-thài lāng, miâ A-pho-lô kàu Í-hut-só·, i chhut-si tī A-lék-san-thài, sī ū hák-būn, tī sèng-keng iah put-chí oē. ²⁵I bat hák-síp Chú ê lō·; jiát-sim chiong Iâ-so· ê sū siōng-sè kóng lâi kà-sī lāng, chí-ū chai Iok-hān ê soé-lé nā-tiāⁿ. ²⁶I tī hoē-tng hó-táⁿ lâi kóng, Pek-ki-lah A-ku-lah thiaⁿ-kìⁿ, chiū chhoā i lâi, tùi i pài-liát Siōng-tè ê lō· khah siōng-sè. ²⁷A-pho-lô ài khì A-kai-a ê sī, hiaⁿ-tī khoàn-bián i, koh kià phoe chhiáⁿ hák-seng chiap-láp i; í-keng kàu, chiū tùi un-tián lâi toā-toā pang-chān hia ê sìn-tô·. ²⁸in-ūi i tī chēng lāng ê bīn-chēng chhut-lát piān-tó Iû-thài lāng, ín sèng-keng chí-bēng Iâ-so· sī Ki-tok.

19 A-pho-lô tī Ko-lim-to ê sī, Pó-lô keng-kè téng-si ê toē-hng, kàu Í-hut-só·, tú-tiòh kúi-nā ê hák-seng; ²m̄ng in, kóng, Lín sìn ê sī bat siū-tiòh Sèng Sìn bô? Ìn kóng, Liân ū Sèng Sìn ê siūⁿ-sù á bô, goán iah bē bat thiaⁿ-kìⁿ. ³Kóng, Án-ni, chiū lín siū soé-lé lâi kui tī sīm-mih ah? In chiū kóng, Iok-hān ê soé-lé. ⁴Pó-lô kóng, Iok-hān kiāⁿ hoán-hoé ê soé-lé, ká peh-siⁿ kóng tiòh sìn tè-bé i lâi ê, chiū-sī Iâ-so·. ⁵Hiah ê lāng thiaⁿ-kìⁿ, chiū siū soé-lé kui tī Chú Iâ-so· ê miâ. ⁶Pó-lô ká in hoāⁿ chhiú, Sèng Sìn chiū kàu tī in; in sūi-sī kóng chiah ê khiuⁿ-kháu kap sian-ti ê oē. ⁷Kiōng iok-liók chap-jī lāng.

⁸Pó-lô jīp hoē-tng, hó-táⁿ lâi kóng, lék-kè saⁿ gēh jīt kú, ēng Siōng-tè kok ê sū lâi piān-lūn khó·-khng. ⁹Nā-sī ū kúi-nā lāng ngī-sim m̄ sūn-thàn, tng chēng lāng ê bīn-chēng húi-

pòng chit ê Lō; Pó-lô chiū lī-khui in, iáh hō· hák-seng kap in saⁿ-lī, chiū tī Chhui-lat-lō· ê óh-tng jít-jít piān-lūn. ¹⁰Chhin-chhiūⁿ án-ni nng nī kú; tì-kàu tiām-tī A-se-a ê lāng bô lūn Iú-thài, Hī-lī-nī, lóng thiaⁿ-kìⁿ Chú ê tō-lí. ¹¹Siōng-tè ēng Pó-lô ê chhiú kiāⁿ hán-tit ū ê koān-lēng; ¹²sīm-chì ū lāng tui i ê sin-khu thèh chhiú-kun, á-sī ūi-sin-kūn, hē tī pīⁿ-lāng ê sin-chiūⁿ, in ê pīⁿ chiū thè-khì, ok-sin iáh chhut-khì. ¹³Chóng-sī ū kúi-nā ê sì-koè kiāⁿ, liām-chiū koāⁿ kúi ê Iú-thài lāng, tui hiah ê hō· ok-sin chiūⁿ sin ê lāng, chū-choan kiò Chú Iá-so· ê miā, kóng, Goá óa-khò Pó-lô só· thoān ê Iá-so·, bēng-lēng lí chhut-khì. ¹⁴Ū Iú-thài ê chè-si-thâu Sū-ki-óa chhit ê kiáⁿ, iáh kiāⁿ chit ê tãi-chì. ¹⁵Ok-sin in kóng, Iá-so· goá chai I, Pó-lô goá iáh bat i; nā-sī lín sī chī-chui ah? ¹⁶Ok-sin chiūⁿ sin ê lāng chiū thiàu tī in sin-chiūⁿ, iāⁿ in nng lāng, ap-chè in, tì-kàu in theng-pak-theh, siū siong, cháu-chhut hit keng chhù. ¹⁷Khiā-khí Í-hut-só· ê Iú-thài lāng Hī-lī-nī lāng lóng chai, bô m̄ kiaⁿ-hiāⁿ; Chú Iá-so· ê miā chiū toā ēng-hián. ¹⁸Í-keng sin ê lāng choē-choē kàu, bēng-bēng jīn, koh kóng-khí in ê só· kiáⁿ. ¹⁹Pēng-sò· kiāⁿ hoat-sút ê, iáh ū choē-choē lāng chiong in ê chheh chū-chíp, hē tī cheng lāng ê bīn-cheng lāi sio; sng in ê kè-chíⁿ, chiū chai tát gūn gō· bān. ²⁰Chú ê tō-lí toā-toā heng-ōng tek-seng, ū chhin-chhiūⁿ án-ni.

²¹Chiah ê sū í-keng bēng-pék, Pó-lô tiāⁿ-tióh ì-sù, keng-kè Má-kì-tùn, A-kai-a, chiah beh khi Iá-lō·-sat-léng, kóng, Kàu hia liáu-āu, goá iáh tióh khi khoàⁿ Lô-má. ²²Chiū chhe kun-sui i ê chiōng-tiong nng lāng, Thê-mô·-thài Í-lah-to· khi Má-kì-tùn; pún-sin chiām-si toà A-se-a.

²³Tng sī, ūi-tiòh Chú ê Lō, ū khí toā jiáu-

tōng. ²⁴In-ūi ū gūn-chhiūⁿ, miā Tí-bí-tiu, pēng-sò· choē A-tí-bí ê gūn-kham, i hō· choē chit hō kang ê lāng thàn chíⁿ bô chió; ²⁵chiū chū-chíp in, í-klp thàn chit hō chiah ê lāng, kóng, Tāi-ke, lín chai lán óa-khò chit ê chhiú-gē lāi thàn chíⁿ. ²⁶Taⁿ chit ê Pó-lô, m̄-nā tī Í-hut-só·, iā chha-put-to piān A-se-a, ēng i ê khoān-bián lāi bē-hék choē-choē lāng, kóng chhiú só· chng ê m̄ sī sin-bēng; che sī lín só· khoàⁿ-kìⁿ, só· thiaⁿ-kìⁿ ê. ²⁷Chhin-chhiūⁿ án-ni, m̄ nā lán chit hō kang-giáp gūi-hiám hō· lāng khoàⁿ-khin; chiū toā lú-sin A-tí-bí ê biō iáh beh hō· lāng bák-tē-bô, koh piān A-se-a kap thiⁿ-ē só· pài ê A-tí-bí beh sit i ê ui-hong. ²⁸In thiaⁿ-kìⁿ chiū toā siū-khì, kiò kóng, Toā ah! Í-hut-só· lāng ê A-tí-bí! ²⁹Thong siāⁿ jiáu-loān; í-keng liáh Pó-lô tâng kiāⁿ ê Má-kì-tùn lāng, Kai-iū kap A-lí-tát-kó·, chiū tâng-sim khoeh jíp hì-hng. ³⁰Pó-lô sim siūⁿ ài jíp-khì kìⁿ peh-sìⁿ, hák-seng m̄ chún. ³¹Iáu ū A-se-a kúi ê thau-bák, sī Pó-lô ê pēng-iú, chhe lāng khng i bók-tit mō·-hiám jíp hì-hng. ³²Hoē-chiōng hun-loān, chit lāng hoah chit khoān; toā poāⁿ m̄ chai sī in-ūi siáⁿ-sū lāi chū-chíp. ³³Ū lāng khan A-lék-san-tāi chhut cheng lāng ê tiong-kan, Iú-thài lāng iáh kú i chìn-cheng. A-lék-san-tāi iō chhiú, ài tui peh-sìⁿ hun-sò·. ³⁴Cheng lāng chai i sī Iú-thài lāng, chiū tâng siaⁿ kiò kóng, Toā ah! Í-hut-só· lāng ê A-tí-bí! chhin-chhiūⁿ án-ni, iok-liōng chit sī kú. ³⁵Su-kì-koāⁿ í-keng hō· cheng lāng an-chēng, chiū kóng, Í-hut-só· lāng ah, chī-chui m̄ chai Í-hut-só· lāng ê siāⁿ chiū-sī kò·-siú toā A-tí-bí ê tiān, kap tui Tiu-sū só· kàng-lóh ê siōng ah? ³⁶Chiah ê sū í-keng boē piān-pok tit, lín cheng lāng tióh chēng-chēng, m̄ thang chhiong-pōng. ³⁷Hô-hòng chiah ê lāng m̄ sī thau-thèh biō-lāi ê mih, iáh m̄ sī

pòng-tók lán ê lú-sîn ê, lín kèng-jiân toà in kàu chia. ³⁸Nā Tí-bí-tiu í-klp hiah ê óa i ê sai-hū, kap lāng ū tãi-chì, chiū ū thiaⁿ saⁿ-kò ê jít-kí, iáh ū chóng-tok, tai-ke thang tùi-sìn. ³⁹Lín nā m̄ng pát mih sū, thang tī háp-lē ê hoē lāi gí-toàn. ⁴⁰Sī in-ūi kin-á-jít bô iân-kò· ê jiáu-loān, kiaⁿ-liáu lán boē bián-tit siū chhâ-m̄ng; koh iáh bô oē thang koé chit ê chū-hoē ê in-iū. ⁴¹Kóng soah, chiū soàⁿ hoē.

20 Hán-hoā í-keng tiāⁿ, Pó-lô kiò hák-seng lāi, khng in; chiū kap in lī-piát, khí-sin beh khi Má-kí-tùn. ²Í-keng keng-kè hiah ê toē-hng, ēng choē-choē oē khó·-khng in, chiū kàu Hi-lī-ní. ³Tiām hia saⁿ gēh jít; beh tah chūn khi Sū-lī-a. Iū-thài lāng siat kè beh hāi i; i chiū tiāⁿ-tiōh ì-sù tui Má-kí-tùn tò-tng. ⁴Tē i khi A-se-a ê lāng, ū Pì-lí-a lāng, Pit-lō· ê kiáⁿ Só·-pá-tek; Thiap-sat-lō-ni-ka lāng, A-lí-tát-kó· kap Se-kong-to·; Ték-pì lāng Ka-iū, kap Thē-mô-thài; koh ū A-se-a lāng Chhui-ki-kó· kap Ték-lō-hui-mô·. ⁵Chí kú lāng tãi-seng khi, tī Ték-lō-a theng-hāu goán. ⁶Tū-kàⁿ-choeh āu, goán tui Hui-lp-pí khui chūn, gō· jít kàu Ték-lō-a, kap in siong-hoē; tiām hia chhit jít.

⁷Chhit jít ê thau chit jít, goán chiaⁿ-ê chū-chíp beh peh piáⁿ, Pó-lô ài tī keh jít khí-sin, chiū kap in káng-lūn tō-lí, chhiân kàu poàⁿ-mí. ⁸Goán só· chū-chíp ê lâu ū tiám choē-choē teng. ⁹Ū chit ê siáu-liân lāng, miā Iū-chhui-kó·, chē tī thang-á téng, khun tâng bin; Pó-lô káng-lūn í-keng kú, siáu-liân lāng in-ūi khun, tui saⁿ chàn lâu poáh-lòh-lāi; lāng lāi hū i, í-keng sí lah. ¹⁰Pó-lô lòh-khi phak tī i ê sin-chiūⁿ, phō i, kóng, Lín bōh choē siaⁿ; i ê hūn iáu tī-teh. ¹¹Chiū koh chiūⁿ-khi peh piáⁿ lāi chiaⁿ, saⁿ-kap tâm-lūn kú-kú; kàu thiⁿ-kng chiū khí-sin. ¹²Gín-ná í-keng oáh, lāng chhoā

i lāi, toā siū an-ùì.

¹³Goán tãi-seng chiūⁿ chūn, khui chūn khi A-sok, ài tī hia chih-chiap Pó-lô: in-ūi i ū án-ni hoan-hù, ka-kī beh tui lō· khi. ¹⁴Í-keng tī A-sok kap goán siong-hoē, goán chiū chih i chiūⁿ chūn, khi Bí-chhui-lī-ní. ¹⁵Tui hia khui chūn tē jī jít kàu Ki-o ê tui-bīn; keh jít chūn koa tī Sat-mô·; koh chit jít kàu Bí-lī-to·. ¹⁶In-ūi Pó-lô koat-ì tah chūn siám kè Í-hut-só·, bián-tit kú-kú tiām tī A-se-a; chiū koáⁿ-kín kiāⁿ, khoàⁿ oē thang tī gō·-sūn-choeh jít kàu Iā-lō·-sat-léng. ¹⁷Tui Bí-lī-to· chhe lāng kàu Í-hut-só·, chhiáⁿ kàu-hoē ê tiúⁿ-lō lāi. ¹⁸In í-keng kàu, chiū tui in kóng,

Lín ka-kī chai goá tui khí-thau táh-tiōh A-se-a toē ê jít, thau kàu bé kap lín cháíⁿ-iūⁿ; ¹⁹goá hók-sāi Chú hoan sū khiam-sùn, koh lâu bák-sái, koh tui Iū-thài lāng ê bô·-hāi lèk-kè chhi-liân; ²⁰hoan ū lī-ek ê, goá bē bat kiu-koēh bô kā lín kóng, lāi kà-sī lín, bô lūn tī cheng lāng ê bīn-cheng, á-sī tī chiaⁿ ê jīn-ke; ²¹tui Iū-thài kap Hi-lī-ní lāng cheng-bēng, tiōh òng Siōng-tè lāi hoan-hoē, koh tiōh òng lán ê Chú Iā-so· Kí-tok lāi sìn. ²²Taⁿ goá ê sim-sin siū pák khi Iā-lō·-sat-léng, bē chai tī hia beh tú-tiōh cháíⁿ-iūⁿ; tók-tók Seng Sín tī ták ê siāⁿ tui goá cheng-bēng, kóng ū só-liân kap hoan-lān teh theng-hāu goá. ²⁴Nā-sī goá bô liáh sīⁿ-miā choē iáu-kín, lāi khoàⁿ choē pó-poē, tók-tók sī beh chīn goá ê lō·-chām, kap tui Chú Iā-so· só· siū ê chit-hūn, lāi cheng-bēng Siōng-tè un-tián ê hok-im. ²⁵Goá pēng-sò· sī-koē kiāⁿ tī lín tiong-kan thoan Siōng-tè ê kok, taⁿ goá chai lín cheng lāng bô koh kìⁿ goá ê bīn. ²⁶Só·-í goá kin-á-jít tui lín kan-cheng, nā ū lāng tim-lūn, goá bô chek-seng. ²⁷In-ūi goá bē bat kiu-koēh bô ēng Siōng-tè ê chí-ì it-chīn kā lín kóng. ²⁸Lín tiōh ka-kī kín-sin, iáh tiōh

kín-sīn choân kûn, Sèng Sīn tī in tiong-kan siat-líp lín choè kam-tok, lâi chiàu-kò Siōng-tè ê kàu-hoē, chiū-sī I ēng ka-kī ê huìh só· tit-tiòh ê. ²⁹Goá chai goá lī-khui liáu-āu, beh ū hiong-ok ê chhâi-lông jíp lín tiong-kan, bô sioh iūⁿ-kûn; ³⁰koh tui lín ka-kī ê tiong-kan, beh ū lāng khí-lâi kóng gèk-lí ê oē, ài ín-iú hák-seng thàn i. ³¹Só·-í lín tiòh kóng-séng, kì-liām goá saⁿ nī ê kú, mī-jit bô soah, lâu bák-sái lâi kóng-kài lín ták lāng. ³²Taⁿ goá chiong lín kau-thok Siōng-tè, kap I un-tián ê tō, sī oē kiàn-líp lín, hō· lín tit-tiòh giáp tī lóng-chóng chiāⁿ-sèng ê lāng ê tiong-kan. ³³Goá bē bat tham lāng ê gûn, kim, i-hók. ³⁴Lín ka-kī chai, chí nng kì chhiú ū kiong-kip goá ê khiām-ēng, í-klp kap goá tī-teh ê lāng. ³⁵Goá hoân sū choè lín ê bô·iūⁿ, tiòh án-ni tiòh-boâ, lâi hū-chhi loán-jiók ê lāng; koh tiòh kì-tit Chú Iā-so· pún-sin ê oē, kóng, Hō· lāng ê, pí tui lāng thêh ê, khah ū hok-khì.

³⁶Kóng soah, kúi-lòh kap in cheng lāng kí-tó. ³⁷Cheng lāng toā thí-khau, phō Pó-lô ê ām-kún, chim i; ³⁸tē it hoân-ló ê, chiū-sī i só· kóng ê oē, í-āu boē koh kìⁿ-tiòh i ê bīn. Chiū sàng i lòh chûn.

21 Goán í-keng lī-piát in khui chûn, tit-tit kàu Ko-sū, keh jít kàu Lô-tí, tui hia koh kàu Phāⁿ-tāi-lah; ²tú-tiòh chit chia h chûn beh kè-khì Hui-nī-kì, chiū tah i khí-sin. ³Í-keng oē khoàⁿ-kìⁿ Ku-pí-lô·, tui chiāⁿ pêng kiāⁿ-kè, kàu Sū-lī-a, tī Chhui-lô chiūⁿ soaⁿ; in-ūi chûn tī hia sià chāi. ⁴Chhē-tiòh ū hák-seng, kap in toà chhit jít; in tui Sīn kám-tōng, kā Pó-lô kóng bôh-tit kiāⁿ kàu Iā-lô·-sat-léng. ⁵Chiah ê jít í-keng moá, goán khí-sin kiāⁿ, cheng lāng kap bó· kiáⁿ sàng goán kàu siāⁿ-goā; ⁶chiū lóng kúi-lòh tī hái-piⁿ kí-tó, tãi-ke saⁿ-sī; goán chiūⁿ chûn, in tò-khì in tau.

⁷Goán tui Chhui-lô chú-lô· kiāⁿ chīn, chiū kàu To-lī-mái, chheng-an hiaⁿ-tī, kap in toà chit jít. ⁸Keh jít khí-sin kàu Kai-sat-lī-a; jíp thoân hok-im ê lāng Hui-lèk ê ke, kap i saⁿ-kap toà; i sī hí chhit-lāng tiong chit ê. ⁹I ū sī ê cha-bó·-kiáⁿ, lóng sī chāi-sek-lú, iā choè sian-ti. ¹⁰Goán tiām hai kúi-nā jít, ū sian-ti, miā A-ka-pò·, tui Iū-thài lòh-lâi. ¹¹Chiū-kūn goán, thêh Pó-lô ê toà, pák ka-kī ê kha-chhiú, kóng, Sèng Sīn kóng, Iū-thài lāng tī Iā-lô·-sat-léng beh án-ni pák chit tiâu toà ê chú-lāng, kau tī goā-pang lāng ê chhiú. ¹²Goán thiaⁿ-kìⁿ chia ê oē, chiū kap hit só·-chāi ê lāng khng Pó-lô m̄ thang chiūⁿ Iā-lô·-sat-léng. ¹³Pó-lô chiū in, kóng, Lín siāⁿ-sū thí-khau, lâi chô-chak goá ê sim ah? Goá ūi-tiòh Chú Iā-so· ê miā, m̄ nā siū pák, chiū sí tī Iā-lô·-sat-léng, iah í-keng piān lah. ¹⁴I m̄ siū khó-khng, goán chiū soah, kóng, Chú ê chí-ì tit-tiòh chiāⁿ, chiū-sī.

¹⁵Chiah ê jít liáu-āu, goán siu-síp heng-lí, chiūⁿ Iā-lô·-sat-léng. ¹⁶Kai-sat-lī-a kúi-nā ê hák-seng kap goán khì, iah chhoā chit ê Ku-pí-lô· lāng Ná-sun, sī kú ê hák-seng; goán beh hioh in tau.

¹⁷Kàu Iā-lô·-sat-léng hiaⁿ-tī hoaⁿ-hí chih-chiap goán. ¹⁸Keh jít, Pó-lô kap goán jíp khì kìⁿ Ngá-kok; cheng tiúⁿ-ló iah tī-teh. ¹⁹Pó-lô í-keng kā in chheng-an, chiū chiong Siōng-tè ēng i choè kang, só· kiāⁿ tī goā-pang ê, chit hāng chit hāng kóng beng. ²⁰In thiaⁿ-kìⁿ chiū kui ēng-kng Siōng-tè; iā tui Pó-lô kóng, Hiaⁿ-tī ah, lí khoàⁿ-kìⁿ Iū-thài lāng ê tiong-kan sin-ê joā choē bān; ²¹lóng sī ūi-tiòh lút-hoat teh jiát-sim; in bat thiaⁿ-kìⁿ lāng kóng lí kà-sī goā-pang tiong ê Iū-thài lāng lóng poē Mô-se, kóng bôh-tit kā in ê kiáⁿ kiāⁿ kat-lé, iah bôh-tit thàn chia ê kui-lē. Taⁿ beh cháiⁿ-iūⁿ?

²²In tek-khak oē thiaⁿ-kìⁿ lí lăi. ²³Só·í goán só· kă lí kóng ê, lí tiòh kiâⁿ i. ²⁴Goán chia ũ sî ê lăng hē goān; lí chhoā chiaⁿ ê lăng kap in chiâⁿ chheng-khì, chhut só·-hùi hō· in thì thâu-mŭng; án-ni chiū chêng lăng oē chai só· thiaⁿ-kìⁿ kóng-khí lí ê tăi-chì, sī bô iăⁿ; chiū lí pún-sin iăh sī siú lút-hoat lâi kiâⁿ. ²⁵Lūn-kàu sîn Chú ê goā-pang lăng, goán í-keng bat kià phoe gī-tiāⁿ tiòh kìm-kài chè ngó·-siōng ê mih, kap huìh, kap nh-sí ê mih, kap im-loān. ²⁶Pó-lô chiū chhoā hiah ê lăng, tē jī jít kap in chiâⁿ chheng-khì, jíp tiān, pò bêng chheng-khì ê jít-kî moá lah, thêng-hāu kă in ták lăng hiàn lé-mih. ²⁷Hí chhit jít teh-beh moá, tui A-se-a lâi ê Iū-thài lăng khoàⁿ-kìⁿ Pó-lô tī tiān-nih, chiū kiau-so chêng peh-siⁿ, hē chhiú liăh i, kiò kóng, Í-sek-liăt lăng ah, lâi pang-chān; ²⁸chit lăng chiū-sī hit ê tī ták só·-chăi kà-sī chêng lăng, kong-kek lán ê peh-siⁿ, kap lút-hoat, kap chit só·-chăi ê; koh ũ chhoā Hi-lī-ni lăng jíp tiān, phah lâ-sâm chit ê sêng ê só·-chăi. ²⁹In-ūi in bat khoàⁿ-kìⁿ Í-hut-só· lăng Têk-lô-hui-mô· kap i tī siâⁿ-lăi, phah-sŭng Pó-lô ũ chhoā i jíp tiān. ³⁰Tui án-ni thong siâⁿ iô-choah, peh-siⁿ lóng chău-lăi; liăh Pó-lô, thoa i chhut tiān; chiaⁿ ê mŭng liâm-piⁿ koaiⁿ. ³¹In teh-beh thâi i, ũ siau-sit thoân kàu iâⁿ-nih ê chhian-chóng, kóng thong Iâ-lô·-sat-lêng hun-loān. ³²I liâm-piⁿ chhoā peng-teng kap pé-chóng kúi-nă ê, chău lóh-khì kàu in hia; in khoàⁿ-kìⁿ chhian-chóng kap peng-teng, chiū thêng chhiú, bô koh phah Pó-lô. ³³Chhian-chóng kŭn chêng liăh Pó-lô, bêng-lêng êng nŭng tiâu liăp pák i; mŭng i sī chī-chui, choè sím-mih tăi-chì. ³⁴Chêng lăng chit ê hoah chit khoán; in-ūi hán-hoā, boē chai hit ê sít-chêng, chiū bêng-lêng toà i jíp iâⁿ-poāⁿ. ³⁵Í-keng kàu kiâ·á, in-ūi chêng lăng

oe-khoeh chin hiông, peng-teng chiū chiong Pó-lô chhah chiūⁿ-khì; ³⁶sī chêng peh-siⁿ tē tī āu-bīn, kiò kóng, Kă i tū-khì.

³⁷Pó-lô hō· in toà-khì beh jíp iâⁿ-poāⁿ ê sī, tui chhian-chóng kóng, Goá chit kù oē kă lí kóng, thang mah? I kóng, Lí bat Hi-lī-ni oē mah? ³⁸Lí kiám m̄ sī hit ê Ai-kíp lăng, chêng jít khí jiău-loān, chhoā sî-chheng ê hong-siú chhut-khì không-iá ê mah? ³⁹Pó-lô kóng, Goá sī Iū-thài lăng, chhut-si tī Ki-lī-ka ê Tăi-sò·, sī chhut-miâ ê siâⁿ ê peh-siⁿ; kiú lí chún goá tui peh-siⁿ kóng. ⁴⁰Í-keng chún i, Pó-lô chiū khiâ tī kiâ·á téng, tui peh-siⁿ iô chhiú; chêng lăng chêng-chêng, chiū êng Hi-pek-lăi ê khiuⁿ-kháu tui in kóng,

22 Liăt-ūi hū-heng ah, goá taⁿ tui lín ka-kī hun-sò·; chhiáⁿ lín thiaⁿ.

²In thiaⁿ-kìⁿ i êng Hi-pek-lăi ê khiuⁿ-kháu tui in kóng, chiū koh khah an-chêng: Pó-lô kóng,

³Goá chiū-sī Iū-thài lăng, chhut-si tī Ki-lī-ka ê Tăi-sò·, tióng-sêng tī chit ê siâⁿ choè Kamá-liăt ê hăk-seng, chiau lán chó·-chong lút-hoat ê giâm-kín lâi siū kà-sī, ũ-tiòh Siōng-tè lâi jiăt-sim, chhin-chhiūⁿ kin·á-jít lín chêng lăng chit iūⁿ. ⁴Goá bat khún-tiòk thàn chit ê Lō· ê lăng hō· i sí, bô lūn lâm-lú lóng pák in, sàng lóh kaⁿ. ⁵Chè-si-thâu kap tiúⁿ-lô ê choân-hoē thang choè goá ê kan-chêng; goá iăh tui in tit-tiòh kià hō· hiaⁿ-tī ê phoe, khì Tăi-má-sek, beh pák tiām tī hia ê lăng thoa kàu Iâ-lô·-sat-lêng, siū hêng-hoat. ⁶Kiâⁿ kŭn Tăi-má-sek, hit sī iok-liók jít tiong-tàu, hut-jiân tui thiⁿ ũ toā kng ũi-lúi chiò goá. ⁷Goá chiū phak tī toē-nih, thiaⁿ-kìⁿ ũ siaⁿ tui goá kóng, Sò-lô, Sò-lô, siâⁿ-sū khún-tiòk goá? ⁸Goá in kóng, Chú ah, lí sī chī-chui? I in goá kóng, Goá chiū-sī Ná-sat-lék ê Iâ-so·, lí só·

khún-tiok ê. ⁹Kap goá tī-teh ê lâng khoàⁿ-kìⁿ hit ê kng, bô thiaⁿ-kìⁿ ká goá kóng ê ê siaⁿ. ¹⁰Goá kóng, Chú ah, goá tiòh cháiⁿ-iūⁿ choè? Chú ká goá kóng, Khí-lâi, jlp Tâi-má-sek; hoân só· tiāⁿ-tiòh lí kiāⁿ ê, tī hia beh ká lí kóng. ¹¹Goá in-ūi hit ê kng ê chhàn-lân, chiū boē khoàⁿ-kìⁿ, hō· saⁿ-kap tī-teh ê lâng khan jlp Tâi-má-sek. ¹²Ū chit lâng, miâ kiò A-ná-ni-a, chiàu lùt-hoat sī kèng-khiân ê lâng, hō· tiām tī hia ê cheng Iû-thài lâng só· o-ló; ¹³i chiū-kūn goá lâi khiā tī sin-piⁿ, ká goá kóng, Hiaⁿ-tī Sò-lô, lí thang koh khoàⁿ. ¹⁴Goá chek-sī kiáh bák khoàⁿ i. Koh kóng, Lán liát-chó· ê Siōng-tè í-keng tiāⁿ-tiòh lí lâi chai I ê chí-ì, khoàⁿ hit ê Gī-ê, koh thiaⁿ I ê chhui só· chhut ê siaⁿ. ¹⁵In-ūi lí beh chiong só· khoàⁿ-kìⁿ só· thiaⁿ-kìⁿ ê, ūi-tiòh I choè kan-cheng tī cheng lâng. ¹⁶Taⁿ siáⁿ-sū iân-chhiân ah? khí-lâi, kiū I ê miâ, lâi siū soé-lé, soé-tū lí ê choē. ¹⁷Āu-lâi goá tò-túg kàu Iâ-lô-sat-léng, tī tiām-nih kī-tó ê sī, sîn iū tī siōng-goā, khoàⁿ-kìⁿ I tui goá kóng, Lí tiòh koáⁿ-kín chhut Iâ-lô-sat-léng, in-ūi lí ūi-tiòh goá só· kan-cheng ê, hiah ê lâng teh-beh m̄ chiap-láp. ¹⁹Goá kóng, Chú ah, in lóng chai goá pêng-sò· tī tak ê hoē-tng chiong sîn lí ê lâng koaiⁿ-kaⁿ koh phah in; ²⁰koh choè lí ê kan-cheng ê Sū-thê-hoán lâu huì ê sī, goá iáh khiā-oá, tâng hoaⁿ-hí, koh kò· hāi-sí i ê lâng ê saⁿ. ²¹Chú ká goá kóng, Khí ah; goá beh chhe lí khi hng-hng, chiū-kūn goā-pang lâng.

²²In thiaⁿ kàu chit kù oē; chiū toā siaⁿ kóng, chit hō lâng tiòh tui toē-nih tū-khi, i m̄ eng-kai oáh. ²³Cheng lâng hoā-hoā jióng, theng saⁿ, poāⁿ thô-hún tī khong-tiong. ²⁴Chhian-chóng chiū bēng-lēng toà Pó-lô jlp iân-poāⁿ, ēng piⁿ phah lâi sím-mng i, ài chai

ūi-tiòh sím-mih iân-kò· cheng lâng án-ni jióng i. ²⁵Tú-á ēng phê-toà pák i, Pó-lô tui piⁿ-á teh khiā ê pé-chóng kóng, Choè Lô-má lâng, bē tēng choē, lín phah i, thang mah? ²⁶Pé-chóng thiaⁿ-kìⁿ, chiū khi ká chhian-chóng kóng, Lí beh cháiⁿ-iūⁿ choè? in-ūi chit ê sī Lô-má lâng. ²⁷Chhian-chóng chiū-kūn lâi tui i kóng, Ká goá kóng, lí sī Lô-má lâng á m̄ sī? I kóng, Sī. ²⁸Chhian-chóng in kóng, Goá ēng choē-choē gūn boé jlp chit ê chék. Pó-lô kóng, Goá chhut-si chiū-sī. ²⁹Tui án-ni beh phah-mng i ê lâng chiū liām-piⁿ lī-khui i; chhian-chóng kì-jian chai i sī Lô-má lâng, in-ūi bat pák i, iáh chin kiaⁿ.

³⁰Keh jlt, ài chai Pó-lô hō· Iû-thài lâng kò ê sít-cheng, chiū ká i tháu khui, bēng-lēng chiah ê chè-si-thâu kap choân kong-hoē chū-chíp; chiū toà Pó-lô lóh-lâi, hō· i khiā tī in ê bīm-cheng.

23 Pó-lô chū-bák khoàⁿ kong-hoē, kóng, Hiaⁿ-tī ah, goá pêng-sò· choè lâng òng Siōng-tè, hoân-sū chūn liông-sim, kàu kin-á-jlt. ²Chè-si-thâu A-ná-ni-a bēng-lēng sin-piⁿ teh khiā ê lâng phah i ê chhui. ³Pó-lô chiū tui i kóng, Hún-péh ê chhiūⁿ ah, Siōng-tè beh phah lí; lí chē teh chiàu lùt-hoat sím-phoàⁿ goá, kèng-jian ūi-kéh lùt-hoat bēng-lēng phah goá mah? ⁴Sin-piⁿ teh khiā ê lâng kóng, Siōng-tè ê chè-si-thâu, lí mē i mah? ⁵Pó-lô kóng, Hiaⁿ-tī ah, goá m̄ bat i sī chè-si-thâu; in-ūi sèng-keng ū kì, kóng, Bôh-tit mē lí ê peh-siⁿ ê sī-toā. ⁶Nā-sī Pó-lô chai in chit pêng sī Sat-thó·-kai lâng, chit pêng sī Hoat-lī-sài lâng; chiū tī kong-hoē tiong kiò kóng, Hiaⁿ-tī ah, goá sī Hoat-lī-sài lâng, iáh sī Hoat-lī-sài lâng ê kiáⁿ; chit tiáp siū sím-phoàⁿ chiū-sī in-ūi sí-lâng koh-oáh ê òng-bāng. ⁷Kóng án-ni, Hoat-lī-sài lâng kap Sat-thó·-kai lâng saⁿ-

chiⁿ; cheng lāng chiū hun-pêng. ⁸In-ūi Sat-thó·kai lāng kóng bô koh-oáh, iáh bô thiⁿ-sài, iáh bô sîn; nā-sī Hoat-lī-sài lāng chiū jīm nng hāng lóng ū. ⁹Chiū ū toā soan-jíong; Hoat-lī-sài hit pêng ê keng-hák-sū kúi-nā ê khí-lái, cheng-piān kóng, Goán khoàⁿ chit lāng lóng bô pháiⁿ; nā beh sī ū sîn, á-sī thiⁿ-sài, kap i kóng oē nh? ¹⁰Hit sī tú-tú toā saⁿ-chiⁿ; chhian-chóng kiaⁿ-liáu Pó-lô hō· in thiah-lih, bēng-lēng peng-teng lóh-khì tui in tiong-kan chhiúⁿ-chhut, chhoā i jlp iāⁿ-poāⁿ.

¹¹Hit mī Chú khiā tī Pó-lô ê sin-piⁿ, kóng, Chong lí ê sim; lí bat tī Iá-lō·sat-léng ūi-tiòh goá choè kan-cheng, iáh tek-khak án-ni choè kan-cheng tī Lô-má.

¹²Kàu thiⁿ kng, Iú-thài lāng kiat-tóng chiū-choā, kóng, Nā bô kàu thài-sí Pó-lô, m̄ lim m̄ chiáh. ¹³Án-ni tâng sim chiū-choā ê ū sì-cháp goā lāng. ¹⁴Chiū chiū-kūn chiaⁿ ê chē-si-thâu kap tiúⁿ-lô, kóng, Goán chiaⁿ-ê í-keng chiū tâng choā, nā bô kàu thài-sí Pó-lô, poāⁿ hāng mih to m̄ chiáh. ¹⁵Taⁿ lín kap kong-hoē tiòh ká chhian-chóng kóng, chhiáⁿ i chhoā Pó-lô kàu lín ê bīn-chēng, ná chhin-chhiūⁿ lín beh koh siōng-sè chhâ-mng i ê àn-chēng; goán í-keng pī-pān hó lah, tī i bē kūn-oá ê sí lái thài i. ¹⁶Tók-tók Pó-lô ê goē-seng thiaⁿ-kìⁿ in beh bài-hók, chiū khi jlp iāⁿ ká Pó-lô kóng. ¹⁷Pó-lô kiò chit ê pé-chóng lái, kóng, Chhoā chit ê siāu-liân lāng khi kìⁿ chhian-chóng; in-ūi i ū tãi-chì beh pò i chai. ¹⁸Chiū khan i, chhoā i khi kìⁿ chhian-chóng, kóng, Hit ê siū koaiⁿ ê Pó-lô kiò goá khi, kiū goá chhoā chit ê siāu-liân lāng khi kìⁿ lí; ū tãi-chì beh ká lí kóng. ¹⁹Chhian-chóng khan i ê chhiú, kàu phian-phiah ê só·chāi, mng kóng, Beh pò goá chai sím-mih? ²⁰Kóng, Iú-thài lāng siōng iok, kiū lí bīn-á-jlt chhoā Pó-lô

lòh kong-hoē, ná chhin-chhiūⁿ lí beh siōng-sè chhâ-mng i ê àn-chēng. ²¹Kiū lí bôh-tit thàn i; in-ūi in ū sì-cháp goā lāng bài-hók teh tng-tán i; in bat chiū-choā kóng, Nā bô kàu thài-sí Pó-lô, m̄ lim m̄ chiaⁿ; taⁿ í-keng pī-pān hó, teh theng-hāu lí ún-chún nā-tiāⁿ. ²²Chhian-chóng kah siāu-liân lāng khi, hoan-hù i kóng, M thang tui lāng kóng lí ū chiong chiaⁿ ê tãi-chì thong-ti goá. ²³Chiū tiāu pé-chóng nng lāng, kóng, Pī-pān pō·peng nng pah, bé-peng chhit-cháp, kiáh chhiuⁿ ê nng pah, kim-mī jī kīⁿ khi Kai-sat-lī-a; ²⁴koh pī-pān cheng-siⁿ hō· Pó-lô khiā, pò-hō· i kàu chóng-tok Hui-lék-sū hia. ²⁵Chiū siá bûn-su, hit ê tãi-liók sí kóng:

²⁶Kek-ló-tiu Lū-se-a chheng-an chóng-tok Hui-lék-sū tãi-jîn. ²⁷Chit lāng hō· Iú-thài lāng liáh; beh thài i, goá chit-ē chai i sí Lô-má lāng, chiū chhoā peng khi kiū i. ²⁸Ài chai in kò i ê iân-kò·, chiū sàng i lòh in ê kong-hoē: ²⁹chhâ-chhut i siū kò, sí ūi-tiòh in lút-hoat ê piān-lūn, pēng bô eng-kai sí eng-kai pák ê àn-chēng. ³⁰Ū lāng ká goá kóng, teh-beh ū kè-bô· hām-hāi chit lāng, goá chek-si chhe i chiū-kūn lí, iáh bēng-lēng kò i ê lāng tī lí ê bīn-chēng kò i.

³¹Peng-teng hōng bēng-lēng, chiong Pó-lô thau-mī chhoā kàu An-thê-phàⁿ-tí. ³²Keh jlt hō· bé-peng kap i khi, in chiū tò-khi iāⁿ-poāⁿ. ³³Hiah ê bé-peng jlp Kai-sat-lī-a, chiong bûn-su hiàn chóng-tok, chiū hō· Pó-lô khiā tī i ê bīn-chēng. ³⁴Khoàⁿ-liáu, mng i sí sím-mih séng ê lāng; chai i siók Kì-lī-ka. ³⁵Chiū kóng, Kò lí ê lāng nā lái, goá beh siōng-sè thiaⁿ lí ê sū; chiū hoan-hù kò·siú i tī Hì-lút ê gē-mng.

24 Gō· jlt āu chē-si-thâu A-ná-nī-a kap kúi-nā ê tiúⁿ-lô, kap chit ê piān-hō·sū Thiap-thó·lô, lòh-lái; tui chóng-tok kò Pó-lô. ²Pó-lô siū tiāu, Thiap-thó·lô chiū kò i, kóng,

³Hui-lék-sū tãi-jîn, goán tùi lí tit-tiòh thài-pêng, koh tùi lí ê sian-kiàn, chit kok ê pē-pēng tit-tiòh kái-chèng, ták sî ták só·chāi, goán sêng-siū i, lâi kám-siā bô soah. ⁴Taⁿ m̄ káⁿ chhiân lí siuⁿ kú, kiū lí khoan-iông thiaⁿ goán kúi kù oē. ⁵In-ūi ū chhâ-chhut chit lāng chhin-chhiūⁿ un-ék, tī thiⁿ-ē siⁿ-khí jiáu-loān, choē Ná-sat-lék tóng ê thâu-bák, ⁶liân sèng-tiān i iáh beh phah lâ-sâm; ⁸goán chiū liáh i; lí ka-kī sím-m̄ng i, chiū goán só· kò i ták hāng ê in-toaⁿ, oē khak-sit chai. ⁹Iū-thài lāng tâng siaⁿ kò i kóng, tãi-chì sít-chāi sī án-ni.

¹⁰Chóng-tok thim thâu, kah Pó-lô kóng; i chiū ìn kóng, Goá chai lí choē chit pang kok ê sím-phoàⁿ si choē-choē nî, só·-í hoaⁿ-hí hun-sò· ka-kī ê tãi-chì; ¹¹lí oē chai, goá chiūⁿ Iâ-lō·sat-léng kèng-pài kàu taⁿ put-kò chap-jī jīt; ¹²in bē bat tú-tiòh goá tī tiān-lāi kap lāng piān-lūn, á-sī jiáu-tōng cheng lāng chiū tī hoē-tng iáh bô, siāⁿ-lāi iáh bô. ¹³Koh hiān-chāi só· kò goá ê sū, ìn lóng boē-oē tùi lí hiān-chhut cheng-kù. ¹⁴Tók-tók chit hāng goá tùi lí jīm, chiū-sī ìn só· kiò choē kiát-tóng ê Lō·, goá chiàu án-ni lâi hók-sāi liát-chó· ê Siōng-tè, koh sìn lóng-chóng háp tī lút-hoat ê í-kíp kì-chài tī sian-ti ê chheh ê; ¹⁵koh tùi Siōng-tè ū òng-bāng, chiū-sī bô lūn gī lāng kap put-gī ê lāng beh lóng koh-oáh, che iáh sī ìn ka-kī só· teh him-bô· ê. ¹⁶Goá tī chit-ê ka-kī liān-síp, chiū-sī tùi Siōng-tè, tùi lāng, siōng-siōng chūn bô khui-hū ê liōng-sim. ¹⁷Taⁿ kè kúi-nā nî, goá tò-lāi sī beh chín-chè pún kok, kap hiàn lé-mih; ¹⁸teh hiàn ê sî, ìn tú-tiòh goá tī tiān-nih í-keng chheng-khì, pèng bô kiát kui-kūn iā bô hán-hoā; chí-ū kúi ê Iū-thài lāng tùi A-se-a lâi ê, ìn nā ū thang chek-choē goá, chiū eng-kai lâi tī lí ê bīn-chèng kò goá. ²⁰Á-sī tī chia ê lāng, nā khoàⁿ-kìⁿ goá khiā tī kong-

hoē ê bīn-chèng, ū sím-mih put-gī, ìn iáh tiòh ka-kī kóng; ²¹siat-sú ū, iáh put-kò chí chit kù nā-tiāⁿ, chiū-sī goá khiā tī ìn tiōng-kan, kiò kóng, Ūi-tiòh sí-lāng koh-oáh ê sū, goá kin-á-jīt tī lín ê bīn-chèng siū sím-phoàⁿ.

²²Hui-lék-sū pún siōng-sè chai koan-siáp chit ê Lō· ê sū, chiū iān-chhiân ìn, kóng, Chhian-chóng Lū-se-a lóh-lāi ê sî, goá chiū beh sím-toàn lín ê tãi-chì. ²³Tùi án-ni bēng-lēng pé-chóng kò·siú Pó-lô, iáh pàng-khoan i; i ê lāng nā lâi kiong-kip i, lóng bók-tit chó·tòng.

²⁴Kè kúi-nā jīt, Hui-lék-sū kap i ê bó·, Thó·se-lah, sī Iū-thài lāng, saⁿ-kap lâi, chiū tiâu Pó-lô, ài thiaⁿ i lūn sìn Ki-tok Iā-so· ê tō-lí. ²⁵Pó-lô gī-lūn kong-gī, cheng-chiat, kap chiong-lāi ê sím-phoàⁿ, Hui-lék-sū put-chí kiaⁿ, ìn kóng, Taⁿ chhiāⁿ thè-khì; ū lī-piān ê sî, chiah tiâu lí. ²⁶I iáh òng-bāng Pó-lô beh gūn hō· i; só·-í táuh-táuh tiâu i lâi, kap i tâm-lūn. ²⁷Kè nng nî, Pho-kiū Hui-sū-to· chiap Hui-lék-sū ê jīm; Hui-lék-sū ài chhú Iū-thài lāng hoaⁿ-hí, chiū lâu Pó-lô iū-goān pák-teh.

25 Hui-sū-to· tò jīm saⁿ jīt, chiū tùi Kai-sat-lī-a chiūⁿ Iâ-lō·sat-léng. ²Chiah ê chè-si-thâu kap Iū-thài ê thâu-lāng, tùi i kò Pó-lô; ³soà kiū cheng beh hāi Pó-lô, soè i toà Pó-lô kàu Iâ-lō·sat-léng; ìn tī lō·nih teh siat bāi-hók, beh thài i. ⁴Nā-sī Hui-sū-to· ìn kóng, Pó-lô sī kò·siú tī Kai-sat-lī-a, goá pún-sin iáh beh kín-kín tò-khì. ⁵Koh kóng, Lín tiōng-kan khah oē ê lāng thang saⁿ-kap lóh-khì; hit lāng nā ū sím-mih put-sī, chiū thang kò i.

⁶Hui-sū-to· tiām hia put-kò chap-jīt poeh-jīt, chiū lóh-khì Kai-sat-lī-a; keh jīt chē tng, bēng-lēng toà Pó-lô lâi. ⁷Í-keng kàu, tùi Iâ-lō·sat-léng lóh-lāi ê Iū-thài lāng ūi-lúi teh khiā, ēng choē-choē tâng ê àn-kiāⁿ lâi kò i; nā-

sī bô pîn-kù thang chêng-bêng. ⁸Pó-lô hun-sò· kóng, Iû-thài lāng ê lùt-hoat, á-sī tiān-tng, á-sī Kai-sat, goá bē bat hoān-tiōh. ⁹Hui-sū-to· ài hō· Iû-thài lāng hoaⁿ-hí, ìn Pó-lô kóng, Lūn chiaⁿ ê sū, lí kam-goān chiūⁿ Iâ-lō·sat-léng, tī hia tng goá ê bīn-chêng siū sím-phoàⁿ mah? ¹⁰Chóng-sī Pó-lô kóng, Goá khiā tī Kai-sat ê kong-tng, sī goá eng-kai siū sím-phoàⁿ ê uī; goá bē bat ēng put-gī khoán-thāi Iû-thài lāng, che iāh sī lí só· bēng-bēng chai ê. ¹¹Goá nā ū kiāⁿ put-gī, á-sī hoān-tiōh sí choē, chiū sí iāh bô the-sí; nā-sī ìn só· kò goá ê bô chit hāng sít, chiū bô lāng thang sūn jîn-chêng chiong goá kau hō· ìn. Goá tùi Kai-sat kò gū-chng. ¹²Hui-sū-to· kap gī-hoē saⁿ-kap gī-lūn liáu, chiū ìn kóng, Lí í-keng tùi Kai-sat kò gū-chng, chiū khi kīⁿ Kai-sat.

¹³Kè kúi-nā jīt A-ki-phàⁿ ông kap Pek-nî-ki kàu Kai-sat-lī-a, chhéng-an Hui-sū-to·. ¹⁴Tiām hia choē-choē jīt, Hui-sū-to· chiong Pó-lô ê sū tùi ông pài-liát, kóng, Ū chit lāng chiū-sī Hui-lék-sū só· lâu tī kaⁿ-nih ê; goá tī Iâ-lō·sat-léng ê sí, chiaⁿ ê chè-si-thâu kap Iû-thài ê tiúⁿ-ló kò i, kiū tēng i ê choē. ¹⁶Goá ìn kóng, Pī-kò kap goān-kò iáu-bē tùi-sin, bē tit-tiōh ki-hoē hun-sò· i ê àn-chêng, chiū sūn jîn-chêng chiong i kau hō· lāng, m̄ sī Lô-má lāng ê lē. ¹⁷Só·-í ìn chū-chíp tī chia, goá bô iân-chhiān, keh jīt chē tng, bēng-lēng toà hit lāng kàu. ¹⁸Kò i ê lāng lóng khiā-teh; só· kò ê m̄ sī goá só· tãi-seng phah-sng ê pháiⁿ sū, ¹⁹put-kò ū kúi hāng ê piān-lūn, chiū-sī lūn ìn keng sîn-bēng ê sū, koh lūn chit ê Iâ-so·, í-keng sí, Pó-lô kóng i oáh, ūi-tiōh án-ni lāi kò i. ²⁰Chiaⁿ ê sū tiōh cháiⁿ-iūⁿ chhâ-mng, goá kî-jian boē bēng, só·-í mng i kam-goān khi Iâ-lō·sat-léng, tī hia siū sím-mng chiaⁿ ê sū á m̄. ²¹Tók-tók Pó-lô í-keng kò gū-chng, ài goá

lâu i kau hō· hōng-tè phoàⁿ-toàn, goá chiū bēng-lēng lâu i, thēng-hāu kè-sàng hō· Kai-sat. ²²A-ki-phàⁿ tùi Hui-sū-to· kóng, Goá pún iā ài thiaⁿ chit ê lāng. Kóng, Bīn-a-jīt thang thiaⁿ i.

²³Keh jīt A-ki-phàⁿ kap Pek-nî-ki toā siat uī-gī lāi, kap chiaⁿ ê chhian-chóng, í-kíp siāⁿ-lāi chun-kùi ê lāng, jlp kong-tng, Hui-sū-to· chhut bēng-lēng, chiū toà Pó-lô kàu. ²⁴Hui-sū-to· kóng, A-ki-phàⁿ ông í-kíp kap goán tī-teh ê chēng lāng ah, lín khoāⁿ chit ê lāng, chiū-sī chēng Iû-thài lāng, tī Iâ-lō·sat-léng kap tī chia, kiū goá kiò kóng, i m̄ eng-kai iáu oáh ê. ²⁵Nā-sī goá chhâ-bēng i bē bat kiāⁿ eng-kai sí ê sū; koh i í-keng kò gū-chng tī hōng-tè, só·-í goá gí-tiāⁿ kè-sàng i. ²⁶Tók-tók bē tit-tiōh i ê sít-chēng thangh chàu goá ê chú. Só·-í toà i chhut-lāi tī lín ê bīn-chēng, koh khah iáu-kín tī A-ki-phàⁿ ông lí ê bīn-chēng, chiaⁿ tī sím-mng liáu ū só· thang chàu. ²⁷In-ūi chiàu goá phah-sng, kè-sàng hoān-lāng, nā bô chí-bēng kò i ê sū, sī bô háp lí.

26 A-ki-phàⁿ tùi Pó-lô kóng, Chún lí ka-kī pài-liát. Pó-lô chiū kiāh-khí chhiú hun-sò· kóng:

²A-ki-phàⁿ ông ah, goá hō· Iû-thài lāng só· kò ê, kin-á-jīt beh lóng hun-sò· tī lí ê bīn-chēng, sī chin kai-chài: ³koh khah kai-chài ê, sī in-ūi Iû-thài lāng ê kui-lē kap in ê piān-lūn, lí lóng chai; só·-í kiū lí khoan-iōng thiaⁿ goá. ⁴Goá tùi khí-thâu tī goá ê peh-siⁿ ê tiong-kan, kap tī Iâ-lō·sat-léng, tùi siàu-liân choē-lāng cháiⁿ-iūⁿ, Iû-thài lāng lóng chai. ⁵In tùi khí-thâu bat goá, siat-sú khéng choē kan-chēng, chiū chai goá chiàu lán kàu-tiong kék giām ê phài, choē Hoat-lī-sài lāng. ⁶Hiān-chāi goá khiā tī chia lāi siū sím-phoàⁿ, chiū-sī in-ūi òng-bāng Siōng-tè tùi lán ê liát-chó· só· èng-ún ê;

⁷lân chấp-jī chi-phài, jīt-mī un-khūn hók-sāi, iáh sī ñg-bāng kàu tī chit-ê. Ông ah, goá ùi-tiòh chit ê ñg-bāng, chia hō· Iú-thài lāng kò.
⁸Siōng-tè nā hō· sí-lāng koh-oáh, lín chiáⁿ-iūⁿ liáh choè boē sìn tit ah? ⁹Chêng goá ka-kī phah-sng tiòh ēng choē-choē hāng lāi kong-kek Ná-sat-lèk Iā-so· ê miā. ¹⁰Tī Iā-lō·sat-léng kó-jiān bat án-ni kiāⁿ; í-keng siū-tiòh chia hē si-thâu ê koān, chiong choē-choē sèng-tô· koaiⁿ tī kaⁿ-nh; in siū thài-sí, goá iáh gí ũ hūn. ¹¹Koh tī ták ê hoē-tng goá táuh-táuh hēng-hoát in, kiōng-pek in kóng pòng-tók ê oē; kong-kek in ná hiōng, kàu goā-ūi ê siāⁿ iáh khún-tiòk in. ¹²Hit tiáp goá khi Tāi-má-sek ê sī, ũ tit-tiòh chia hē si-thâu ê koān kap bēng-lēng. ¹³Ông ah, goá tī lō·chiūⁿ, jīt tiōng-tàu ê sī, khoàⁿ-kìⁿ tui thiⁿ ũ kng, iāⁿ-kè jīt ê chhàn-lān, ũi-lui chiò goá kap tâng kiāⁿ ê lāng. ¹⁴Goán lóng tó tī toē-nh, goá thiaⁿ-kìⁿ ũ siaⁿ ēng Hi-pek-lāi ê khiuⁿ-kháu tui goá kóng, Sò-lô, Sò-lô, lí siāⁿ-sū khún-tiòk goá? lí ēng kha that chhi sī kan-khó. ¹⁵Goá kóng, Chú ah, lí sī chī-chūi? Chú kóng, Goá chiū-sī lí só· khún-tiòk ê Iā-so·. ¹⁶Chóng-sī lí tiòh khí-lāi khiā; in-ūi goá tiâu-tī tui lí chhut-hiān, beh siat-lp lí choē chhe-ēng, choē kan-chèng ê, tī lí só· khoàⁿ-kìⁿ goá kap goá só· beh chhut-hiān hō· lí khoàⁿ ê sū; ¹⁷kiù lí chhut chit ê peh-sìⁿ kap goā-pang lāng ê chhiú, chiū-sī hiān-kim chhe lí chiū-kūn in ê; ¹⁸lāi khui in ê bák-chiu, hō· in tui àm oát-tng kàu tī kng; lī-khui Sat-tàn ê koān-sè lāi kui-ñg Siōng-tè, tui sìn goá lāi tit-tiòh sià-choē, koh tit-tiòh ki-giáp tī chiāⁿ-sèng ê ê tiōng-kan. ¹⁹A-ki-phàⁿ ông ah, só·-í goá bô ũi-kèh tui thiⁿ só· hiān-hiān ê: ²⁰chiū tī-tai-seng tī Tāi-má-sek, āu-lāi tī Iā-lō·sat-léng, kap Iú-thài ê choān toē, í-kíp goā-pang, khng lāng

tiòh hoán-hoé lāi kui-ñg Siōng-tè, kiāⁿ tī-tai-chi kap hoán-hoé saⁿ-háp. ²¹In-ūi án-ni, Iú-thài lāng tī tiān-nh liáh goá beh thài goá. ²²Nā-sī goá tit-tiòh Siōng-tè ê pì-iū, kàu kin-á-jit iáu tī-teh, tui toā kàu soē choē kan-chèng; só· kóng ê bô m sī chia hē sian-ti kap Mô-se só· kóng beh kàu ê sū; ²³chiū-sī Ki-tok cháiⁿ-iūⁿ tiòh siū khó·, koh cháiⁿ-iūⁿ choē thâu ēng sí-lāng koh-oáh ê sū, lāi thoān-pò kng-bēng hō· chit ê peh-sìⁿ kap goā-pang.

²⁴Pó-lô án-ni hun-sò·, Hui-sū-to· toā siaⁿ kóng, Pó-lô, lí teh kóng lah; lí ê choē-choē hák-būn hō· lí pìⁿ choē kng. ²⁵Pó-lô kóng, Hui-sū-to· tī-jīm, goá m sī kng; goá sī kóng chin-sit toan-chiāⁿ ê oē. ²⁶In-ūi ông chai chia hē sū, goá iáh hó-tán tui i kóng; sī chia hē sū, goá chhim-sìn bô chit hāng ún-bát tī ông; in-ūi che m sī kiāⁿ tī phian-phiah ê só·-chāi. ²⁷A-ki-phàⁿ ông ah, lí sìn chia hē sian-ti mah? goá chai lí sìn. ²⁸A-ki-phàⁿ tui Pó-lô kóng, Lí siūⁿ ēng sió-khoá khó·-khng, beh hō· goá choē Ki-tok-tô· ah. ²⁹Pó-lô kóng, Goá kiū Siōng-tè, bô lūn ēng sió-khoá á-sī toā, m nā hō· lí, iáh hō· kin-á-jit kìⁿ-nā thiaⁿ goá kóng ê, lóng kap goá chit iūⁿ, tók-tók bô chia hē só·liān.

³⁰Ông kap chóng-tok kap Pek-ni-ki, í-kíp tâng chē ê lāng lóng khí-lāi: ³¹thē-khi saⁿ-kap tâm-lūn kóng, Chit lāng só· choē bô eng-kai sí eng-kai pák ê sū. ³²A-ki-phàⁿ ká Hui-sū-to· kóng, Chit lāng nā bē ũ tui Kai-sat kò gū-chng, chiū thang pàng i.

27 Í-keng tiāⁿ-tiòh ì-sù hō· goán kè hái khi Í-tāi-lī, chiū chiong Pó-lô kap lēng-goā kúi-nā ê hoān-lāng, kau hō· Se-pa-sū-tok iāⁿ ê pé-chóng, miā Iú-liū. ²Ū A-tāi-bí-tiān ê chūn beh kiāⁿ kàu A-se-a hái-kìⁿ kúi-nā só·-chāi, goán chiū tah i khí-sin; ũ Má-kí-tùn ê Thiap-

sat-lô-ni-ka lăng, A-lí-tát-kó·, kap goán khi.
³Keh jít kàu Se-tùn; Iû-liû hó khoán-thāi Pó-lô, chún i chiū-kūn chiah ê pêng-iú, siū in ê chiàu-èng. ⁴Tùi hia khui chún; in-ūi tùi-thâu hong ê iân-kò·, chiū tùi Ku-pí-lô· ē-sì keng-kè. ⁵Í-keng kè Ki-lī-ka, Pông-hui-lī-a ê hái, kàu Lū-ka ê Múi-lah. ⁶Tī hia pé-chóng tú-tiòh A-lék-san-tāi ê chún, beh khi Í-tāi-lī ê, chiū kah goán tah i. ⁷Kiāⁿ chin bān, choē-choē jít chiah lím-á kàu Kek-ni-thó· tui-bīn; in-ūi hong chót-tòng, chiū siám Kek-lí-tí ē, tui Sat-mô·nī kè; ⁸lím-lím-á oē thang iân hoāⁿ kiāⁿ kàu chit só·-chāi, miā Ka-ò; kūn chia ū Lah-se-a ê siāⁿ.

⁹Lék-kè choē-choē jít, kìm-chiáh ê kí í-keng kè, kiāⁿ chún gūi-hiám, Pó-lô khng in kóng, ¹⁰Tāi-ke ah, goá khoàⁿ chit pái kiāⁿ chún, m̄ nā hē-mih kap chún, liân lán ê sīⁿ-miā iáh beh siū hái kap toā sún-sit. ¹¹Nā-sī pé-chóng sìn tãi-kong kap chún-chú, khah kè-thâu tī Pó-lô só· kóng ê. ¹²Koh tī chit ê oaⁿ-ù kè tang-thiⁿ m̄ lī-piān; toā poàⁿ ê lăng siūⁿ ài khui chún lī-khui chia, khoàⁿ oē thang kàu Hui-ni-ki kè tang-thiⁿ; hit ūi chiū-sī Kek-lí-tí chit ê oaⁿ-ù, chit bīn òng tang-lâm, chit bīn òng tang-pak. ¹³chit sī lām hong bī-bī-á lăi, chng lăng liáh choē tek-ì, chiū khí tiāⁿ, óá Kek-lí-tí hoāⁿ lăi kiāⁿ. ¹⁴Bô joā kú, kông hong tui hái-sū téng phah lóh-lăi; hit ê hong miā Iú-lah-ku-lūn; ¹⁵chún hō· hong sàu, chih-chài boē tiâu, chiū chhut-chāi i phiau-liū. ¹⁶Sái kàu sió hái-sū ē, miā kiò Ko-tāi lím-lím oē siu sam-pán khí-lăi. ¹⁷Sam-pán í-keng siu-khí-lăi, chiū ēng hong-hoat khún-pák chún-toé, koh kiaⁿ-liáu khoà-tiòh Sài-ní-tí ê soa-soàⁿ, chiū lóh phâng, hō· hong áh-khi. ¹⁸Goán hō· hong éng toā iô-poà, keh jít in chiū ēng hē-mih hiat-lóh hái; ¹⁹tē saⁿ jít koh chhin chhiú hiat-kák chún-

nih ê khi-kū. ²⁰Jít kap chhiⁿ choē-choē jít bô chhut-hiân, koh hō· hong éng phah put-chí thiám, goán tit kiù ê òng-bāng chiū lóng bô lah. ²¹Chng lăng kú-kú bô chiah, Pó-lô khiā tī in tiòng-kan, kóng, Tāi-ke ah, lín chng tiòh thiaⁿ goá ê oē, bôh-tit khui chún lī-khui Kek-lí-tí, lăi tú-tiòh chit hō siong-hāi kap sún-sit. ²²Taⁿ goá khng lín an-sim; in-ūi lín tiòng-kan bô chit lăng oē sit-lóh sīⁿ-miā, tók-tók sit-lóh chún nā-tiāⁿ. ²³In-ūi goá só· siók, só· hók-sāi ê Siōng-tè, I ê thiⁿ-sài chā-mi khiā tī goá sin-piⁿ, kóng, Pó-lô, m̄ bián kiaⁿ; ²⁴lí tek-khak tiòh khiā tī Kai-sat ê bīn-chng; khoàⁿ ah, Siōng-tè ēng chún-lăi ê lăng lóng-chóng siúⁿ-sù lí. ²⁵Só·-í tãi-ke ah, lín tiòh an-sim; in-ūi goá sìn Siōng-tè, tãi-chi teh-beh chiàu I só· ká goá kóng ê. ²⁶Nā-sī lán chiah-ê tek-khak khoà tī chit ê hái-sū.

²⁷Kàu tē chấp-si mī, goán phiau-liū tī A-tí-a hái, iok-liók poàⁿ mī, chúi-siú liáh-choē kūn soaⁿ; ²⁸phah chúi-tô, tit-tiòh jī-cháp siām; lióh-lióh-á chìn-chng, koh phah chúi-tô, tit-tiòh chấp-gō· siām. ²⁹Kiaⁿ-liáu loē-tiòh chiòh, chiū tī chún-bé pha sī keng tiāⁿ, chhiat-chhiat òng-bāng thiⁿ kng. ³⁰Chúu-siú ài beh lī-khui chún tô-cháu; pàng sam-pán lóh hái, ké-choē beh tui chún-thâu pha tiāⁿ. ³¹Pó-lô tui pé-chóng kap peng-teng kóng, Chiah ê lăng bô tiām tī chún-nih, lín boē-oē tit-kiù. ³²Peng-teng chiū chām-tng sam-pán ê soh, chhut-chāi i ka-kī tui-lóh. ³³Kàu thiⁿ beh kng, Pó-lô khng chng lăng tiòh chiah, kóng, Lín tãi-ke teh liâu bāng, lún iau m̄ chiāⁿ chiah, kin-á-jít sī tē chấp-si jít lah. ³⁴Só·-í khng lín tiòh chiah; che sī koan-hē lín ê tit kiù, in-ūi lín bô chit lăng oē sit-lóh chit kí thâu-mng. ³⁵Kóng soah, thêh piáⁿ, tng chng lăng ê bīn-chng kám-siā Siōng-tè; peh-phoà lăi chiah. ³⁶Tui

án-ni cheng lāng lóng an-sim, iah ták-ê chiah.
³⁷Goán tī chūn-nih ê kè-kiōng nng pah chhit
 chấp lāk lāng. ³⁸Í-keng chiah pá, hiat béh lōh
 hái, hō· chūn khah khin. ³⁹Kàu thiⁿ kng, m̄
 bat hit ê só·-chāi; tók-tók khoàⁿ-kìⁿ chit ê hái-
 oan ū soa-pho, chiū saⁿ-kap kè-bô· khoàⁿ oē
 hō· chūn loē-chiūⁿ téng-bīn á boē. ⁴⁰Chiū khi-
 sak chiah ê tiāⁿ, pàng tī hái-nih, iā tháu-khui
 tiāu chūn-toā ê soh; khí thau phang, hō· i
 chiah hong, ñg soa-pho chūn-chēng. ⁴¹Tú-tiōh
 siang-kiap lâu ê ūi, chūn chiū khoà chhián;
 chūn-thau ká-tiāu boē tín-tāng, chūn-bé hō·
 toā éng siak phoà. ⁴²Peng-teng ê ì-sù beh
 thau chiah ê hoān-lāng, kiaⁿ-liáu ū-ê siū cháu.
⁴³Tók-tók pé-chóng ài kiù Pó-lô, chót-tòng in
 só· kè-bô·; bēng-lēng oē siū ê lāng tãi-seng lōh
 chúu chiūⁿ soaⁿ; kī-ū ê lāng ū-ê ēng pang, ū-ê
 ēng chūn-lāi ê mih. Tùi án-ni cheng lāng lóng
 tit kiù chiūⁿ soaⁿ.

28 Goán í-keng tit-tiōh kiù, chiū chai hit ê
 hái-sū miā kiò Bí-lī-tāi. ²Hoan-lāng ēng hán-
 tit ū ê jīn-ài khoán-thāi goán; in-ūi lōh hō·
 koh koāⁿ, in chiū khí hé, chiap-láp goán cheng
 lāng. ³Pó-lô khioh chhā chit pé, hē tī hé-nih;
 ū tók choā, in-ūi hé jiāt, chōng-chhut-lāi, ká-
 tiāu tī i ê chhiú. ⁴Hoan-lāng khoàⁿ-kìⁿ tók
 mih tiāu tī i ê chhiú, chiū saⁿ-kap kóng, Chit
 ê lāng tek-khak sī hiong-siú, sui-bóng hái-nih
 tit-tiōh kiù, Thian-lí boē iōng-ún i oáh. ⁵Pó-
 lô poāⁿ tók mih tī hé-nih, lóng bô siū siong.
⁶Hoan-lāng theng-hāu i cheng, á-sī hut-jiān
 sí, poáh-tó; theng-hāu kú-kú, khoàⁿ-kìⁿ i bô
 tãi-chì, chiū hoán-túg phah-sng kóng i sī sīn-
 bēng.

⁷Hái-sū ê thau-lāng, miā Pō·pek-liú, ū
 chhān-hng kūn tī hia; i chiap-láp goán, saⁿ jīt
 kú hó-lé saⁿ khoán-thāi. ⁸Tú-tiōh Pō·pek-liú
 ê lâu-pē ū jiāt-pīⁿ kap choē-lī, tó-teh; Pó-lô

jíp-khì chiū-kūn i, kī-tó, ká i hoāⁿ chhiú, i-
 hó i. ⁹Tùi án-ni hái-sū tiōng kī-ū ê phoà-pīⁿ
 lāng iah lāi tit-tiōh i-hó; ¹⁰in iā ēng choē-choē
 lé-sò· chun-keng goán; khui chūn ê sí, chiong
 só· khiām-ēng ê, sàng kàu chūn-nih.

¹¹Kè saⁿ gēh jīt, goán tah A-lék-san-tāi ê
 chūn khí-sin, hit chiah chūn hō choē Tiu-sū
 ê Siang-siⁿ-kiáⁿ, sī tī chit ê hái-sū kè tang-
 thiⁿ ê. ¹²Kàu Sū-lah-kó· pha-teh; goán tiām
 hia saⁿ jīt. ¹³Tùi hia sēh kàu Lī-kī-ong; kè
 chit jīt lām hong khí, tē jī jīt kàu Pō·tiu-lī;
¹⁴tī hia tú-tiōh hiaⁿ-tī, chhiáⁿ goán saⁿ-kap
 tiām chhit jīt; chiū kàu Lô-má. ¹⁵Lô-má ê
 hiaⁿ-tī thiaⁿ-kìⁿ goán ê siau-sit, chiū tùi hia
 lāi kàu A-pí-o· chhī, kap Sam-koán ê só·-chāi,
 chih-chiap goán: Pó-lô khoàⁿ-kìⁿ in, kám-siā
 Siōng-tè, chiū chōng-táⁿ.

¹⁶Í-keng jíp Lô-má, chún Pó-lô kap chit ê
 khàn-siú i ê peng lēng-goā toà.

¹⁷Kè saⁿ jīt, Pó-lô chhiáⁿ Iū-thài lāng ê sī-
 toā lāi siong-hoē; í-keng chū-chlp, chiū tùi in
 kóng, Hiaⁿ-tī ah, goá sui-jiān bē bat hoān-
 tiōh lán ê peh-siⁿ, á-sī liāt-chó· ê kui-lē, nā-
 sī tùi Iā-lō-sat-léng siū pāk, sàng-kau Lô-má
 lāng ê chhiú; ¹⁸in í-keng sīm-phoàⁿ goá, khoàⁿ
 goá bô sí choē, chiū ài pàng goá. ¹⁹Tók-tók
 Iū-thài lāng hoán-tùi, goá put-tek-í tùi Kai-
 sat kò gū-chng, lóng m̄ sī ū in-toaⁿ beh kò
 goá ê peh-siⁿ. ²⁰In-ūi án-ni chiah chhiáⁿ lín
 lāi saⁿ-kìⁿ, saⁿ-kap gī-lūn; sī goá ūi-tiōh Í-
 sek-liāt só· ñg-bāng ê, chiah siū chit ê só-liān
 khún-pāk. ²¹In tùi i kóng, Goán bē bat tùi
 Iū-thài chih-tiōh phoe kóng kàu lí ê sū, iā bē ū
 sīm-mih hiaⁿ-tī kàu chia thong-pò, á-sī kóng
 li ū sīm-mih pháiⁿ. ²²Tók-tók goán ài thiaⁿ lí
 ê ì-kiàn cháiⁿ-iūⁿ; in-ūi chit ê tóng, goán chai
 ták só·-chāi hō· lāng hiām.

²³In í-keng kap i tiāⁿ-tiōh jīt-kī, choē-choē

lâng chiū-kūn i tī i hioh ê chhù; Pó-lô tui chá-khí kàu ê-hng pài-liát lâi chêng-bêng Siōng-tè ê kok, ín Mô-se ê lút-hoat, kap chia̍h ê sian-ti, ēng Iâ-so̍ ê sū khó·khò in. ²⁴I só· kóng ê, ū-ê sìn, ū-ê m̄ sìn. ²⁵N̄g pêng boē saⁿ-háp, chiū sî-soàⁿ; Pó-lô t̄ai-seng kóng chit kù oē, kóng, Seng Sîn ēng sian-ti Í-sài-a ê chhùi, k̄a lín ê liát-chó· só· kóng ê oē sī chin tiòh, “ ²⁶Khì k̄a chit ê peh-sìⁿ kóng, Lín thiaⁿ sī beh thiaⁿ, iā lóng boē hiáu-ngō; Lín khoàⁿ sī beh khoàⁿ, iā khoàⁿ lóng boē kìⁿ; ²⁷In-ūi chit ê peh-sìⁿ sim tūn, Hī-khang t̄ang, Bák-chiu pàng khoeh; Kiaⁿ-liáu in ēng bák-chiu khoàⁿ-kìⁿ, Ēng hī-khang thiaⁿ-kìⁿ, Ēng sim hiáu-ngō, Lâi oát-lìn-túg, Goá chiū i-hó in.” ²⁸Só·í lín tiòh chai, Siōng-tè chit ê chín-kiù í-keng si-hêng goā-pang, in iáh beh thiaⁿ-siū.

³⁰Pó-lô khiā ka-kī sè ê chhù n̄g nī kú; hoān-nā jlp lâi kìⁿ i ê, i lóng chiap-láp in, thoân Siōng-tè ê kok, chiong Chú Iâ-so̍ Kìtok ê t̄ai-chì chin hó-táⁿ kà-sī lâng, bô lâng kìm i.